

Последования богослужений по мирскому чину

I

Дневные богослужения

*Составитель:
диакон Алексей Попов*

Москва
2020

Оглавление

От составителя.....	3
Слово о том, как подобает совершать богослужения по мирскому чину	4
Утренние богослужения	7
Полунощница вседневная.....	7
Полунощница субботняя	15
Полунощница воскресная.....	22
Утреннее правило.....	55
Утренняя.....	63
Час первый.....	75
Дневные богослужения.....	78
Час третий.....	78
Час шестой.....	81
Час девятый	85
Изобразительные	88
Вечерние богослужения.....	93
Вечерня вседневная.....	93
Малая вечерня	100
Вечерня полиелейная	101
Малое повечерие	102
Вечернее правило	107
Отпусты на разных службах для мирян	113
Молитвословия за трапезой.....	117
Молитва перед и после всякой пищи.....	117
Поминальная трапеза	120
Праздничная Пасхальная трапеза в первый день Светлого Христова Воскресения.....	122
Праздничная Рождественская трапеза в первый день Рождества Господа Бога и Спаса нашего Иисуса Христа.....	123
Библиографический список	127

От составителя

При упоминании о мирянском чине богослужения у людей, чаще всего, возникает удивление. Некоторые даже говорят о том, что мирянский чин бессмысленен, часто путая его со своим келейным, то есть личным, домашним правилом. Но мирянские богослужения направлены на общину или на группу людей, хотя никто не запрещает некоторые службы (молебны, панихида и т.д.) совершать и одному человеку, то есть – келейно.

В тех краях и странах, где нет либо храма, либо постоянного пастыря, люди остаются без праздничных и суточных служб. Такой чин необходим для миссионеро-мирян и для тех, кто оказался в условиях гонений, а найти священника не представляется возможным.

К сожалению, нет ни одного труда или статьи, которая бы рассказывала бы полную историю создания мирянского чина. Достоверно известно, что такие службы были у монахов-аскетов, которые совершали богослужения суточного круга в келлиях. На Руси вечером дома читалось Повечерие, а утром – Полунощница. В Советский период, когда многие храмы были закрыты, а большинство пастырей оказались в ссылках, тюрьмах или вовсе принимали мученическую кончину за Христа, люди совершали многие службы (включая отпевание) по мирскому чину.

Создание данного сборника – это некий отклик на слова священоисповедника Афанасия, епископа Ковровского, который пишет следующее: «К сожалению, у нас очень мало самостоятельности в домашней молитве, особенно у мирян... Но... “не все на священника возверзем”. То, что со священником – то своим чередом; но надо еще и самому потрудиться, надо еще и самостоятельно помолиться, в особенности, когда нет возможности помолиться с иереем»¹.

В современной практике мирской чин активно используется в тех странах, где пока достаточно мало православных священников (например, в Индии и Филиппинах). Однако полноценной литературы, в которых бы четко было прописано последований служб, у таких общин нет.

Данный труд создан для удобства совершения богослужений по мирскому чину миссионерам и тем, кто служит на чужбине или в храмах, где временно отсутствует священник. Первым шагом к составлению «Последований богослужений по мирянскому чину» стал «Часослов для мирян»², в котором кратко описаны службы суточного круга и молитвы трапезы, совершаемые в отсутствие священнослужителя. «Последование богослужений по мирянскому чину» - это попытка описать, как правильно нужно совершать богослужения мирянам, чтецам, диаконам и иподиаконам, ибо «всё должно быть благопристойно и чинно» (1Кор.14:40).

Да послужит сие собрание во славу Божию!

¹ IV. Поминовение усопших на домашней молитве // Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. С.447-448

² См. Часослов для мирян: с параллельным переводом на русский язык. – М.: Общество Синхрония, 2015. – 256 с.

Слово о том, как подобает совершать богослужения по мирскому чину

Богослужение по мирянскому чину может совершать православный христианин из среды общины (мирянин, чтец, иподиакон и диакон), который был либо избран самими членами прихода (если это путешествие или в местах гонений), либо имеет благословение архиерея или священника (настоятеля) совершать службу, при этом знает Богослужебный Устав. Возраст здесь никакого значения не имеет.

Мирянин, который возглавляет богослужение, должен быть одет прилично: либо в рубашке и брюках, либо в подряснике (если имеет благословение на ношение или поставлен в чин чтеца, иподиакона), либо в подряснике и рясе (если возглавляет службу диакон). Старшему нужно понимать, что он – не полноценная замена священника, а богослужение, возношение молитв Богу, Богородице и всем святым совершают все, находящиеся на службе.

Если богослужение совершается в храме, то нужно сразу учесть, что:

1. Старший мирянин (далее везде – Старший), возглавляющий богослужение, не дает возгласы из Алтаря, не открывает Царские врата и не отдергивается катапетасму. Если совершается служба, где будет читаться Святое Евангелие, то перед Царскими вратами ставится столик, покрытый покрывцом или красивой тканью, полагается Евангелие и крест³.
2. Стихарь не надевается.
3. Входа не бывает.
4. Возгласы священника не произносятся, десницей народ не благословляется ни трехперстием, ни священническим благословением.
5. Ектении может возглашать только диакон.

Если богослужение по мирскому чину совершается в часовне, в молитвенном доме или на дому, тоставляется стол с покрывцом, на котором полагается Святое Евангелие и Крест. Возможно ставить перед Евангелием складень, который открывает непосредственно во время богослужения. Когда Старший подходит к столику, на котором лежит Евангелие и Крест, то он совершает следующие молитвословия, называемые *Малым началом*:

Боже, милостив буди мне, грешному (*земной поклон*).

Создавай мя, Господи, помилуй мя (*земной поклон*).

Без числа согреших, Господи, помилуй и прости мя, грешного (*земной поклон*).

Достойно есть, яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим, и славнейшую без сравнения Серафим, без истления Бога Слова Рождшую, сущую Богородицу Тя величаем.

Слава Отцу и Сыну и Святому Духу, и ныне и присно и во веки веков. Аминь.

Господи, помилуй (*трижды*). Господи, благослови.

Господи, Иисусе Христе, Сыне Божий, молитв ради Пречистыя Твоея Матере, преподобных и богоносных Отец наших и всех святых, помилуй и спаси мя, яко Человеколюбец. Аминь.

³ Ни в коем случае нельзя брать мирянину (включая чтеца и иподиакона) Евангелие и Крест с Престола. На это имеет права только диакон (до службы, а не во время нее).

Затем прикладывается к Евангелию и Кресту. К столу не прикладывается, так как это: 1) не Престол и 2) это бессмысленное действие и для мирянина, и для диакона.

Каждение совершается кацией⁴ (если она есть). Однако нужно помнить, что Вход на богослужении не совершается, Алтарь не кадится.

Мы можем прочитать в труде священноисповедника Афанасия Ковровского «О поминовении усопших по Уставу Православной Церкви» предложение, как именно заменять ектении: «Мирянину и ектении произносить не подобает. За ектении во всех случаях мирянин произносит только “Господи, помилуй”»: за великую и просительную – 12 раз, за сугубую – 40, и за малую – по 3 раза»⁵. Конечно, везде разная практика: вместо прошений диакона миряне поют разное количество раз «Господи, помилуй». Но факт остается фактом: произносить ектении может только диакон, миряне этого делать не могут.

Протоиерей Глеб Каледа, рассказывая о мирянском богослужении, рекомендовал при совершении Всенощного бдения заменять мирную ектению не словами «Господи, помилуй», а следующими молитвами:

«Молимся Тебе, Господу Богу нашему, Вседержителю, Творцу великих и далеких галактик и звезд, мельчайших пылинок Вселенной и душ человеческих и просим: даруй нам дар молитвы и ниспошли мир душам нашим.

Сохрани, Господи, Церковь Твою Святую и нас в чадах ее соблюди. Патриархам спомоществуй, архиереи и иереи укрепи, а нас спаси по молитвам их. Даруй изобилие плодов земных и времена мирны, с плавающими сплавай, с путешествующими спутешествуй, с летающими слетай, болящих исцели; и заблудших вразуми, избави нас от всякие скорби, гнева и нужды, сохрани нас Твоею благодатью от всякого греха и научи нас творити волю Твою.

Господи, помилуй (3 раза). Слава, и ныне»⁶.

Комментируя эти молитвы (которые, возможно, были написаны самим отцом Глебом), автор пишет: «В этой молитве кратко изложено содержание Великой ектении. Она состоит из 4 частей и может либо вообще опускаться, либо читаться лишь отдельными частями. Первая из них связывает настоящую молитву с содержанием Предначинательного псалма и просит о даре молитвы в начале богослужения»⁷.

Все богослужения по мирянскому чину начинаются с возгласа «Молитвами святых отец наших, Господи Иисусе Христе, Сыне Божий, помилуй нас». Об этом пишет и святитель Афанасий Ковровский, толкуя этот возглас достаточно в интересной интерпретации: «Мирянин при совершении келейной молитвы и церковных служб в отсутствии иерея все иерейские возгласы должен заменять одним этим: “Молитвами святых отец наших”, разумея здесь отца своего духовного»⁸. Также он предлагает перед отпуском говорить не «Господи, благослови», как это подобает теперь говорить в наше время, а просто «Благослови», говоря, что это «есть мысленное обращение молящегося

⁴ По традиции некоторых общин, Старший совершает каждение кадиллом.

⁵ IV. Поминовение усопших на домашней молитве // Афанасий (Сахаров), еп. О поминовении усопших по Уставу Православной Церкви. С.466

⁶ VIII. О домашнем богослужении // Каледа Глеб, прот. Домашняя Церковь. Издание третье. – М.: Издательство Зачатьевского монастыря, 2001. С.178

⁷ Там же.

⁸ IV. Поминовение усопших на домашней молитве // Афанасий (Сахаров), еп. О поминовении усопших по Уставу Православной Церкви. С.466

к отцу своему духовному, за благословение которого и совершается всякое келейное правило...»⁹.

Особое внимание хотелось обратить внимание на заупокойное богослужение, совершаемое мирянами. Чаще всего, во время мирянского богослужения опускается молитва «Боже духов и всякия плоти...», считающаяся только иерейской. Однако это не так. Об этом пишет святой Афанасий, хоть и кратко: «Заканчивается молитва текстом возгласа: “Яко Ты еси воскресение и живот”. Но в данном случае этот глас мирянину не надо заменять возгласом “Молитвами святых отец”, ибо это здесь употребляется не в качестве нарочитого иерейского возгласа, в отличие от других молитвословий, читаемых клириками или мирянами, а составляет окончание молитвы, подобно тому, как им же оканчивается и заупокойная молитва на полунощнице или как некоторые молитвы, предназначенные для чтения не иереями, например, молитвы междочасий 1-го и 3-го часов, молитва 9-го часа и др.»¹⁰.

⁹ Там же.

¹⁰ Там же. С.466-467

Утренние богослужения

Полунощница вседневная

Старший (С.): Молитвами святых отец наших, Господи Иисусе Христе Боже наш, помилуй нас.

Чтец (Ч.): Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Скоровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Бессмертный, помилуй нас (трижды).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас: Господи, очисти грехи наша: Владыко, прости беззакония наша: Святой, посети и исцели немощи наша имене Твоего ради.

Господи помилуй (трижды).

Слава, и ныне¹¹.

Отче наш, Иже еси на небесех! Да святится имя Твое: да приидет Царствие Твое: да будет воля Твоя, яко на небеси, и на земли. Хлеб наш насущный даждь нам днесь: и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

С: Молитвами святых отец наших Господи, Иисусе Христе Боже наш, помилуй нас¹².

Ч: Аминь. Господи, помилуй (12 раз). Слава, и ныне.

Приидите, поклонимся цареви нашему Богу.

Приидите, поклонимся и припадем Христу Цареви нашему Богу.

Приидите, поклонимся и припадем самому Христу, цареви и Богу нашему¹³.

Псалом 50

Помилуй мя, Боже, по велицей милости Твоей, и по множеству щедрот Твоих, очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих: яко да оправдишися во словесех Твоих и победиши внегда судити ти. Се бо в беззакониих зачат есмь и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся; омыеши мя, и паче снега убелюся. Слуху моему даси

¹¹ Когда написано «Слава, и ныне», то читаем полностью так: «Слава Отцу и Сыну и Святому Духу, ныне и присно и во веки веков. Аминь».

¹² Другой возможный возглас: «Господи Иисусе Христе, Сыне Божий, помилуй нас, грешных».

¹³ Далее написано везде сокращенно: «Приидите, поклонимся... (трижды)»

радость и веселие: и возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отними от мене. Воздаждь ми радость спасения Твоего, и Духом владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу – дух сокрушен: сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожигаемая: тогда возложат на олтарь Твой тельцы.

Псалом 118

Блажени непорочни в путь, ходящие в законе Господни: Блажени испытующие свидения Его, всем сердцем взыщут Его. Не делающие бо беззакония, в путех его ходиша. Ты заповедал еси заповеди Твоя сохранить зело: Дабы исправилися путие мои, сохранить оправдания твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научитимися судьбам правды Твоея. Оправдания Твоя сохраню, не остави мене до зела. В чесом исправит юнейший путь свой; внегда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси, Господи, научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумею пути Твоя. В оправданиях Твоих поучуся, не забуду словес Твоих. Воздаждь рабу Твоему: живи мя, и сохраню словеса Твоя. Открой очи мои, и уразумею чудеса от закона Твоего. Пришлец аз есмь на земли, не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым, прокляти уклоняющиеся от заповедей Твоих. Отними от мене понос и унижение, яко свидений Твоих взысках. Ибо сегоша князи, и на мя клеветашу: раб же Твой глумяшеся во оправданиях Твоих. Ибо свидения Твоя, поучение мое есть, и совети мои оправдания Твоя. Прильпе земли душа моя, живи мя по словеси Твоему. Пути моя возвестих, и услышал мя еси: научи мя оправданием Твоим. Путь оправданий Твоих вразуми ми, и поглумлюся в чудесех Твоих. Воздрема душа моя от уныния: утверди мя в словесех Твоих. Путь неправды отстави от мене, и законом Твоим помилуй мя. Путь истины изволих, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда разширил еси сердце мое. Законоположи мне, Господи, путь оправданий Твоих, и взыщу и выну. Вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мои, еже не видети суеты, в пути Твоем живи мя. Постави рабу Твоему слово Твое в страх Твой. Отними поношение мое, еже непщевах, яко судьбы Твоя благи. Се возжелах заповеди Твоя, в правде Твоей живи мя. И да придет на мя милость Твоя, Господи, спасение Твое по словеси Твоему. И отвечаю поношающим ми слово: яко уповах на словеса Твоя. И не отними от уст моих словесе истинна до зела: яко на судьбы Твоя уповах. И сохраню закон Твой выну: в век и в век века. И хождах в широте, яко заповеди Твоя взысках. И глаголах о свидениях Твоих пред цари, и не стыдяхся. И поучахся в заповедех Твоих, яже возлюбих зело. И воздвигох руце мои к заповедем

Твоим, яже возлюбих, и глумляхся во оправданиях Твоих. Помяни словеса Твоя рабу Твоему, ихже упование дал ми еси. То мя утеши во смирении моем, яко слово Твое живи мя. Гордии законопреступоваху до зела, от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи имя Твое, Господи, и сохраних закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих нозе мои во свидения Твоя. Уготовихся и не смутихся сохранить заповеди Твоя. Ужя грешник обязашася мне, и закона Твоего не забых. Полунощи востах исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля, оправданием Твоим научи мя. Благость сотворил еси с рабом Твоим, Господи, по словеси Твоему. Благости и наказанию и разуму научи мя, яко заповедем Твоим веровах. Прежде даже не смиритимся, аз прегреших: сего ради слово Твое сохраних. Благо еси ты, Господи, и благодатию Твоею научи мя оправданием Твоим. Умножися на мя неправда гордых: аз же всем сердцем моим испитаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси: яко да научуся оправданием Твоим. Благо мне закон уст Твоих, паче тысяч злата и серебра.

Слава, и ныне. Аллилуиа, Аллилуиа, Аллилуиа, слава Тебе, Боже (трижды). Господи, помилуй (трижды). Слава, и ныне.

Руце Твои сотвористе мя, и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех, Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему, рабу Твоему: Да приидут мне щедроты Твоя, и жив буду, яко закон Твой поучение мое есть. Да постыдятся гордии, яко неправедно беззаконноваша на мя: аз же поглумлюся в заповедех Твоих. Да обратят мя боящиеся Тебе, и ведащии свидения Твоего. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мои в слово Твое, глаголюще: когда утешиши мя; Зане бых яко мех на слане: оправданий Твоих не забых. Колико есть дней раба Твоего; когда сотвориши ми от гонящих мя суд; Поведаша мне законопреступницы глумления, но не яко закон Твой, Господи. Вся заповеди Твоя истина: неправедно погнаша мя, помози ми. Вмале не скончаша мене на земли: аз же не оставих заповедей Твоих. По милости Твоей живи мя, и сохраню свидения уст Твоих. Во век, Господи, Слово Твое пребывает на небеси. В род и род истина Твоя, основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий моих, яко в них оживил мя еси.

Среда¹⁴

Твой есмь аз, спаси мя, яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец: широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твоею, яко во век моя есть. Паче всех учащих мя

¹⁴ «Среда» в переводе церковнослав. означает «середина», т.е. здесь середина кафизмы.

разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбранных ногам моим, яко да сохраню словеса Твоя. От судеб Твоих не уклонихся: яко Ты законоположил ми еси. Коль сладка гортани моему словеса Твоя, паче меда устом моим. От заповедей Твоих разумех, сего ради возненавидех всяк путь неправды. Светильник ногама моима закон Твой, и свет стезям моим. Кляхся, и поставих сохранити судьбы правды Твоея. Смирехся до зела: Господи, живи мя по словеси Твоему. Вольная уст моих благоволи же, Господи, и судьбам Твоим научи мя. Душа моя в руку Твоею выну, и закона Твоего не забуду. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклоних сердце мое сотворити оправдания Твоя в век за воздаяние. Законопреступныя возненавидех, закон же Твой возлюбих. Помощник мой, и заступник мой еси Ты: на словеса Твоя уповах. Уклонитесь от мене лукавнующии, и испытаю заповеди Бога моего. Заступи мя по словеси Твоему, и жив буду, и не посрами мене от чаяния моего. Помози ми, и спасуся, и поучуся во оправданиях Твоих выну. Уничжил еси вся отступающыя от оправданий Твоих, яко неправедно помышление их. Преступающыя непщевах вся грешныя земли: сего ради возлюбих свидения Твоя. Пригвозди страху Твоему плоти моя: от судеб бо Твоих убояхся. Сотворив суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мои исчезосте во спасение Твое, и в слово правды Твоея. Сотвори с рабом Твоим по милости Твоей, и оправданием Твоим научи мя. Раб Твой есмь аз, вразуми мя, и увем свидения Твоя. Время сотворити Господеви: разориша закон Твой. Сего ради возлюбих заповеди Твоя паче злата и топазия. Сего ради ко всем заповедям Твоим направляхся, всяк путь неправды возненавидех. Дивна свидения Твоя: сего ради испыта я душа моя. Явление словес Твоих просвещает и вразумляет младенцы. Уста моя отверзох, и привлекох дух, яко заповедей Твоих желал.

Слава, и ныне. Аллилуиа, аллилуиа, аллилуиа, слава Тебе, Боже (трижды). Господи, помилуй (трижды). Слава, и ныне.

Призри на мя и помилуй мя, по суду любящих имя Твое. Стопы моя направи по словеси Твоему, и да не обладает мною всякое беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходиша водная изведосте очи мои, понеже не сохраних закона Твоего. Праведен еси, Господи, и прави суди Твои: Заповедал еси правду свидения Твоя, и истину зело. Истаяла мя есть ревность Твоя, яко забыша словеса Твоя врази мои. Разжжено слово Твое зело, и раб Твой возлюби е. Юнейший аз есмь и уничижен, оправданий Твоих не забуду. Правда Твоя правда во век, и закон Твой истина. Скорби и нужди обретоша мя: заповеди Твоя поучение мое. Правда свидения Твоя в век: вразуми мя, и жив буду. Воззвах всем сердцем моим, услыши мя, Господи, оправдания Твоя взыщу. Воззвах Ти, спаси мя, и сохраню свидения Твоя. Предварих в безгодии и воззвах: на словеса Твоя уповах. Предваристе очи мои ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приблизилася гонящий мя беззаконием: от закона же Твоего удалихся. Близ еси Ты, Господи, и вси путие Твои истина. Исперва познах от свидений Твоих, яко в век основал их еси. Видь смирение мое, и изми мя, яко закона Твоего не забуду. Суди суд мой, и избави мя: словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящии

мя и стужающий ми: от свидений Твоих не уклонихся. Видех неразумевающыя и истаях, яко словес Твоих не сохраниша. Виждь, яко заповеди Твоя возлюбих: Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туне: и от словес Твоих убоюсь сердце мое. Возрадуясь аз о словесех Твоих, яко обретаяй корысть многу. Неправду возненавидех и омерзих: закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя, яко вси путие мои пред Тобою, Господи: Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отрыгнут устне мои пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя изволих. Возжелах спасение Твое, Господи, и закон Твой поучение мое есть. Жива будет душа моя, и восхвалит Тя, и судьбы Твоя помогут мне. Заблудих яко овча погибшее: взыщи раба Твоего, яко заповедей Твоих не забых.

Слава, и ныне.

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, иже от Отца Рожденного прежде всех век. Света от света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения, сшедшаго с небес, и воплотившагося от Духа Свята и Марии Девы, и вочеловечашася. Распятаго же за ны при Понтийстем Пилате, и страдавша, и погребенна. И воскресшаго в третий день по писанием. И возшедшаго на небеса, и седяща одесную Отца. И паки грядущаго со славою, судити живым и мертвым, Егоже царствию не будет конца. И в Духа Святаго, Господа, животворящаго, иже от Отца исходящаго, иже со Отцем и Сыном спокланяема и сславима, глаголавшаго пророки. Во едину, святую, соборную и апостольскую Церковь. Исповедую едино крещение во оставление грехов. Чаю воскресения мертвых: И жизни будущаго века. Аминь.

Трисвятое. Пресвятая Троице. Отче наш¹⁵.

С: Молитвами святых отец наших...

Хор (X):

Тропари, глас 8:

Се жених грядет в полунощи, / и блажен раб, егоже обрящет бдяща, / недостойн же паки, егоже обрящет унывающа: / блюди убо, душе моя, / не сном отяготися, / да не смерти предана будеши, / и царствия вне затворишися: / но воспрями зовущи: / свят, свят, свят еси, Боже, // Богородицею помилуй нас.

Слава¹⁶: День он страшный помышляющи, душе моя, побди, / вжигающи свещу Твою, елеем просвещающи: / не веси бо когда приидет к Тебе глас глаголющий: се жених. / Блюди убо, душе моя, / да не воздремлеши, / и пребудеши вне толкующи, яко

¹⁵ См. в начале Полунощницы вседневной.

¹⁶ Когда написано просто «Слава», поем так: «Слава Отцу и Сыну и Святому Духу», а далее – текст молитвы.

пять дев: / но бодренно пожди, да усящещи Христа елеем мастистым, // и даст ти чертог Божественный славы Своея.

И ныне¹⁷: Тебе неборимую стену, спасения утверждение, Богородице Дево, молим: / сопротивных советы разори, / людей Твоих печаль на радость преложи, / град Твой огради, / Богохранимим царям спобори, / о мире мира моли, / яко Ты еси, Богородице, упование наше.

Ч: Господи, помилуй. (40)

Молитва святителя Василия Великого

Иже на всякое время и на всякий час, на небеси и на земли поклоняемый и славимый, Христе Боже, долготерпеливе, многомилостиве, многоблагодарне, Иже праведныя любяй и грешныя милуяй, Иже вся зовый ко спасению, обещания ради будущих благ: Сам, Господи, прими и наша в час сей молитвы и исправи живот наш к заповедем Твоим, души наша освяти, тела очисти, помышления исправи, мысли очисти: и избави нас от всякия скорби, зол и болезней: огради нас святыми Твоими Ангелы, да ополчением их соблюдаеми и наставляеми достигнем в соединение веры и в разум непреступныя Твоя славы: яко благословен еси во веки веков. Аминь.

Господи, помилуй (трижды). Слава, и ныне: Честнейшую Херувим, и славнейшую без сравнения Серафим, без истления Бога Слова рождшую, сущую Богородицу Тя величаем.

Господи, благослови.

С: Молитвами святых отец наших, Господи Иисусе Христе Боже наш, помилуй нас.

Ч: Аминь.

Если совершаем Полунощницу во дни Великого Поста, то здесь Старший читает молитву преподобного Ефрема Сирина:

Господи и Владыко живота моего, дух праздности, уныния, любоначала и празднословия не даждь ми. (*Земной поклон*).

Дух же целомудрия, смиренномудрия, терпения и любви, даруй ми рабу Твоему. (*Земной поклон*).

Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. Аминь. (*Земной поклон*).

Затем все делают двенадцать поясных поклона, Старший вслух во время поклонов читает молитву: Боже, очисти мя грешнаго.

Затем Старший читает молитву полностью:

Господи и Владыко живота моего, дух праздности, уныния, любоначала и празднословия не даждь ми. Дух же целомудрия, смиренномудрия, терпения и любви,

¹⁷ Когда написано просто «И ныне», поем так: «И ныне, и присно, и во веки веков. Аминь», а далее – текст молитвы.

даруй ми рабу Твоему. Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. (*Земной поклон*).

Ч: Аминь.

И всего получается 16 поклонов.

Если нет Поста, то сразу после возгласа Старшего читаем молитву:

Владыко Боже Отче Вседержителю, Господи Сыне Единородный Иисусе Христе, и Святыи Душе, Едино Божество, Едина Сила, помилуй мя, грешнаго: и имиже веси судьбами, спаси мя недостойнаго раба Твоего, яко благословен еси во веки веков. Аминь.

Две молитвы святителя Василия Великого

Эти молитвы читаются с 22 сентября (5 октября) до Недели Ваий

Господи Вседержителю, Боже Сил и всякия плоти, в вышних Живый, и на смиренныя призираый, сердца же и утробы испытуй, и сокровенная человеком яве предведый, Безначальный и Присносущный Свете, у Негоже есть пременение, или преложения осенение: Сам, Безсмертный Царю, приими моления наша, яже в настоящее время, на множество щедрот Твоих дерзающе, от скверных к Тебе устен Творим, и остави нам прегрешения наша, яже делом и словом, и мыслию, ведением, или неведением согрешенная нами, и очисти ны от всякия скверны плоти и духа: и даруй нам бодренным сердцем, и трезвенною мыслию, всю настоящего жития ночь прейти, ожидающим пришествия светлаго и явленнаго дне, Единороднаго Твоего Сына, Господа и Бога и Спаса нашего Иисуса Христа: воньже со славою судия всех приидет, комуждо воздати по делом его, да не падше и обленившися, но бодрствующе, и воздвижени в делании, обрящемся, и готови в радость Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную: Ты бо еси Истинный Свет, просвещаый и освящаый всяческая, и Тя поет вся тварь во веки веков. Аминь.

Тя благословим, Вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконьми нашими: но человеколюбствовал обычно, и в нечаянии лежащия ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста и исполни их Твоего хваления, яко да возможем непоколебимо пети же и исповедатися Тебе во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно, и во веки веков. Аминь.

Приидите, поклонимся... (трижды)

Псалом 120

Возведох очи мои в горы, отнюдуже приидет помощь моя. Помощь моя от Господа, сотворшаго небо и землю. Не даждь во смятение ноги твоя, ниже воздремлет храняй тя. Се не воздремлет, ниже уснет храняй Израиля. Господь сохранит тя, Господь

покров твой на руку десную твою. Во дни солнце не ожжет тебе, ниже луна нощию. Господь сохранит тя от всякаго зла, сохранит душу твою Господь. Господь сохранит вхождение твое, и исхождение твое, от ныне и до века.

Псалом 133

Се ныне благословите Господа вси раби Господни, стоящи в храме Господни, во дворех дому Бога нашего. В ноцех воздежите руки ваша во святая, и благословите Господа. Благословит тя Господь от Сиона, сотворивый небо и землю.

Слава, и ныне:

Трисвятое. Пресвятая Троице. Отче наш.

С: Молитвами святых Отец наших...

Х: Тропарь, глас 2:

Помяни, Господи, яко Благ, рабы Твоя, и елика в житии согреша, прости: никтоже бо безгрешен, токмо Ты могий и преставленным дати покой.

Глубиною мудрости Человеколюбно вся строяй, и полезное всем подаваяй, Едине Содетелю, упокой, Господи, души раб Твоих: на Тя бо упование возложиша, Творца и Зиждителя и Бога нашего.

Слава, глас 6: Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.

И ныне: Блажим тя вси роди, Богородице Дево: в Тя бо невместимый Христос Бог наш вместится благоволи. Блажени есмы и мы, предстательство Тя имуще: день бо и ночь молишися о нас, и скиптры Царствия Твоими молитвами утверждаются. Тем воспевающе вопием Ти: радуйся, Благодатная, Господь с Тобою.

Господи, помилуй (12 раз).

Помяни, Господи, в надежди воскресения, жизни вечная, усопшия отцы и братию нашу, и вся во благочестии и вере скончавшиися, и прости им всякое согрешение вольное же и невольное, словом или делом, или помышлением согрешенное ими: и всели их в места светла, в места прохладна, в места покойна, отнюдуже отбеже всякая болезнь, печаль и воздыхание, идеже присещает свет лица Твоего, и веселит вся от века святыя Твоя: даруй им и нам царствие Твое, и причастие неизреченных и вечных Твоих благ, и Твоя безконечная и блаженная жизни наслаждение. Ты бо еси жизнь, и воскресение, и покой усопших рабов Твоих, Христе Боже наш, и Тебе славу возсылаем, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

Если есть двенадесятый праздник, Преполование Пятидесятницы, Отдание Пасхи или другой праздничный день, молитву «Помяни, Господи» не читаем, хор «Се, Жених...» не поет. По первом Трисвятом читается тропарь праздника, а по втором Трисвятом – кондак праздника.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Упование мое Отец, прибежище мое Сын, покров мой Дух Святой, Троице Святая, слава Тебе.

Х: Слава, и ныне: Господи, помилуй (трижды). Господи, благослови.

С. творит отпуст (поворачивается лицом к народу): Господи Иисусе Христе, Сыне Божий, молитвами Пречистыя Твоея Матери преподобных и богоносных отец наших и всех святых, помилуй и спаси нас, яко Благ и Человеколюбец.

Старший же говорит народу, делая поклон: Благословите, братия и сестры, и простите ми грешному, елико согреших в сей день делом, словом, помышлением и всеми моими чувствами.

Народ отвечает: Бог да простит тя, прости нас.

Старший делает поклон: Бог да простит всех нас.

Х: Господи, помилуй (40 раз). Господи, благослови

С: Молитвами святых отец наших, Господи Иисусе Христе Боже наш, помилуй нас.

Х: Аминь.

Полунощница субботняя

С: Молитвами святых Отец наших, Господи Иисусе Христе, Сыне Божий, помилуй нас.

Ч: Аминь. Слава Тебе, Боже наш, слава Тебе.

Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи помилуй (12 раз). Слава, и ныне. Приидите, поклонимся... (трижды).

Псалом 50

Помилуй мя, Боже, по велицей милости Твоей, и по множеству щедрот Твоих, очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих: яко да оправдишися во словесех Твоих и победиши внегда судити ти. Се бо в беззакониих зачат есмь и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся; омыеши мя, и паче снега убелюся. Слуху моему даси радость и веселие: и возрадуются кости смиренные. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых

убо: всесожжения не благоволиши. Жертва Богу – дух сокрушен: сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожигаемая: тогда возложат на олтарь Твой тельцы.

Далее читается кафизма девятая:

Псалом 64

Тебе подобает песнь, Боже, в Сионе, и Тебе воздастся молитва во Иерусалиме. Услыши молитву мою, к Тебе всяка плоть придет. Слова беззаконник премогаша нас, и нечестия наша Ты очистиши. Блажен, егоже избрал еси и приял, вселится во дворех Твоих. Исполнимся во благих дому Твоего, свят храм Твой, дивен в правде. Услыши ны, Боже, Спасителю наш, Упование всех концев земли, и сущих в мори далече, уготовляй горы крепостию Своею, препоясан силою, смущай глубину морскую, шуму волн его кто постоит? Смятутся языцы, и убоятся живущии в концах от знамений Твоих, исходы утра и вечера украсиши. Посетил еси землю и упоил еси ю, умножил еси обогатити ю. Река Божия наполнися вод. Уготовал еси пищу им, яко тако [есть] уготовление. Бразды ея упой, умножи жита ея, в каплях ея возвеселится возсияющи. Благословиши венец лета благости Твоея, и поля Твоя исполнятся тука, разботеют красная пустыни, и радостию холми препояшутся. Одеяшася овни овчии, и удолия умножат пшеницу, воззовут, ибо воспоют.

Псалом 65

Воскликните Господеви, вся земля, пойте же имени Его, дадите славу хвале Его. Рцыте Богу: коль страшна дела Твоя? Во множестве силы Твоея солжут Тебе врази Твои. Вся земля да поклонится Тебе и поет Тебе, да поет же имени Твоему, Вышний. Приидите и видите дела Божия, коль страшен в советех паче сынов человеческих. Обращай море в сушу, в реце пройдут ногами, тамо возвеселимся о Нем, Владычествующем силою Своею веком. Очи Его на языки призираете, преогорчевающи да не возносятся в себе. Благословите, языцы, Бога нашего и услышан сотворите глас хвалы Его, положшаго душу мою в живот и не давашаго во смятение ног моих. Яко искусил ны еси, Боже, разжегл ны еси, якоже разжизается сребро. Ввел ны еси в сеть, положил еси скорби на хребте нашем. Возвел еси человеки на главы наша, проидохом сквозе огонь и воду, и извел еси ны в покой. Вниду в дом Твой со всесожжением, воздам Тебе молитвы моя, яже изрекосте устне мои, и глаголаша уста моя в скорби моей, всесожжения тучна вознесу Тебе с кадилом, и овны, вознесу Тебе волы с козлы. Приидите, услышите, и повем вам, вси боящиися Бога, елика сотвори души моей. К Нему усты моими возвах и вознесох под языком моим. Неправду аще узрех в сердце моем, да не услышит мене Господь. Сего ради услыша мя Бог, внят гласу моления моего. Благословен Бог, иже не отстави молитву мою и милость Свою от мене.

Псалом 66

Боже, ущедри ны и благослови ны, просвети лице Твое на ны и помилуй ны. Познати на земли путь Твой, во всех языцех спасение Твое. Да исповедятся Тебе людие, Боже, да исповедятся Тебе людие вси. Да возвеселятся и да возрадуются языцы, яко судиши людем правотою и языки на земли наставиши. Да исповедятся Тебе людие,

Боже, да исповедятся Тебе людие вси. Земля даде плод свой, благослови ны, Боже, Боже наш, благослови ны, Боже, и да убоятся Его вси концы земли.

Слава, и ныне. Аллилуиа, аллилуиа, аллилуиа, слава Тебе, Боже (трижды). Господи, помилуй (трижды). Слава, и ныне.

Псалом 67

Да воскреснет Бог, и расточатся врази Его, и да бежат от лица Его ненавидящие Его. Яко исчезает дым, да исчезнут, яко тает воск от лица огня, тако да погибнут грешницы от лица Божия, а праведницы да возвеселятся, да возрадуются пред Богом, да насладятся в веселии. Воспойте Богу, пойте имени Его, путешествуйте возшедшему на запады. Господь имя Ему, и радуйтесь пред Ним. Да смятутся от лица Его, Отца сирых и Судии вдовиц: Бог в месте святем Своем. Бог вселяет единомысленныя в дом, изводя окованныя мужеством, такожде преогорчевающыя живущыя во гробех. Боже, внегда исходити Тебе пред людьми Твоими, внегда мимоходити Тебе в пустыни, земля потрясется, ибо небеса кануша от лица Бога Синаина, от лица Бога Израилева. Дождь волен отлучиши, Боже, достоянию Твоему и изнеможе, Ты же совершил еси е. Животная Твоя живут на ней, уготовал еси благостию Твоею нищему, Боже. Господь даст глагол благовествующим силою мноюю. Царь сил возлюбленнаго, красотою дому разделитьи корысти. Аще поспите посреде предел, криле голубине посребрене, и междорамия ея в блещании злата. Внегда разнствит Небесный цари на ней, оснежатся в Селмоне. Гора Божия, гора тучная, гора усыренная, гора тучная. Вскую непщуете горы усыренные? Гора, юже благоволи Бог жити в ней, ибо Господь вселится до конца. Колесница Божия тмами тем, тысяща gobзующих, Господь в них в Синаи во святем. Возшел еси на высоту, пленил еси плен, приял еси даяния в человецех, ибо не покаяющыяся, еже вселитися. Господь Бог благословен, благословен Господь день дне, поспешит нам Бог спасений наших. Бог наш, Бог еже спасати, и Господня, Господня исходища смертная. Обаче Бог сокрушит главы врагов Своих, верх влас преходящих в прегрешениях своих. Рече Господь: от Васана обращу, обращу во глубинах морских. Яко да омочится нога твоя в крови, язык пес твоих, от враг от него. Видена быша шествия Твоя, Боже, шествия Бога моего Царя, иже во святем, предвариша князи близ поющих, посреде дев тимпанниц. В церквах благословите Бога, Господа от источник Израилевых. Тамо Вениамин юнейший во ужасе, книзи Иудовы владыки их, князи Завулони, князи Неффалимли. Заповеждь, Боже, силою Твоею, укрепи, Боже, сие, еже соделал еси в нас. От храма Твоего во Иерусалим Тебе принесут царие дары. Запрети зверем тростным, сонм юнец в юницах людских, еже затворити искушенныя сребром, расточи языки хотящыя бранем. Приидут молитвенницы от Египта, Ефиопиа предварит руку свою к Богу. Царства земная, пойте Богу, воспойте Господеви, возшедшему на Небо небесе на востоки, се даст гласу Своему глас силы. Дадите славу Богови, на Израили велелепота Его, и сила Его на облацех. Дивен Бог во святых Своих, Бог Израилев: Той даст силу и державу людем Своим, благословен Бог.

Слава, и ныне. Аллилуиа, аллилуиа, аллилуиа, слава Тебе, Боже (трижды). Господи, помилуй (трижды). Слава, и ныне.

Псалом 68

Спаси, мя, Боже, яко внидоша воды до души моя. Углебох в тимении глубины, и несть постояния. Приидох во глубины морския, и буря потопа мя. Утрудихся зовый, измолче гортань мой, исчезосте очи мои, от еже уповати ми на Бога моего. Умножишася паче влас главы моя ненавидящии мя туне, укрепилася врази мои, изгонящии мя неправедно: иже не восхихах, тогда воздаях. Боже, Ты уведел еси безумие мое, и прегрешения моя от Тебе не утаишася. Да не постыдятся о мне терпящии Тебе, Господи, Господи сил, ниже да посрамятся о мне ищущии Тебе, Боже Израилев. Яко Тебе ради претерпех поношение, покры срамота лице мое. Чуждь бых братии моей, и странен сыновом матери моея. Яко ревность дому Твоего снеде мя, и поношения носящих Ти нападоша на мя. И покрых постом душу мою, и бысть в поношение мне, и положих одеяние мое в ретище, и бых им в притчу. О мне глумляхуся сидящии во вратах, и о мне пояху пиящии вино. Аз же молитвою моею к Тебе, Боже, время благоволения, Боже, во множестве милости Твоя услыши мя, во истине спасения Твоего. Спаси мя от брения, да не углебну, да избавлюся от ненавидящих мя и от глубоких вод. Да не потопит мене буря водная, ниже да пожрет мене глубина, ниже сведет о мне ровенник уст своих. Услыши мя, Господи, яко блага милость Твоя, по множеству щедрот Твоих призри на мя. Не отврати лица Твоего от отрока Твоего, яко скорблю, скоро услыши мя. Вонми души моей, и избави ю, враг моих ради избави мя. Ты бо веси поношение мое и студ мой, и срамоту мою: пред Тобою вси оскорбляющии мя. Поношение чаяше душа моя, и страсть и ждах соскорбящаго, и не бе, и утешающих, и не обретох. И даша в снедь мою желчь, и в жажду мою напоиша мя оцта. Да будет трапеза их пред ними в сеть, и в воздаяние, и в соблазн. Да помрачатся очи их, еже не видети, и хребет их выну сляцы. Пролей на ня гнев Твой, и ярость гнева Твоего да постигнет их. Да будет двор их пуст, и в жилищах их да не будет живой. Зане егоже Ты поразил еси, тии погнаша, и к болезни язв моих приложиша. Приложи беззаконие к беззаконию их, и да не внидут в правду Твою. Да потребятся от книги живых и с праведными да не напишутся. Нищ и боляй есмь аз: спасение Твое, Боже, да примет мя. Восхваляю имя Бога моего с песнию, возвеличу Его во хвалении: и угодно будет Богу паче тельца юна, роги износяща и пазнокти. Да узрят нищии и возвеселятся: възшците Бога, и жива будет душа ваша. Яко услыша убогия Господь и окованныя Своя не уничижи. Да восхвалят Его небеса и земля, море и вся живущая в нем. Яко Бог спасет Сиона, и созиждутся гради Иудейстии, и вселятся тамо, и наследят и, и семя рабов Твоих удержит и любящии имя Твое вселятся в нем.

Псалом 69

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящеся глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое: аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

Слава, и ныне.

Символ веры

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия Единородного,

Иже от Отца Рожденнаго прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном споклоняема и славима, Глаголавшего пророки. Во едину Святую Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Трисвятое. Пресвятая Троице. Отче наш.

С: Молитвами святых Отец наших...

Х: Тропари, глас 8

Несозданное Естество, всех Зиждителю, / устне наша отверзи, / яко да возвестим хвалу Твою, вопиюще: // Свят, Свят, Свят еси, Боже, Богородицею помилуй нас.

Слава: Вышняя силы подражюще на земли, / победную песнь приносим Ти, Блаже: // Свят, Свят, Свят еси, Боже, Богородицею помилуй нас.

И ныне: От одра и сна воздвигл мя еси, Господи, / ум мой просвети и сердце, / и устне мои отверзи, во еже пети Тя, Святая Троице: // Свят, Свят, Свят еси, Боже, Богородицею помилуй нас.

Ч: Господи помилуй (40 раз).

Молитва святителя Василия Великого

Иже на всякое время, и на всякий час, на небеси и на земли, покланяемый и славимый, Христе Боже, долготерпеливе, многомилостиве, многоблагоутробне, Иже праведныя любяй и грешныя милуяй, Иже вся зовый ко спасению, обещания ради будущих благ: Сам Господи, прими и наша в час сей молитвы, и исправи живот наш к заповедем Твоим. Душы наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими ангелы, да ополчением их соблюдаемы и наставляемы, достигнем в соединение веры, и в разум неприступныя Твоя славы, яко благословен еси во веки веков. Аминь.

Господи помилуй (трижды). Слава, и ныне.

Честнейшую Херувим, и славнейшую без сравнения Серафим, без истления Бога Слова рождшую, сущую Богородицу Тя величаем.

Господи, благослови.

С: Молитвами святых Отец наших, Господи Иисусе Христе, Сыне Божий, помилуй нас.

Ч: Аминь.

Молитва святителя Василия Великого

Владыко Боже Отче Вседержителю, Господи Сыне Единородный Иисусе Христе, и Святыи Душе, едино Божество, едина Сила, помилуй мя грешнаго, и имиже веси судьбами, спаси мя недостойнаго раба Твоего: яко благословен еси во веки веков. Аминь.

Молитва святого Евстратия

Величая величаю Тя Господи, яко призрел еси на смирение мое, и неси мене затворил в руках вражиих, но спасл еси от нужд душу мою. И ныне Владыко, да покрывает мя рука Твоя, и да придет на мя милость Твоя, яко смятется душа моя, и болезненна есть во исхождении своем, от окаяннаго моего и сквернаго телесе сего. Да не когда лукавый сопостата совет срящет, и препнет ю во тме, за неведомыя и ведомыя в житии сем бывшия ми грехи. Милостив буди ми, Владыко, и да не узрит душа моя мрачнаго взора лукавых демонов, но да примут ю ангели Твои светлии и пресветлии. Дажь славу имени Твоему святому, и Твоею силою возведи мя на Божественное Твое судище, вегда судитися ми, да не примет мя рука князя мира сего, еже исторгнути мя грешника во глубину адову: Но предстани ми, и буди ми Спас и Заступник. Телесныя бо и сия мучения, веселия суть рабом Твоим. Помилуй, Господи, осквернившуюся страстьми жития сего душу мою: и чисту ю покаянием и исповеданием приими, яко благословен еси во веки веков. Аминь.

Приидите, поклонимся... (трижды)

Псалом 120

Возведох очи мои в горы, отнюдуже придет помощь моя. Помощь моя от Господа, Сотворшаго небо и землю. Не даждь во смятение ноги твоя, ниже воздремлет храняй тя, се не воздремлет, ниже уснет Храняй Израиля. Господь сохранит тя, Господь Покров твой на руку десную твою. Во дни солнце не ожжет тебе, ниже луна нощию. Господь сохранит Тя от всякаго зла, сохранит душу твою Господь. Господь сохранит вхождение твое и исхождение твое, отныне и до века.

Псалом 133

Се ныне благословите Господа вси раби Господни, стоящие в храме Господни, во дворех дому Бога нашего, в ноцех воздежите руки ваши во святая, и благословите Господа. Благословит тя Господь от Сиона, сотворивый небо и землю.

Слава, и ныне.

Трисвятое. Пресвятая Троице. Отче наш.

С: Молитвами святых Отец наших...

Х: Тропари сия, глас 2

Помяни Господи, яко Благ, рабы Твоя, / и елика в житии согрешиша, прости: / Никтоже бо безгрешен, токмо Ты, // могий и преставленным дати покой.

Глубиною мудрости человеколюбно вся строй, / и полезное всем подавая, / едине Содетелю, упокой Господи, души раб Твоих: / на Тя бо упование возложиша, // Творца и Зиждителя и Бога нашего.

Слава, глас 6: Со святыми упокой, / Христе, души раб Твоих, / идеже несть болезнь, ни печаль, / ни воздыхание, // но жизнь безконечная.

И ныне: Блажим Тя вси роди, Богородице Дево, в Тя бо невместимый Христос Бог наш, вместится благоволи. Блажени есмы и мы Предстательство Тя имуще: день бо и ночь молишися о нас, и скиптры царствия Твоими молитвами утверждаются. Тем воспевающе вопием Ти: радуйся, Благодатная, Господь с Тобою.

Господи помилуй (12).

Помяни Господи, в надежди Воскресения, жизни вечныя, усопшия отцы и братию нашу, и вся во благочестии и вере скончавшыся, и прости им всякое согрешение, вольное же и невольное, словом, или делом, или помышлением согрешенное ими, и всели я в места светла, в места прохладна, в места покойна, отнюдуже отбеже всякая болезнь, печаль и воздыхание, идеже присещает свет лица Твоего, и веселит вся от века святыя Твоя. Даруй им и нам Царствие Твое, и причастие неизреченных и вечных Твоих благ, и Твоя безконечныя и блаженныя жизни наслаждение. Ты бо еси жизнь, и воскресение, и покой усопших рабов Твоих, Христе Боже наш, и Тебе славу возсылаем, со Безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

Если есть двенадесятый праздник, Преполование Пятидесятницы, Отдание Пасхи или другой праздничный день, молитву «Помяни, Господи» не читаем, хор «Се, Жених...» не поет. По первом Трисвятом читается тропарь праздника, а по втором Трисвятом – кондак праздника.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Упование мое Отец, Прибежище мое Сын, Покров мой Дух Святой: Троице Святая, слава Тебе.

Х: Слава, и ныне. Господи помилуй (трижды). Господи благослови.

С. говорит отпуст лицом к народу: Господи Иисусе Христе, Сыне Божий, молитв ради Пречистыя Твоя Матере, преподобных и богоносных отец наших и всех ради святых, помилуй и спаси нас, яко Благ и Человеколюбец.

Х: Аминь.

С (если захочет, то говорит молитву сию, встав на колени): Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении: вся нам прости, яко Благ и Человеколюбец.

Встав же, если падал на колени, читает сию молитву.

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным молиться о них помилуй по велицей Твоей

милости. Помяни, Господи, братьев наших плененных и избави я от всякого обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прощения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы наша Богородицы и Приснодевы Марии и всех Твоих святых: яко благословен еси во веки веков. Аминь.

Х: Господи помилуй (трижды). Господи, благослови

С: Молитвами святых Отец наших...

Х: Аминь.

Полунощница воскресная

С: Молитвами святых отец наших...

Ч: Аминь. Слава Тебе, Боже наш, слава Тебе.

Царю Небесный. Трисвятое. Пресвятая Троице. Отче наш.

С: Молитвами святых отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды).

50 псалом

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Далее читаем канон троичный соответствующего гласа. Далее приводятся каноны троичны всех гласов

**Глас 1
Песнь 1**

Ирмос: Твоя победительная десница / Боголепно в крепости прославися: / та бо, Безсмертне, / яко всемогущая, противныя сотре, / Израильтяном / путь глубины новосоделавшая.

Припев: Пресвятая Троице, Боже наш, слава Тебе.

Едино Триипостасное Начало, Серафими немолчно славят: Безначальное, Присносущное, творительное всех, непостижимое, еже и всяк язык верно почитает песньми.

Припев: Пресвятая Троице, Боже наш, слава Тебе.

Да человеком единственное, трисиятельное Твое явиши Божество, создавый прежде человека, по Твоему образу вообразил еси, ум ему, и слово и дух дав, яко Человеколюбец.

Слава: Свыше показуя единственную Богоначальных в триех Ипостасех державу, Отче, рекл еси равнодетельному Твоему Сыну, и Духу: приидите сошедше, языки их слияим.

И ныне: Ум убо есть нерожденный Отец, образно премудрыми предречеся, Слово же собезначально, соестественный Сын, и Дух Святой, иже в Деве Слова создавший воплощение.

Песнь 3

Ирмос: Едине ведый человеческого существа немощь / и милостивно в не воображся, / препояши мя с высоты силою, / еже вопити Тебе, Святой, / одушевленный храм / неизреченныя славы Твоя, Человеколюбче.

Припев: Пресвятая Троице, Боже наш, слава Тебе.

Ты древле яве Аврааму яко явился еси Триипостасный, единствен же естеством Божества, богословия истиннейшее образно явил еси, и верно поем Тя, единоначального Бога и трисолнечного.

Припев: Пресвятая Троице, Боже наш, слава Тебе.

Из Тебе родивыйся боголепно нетленно Отче, возсия свет от света, Сын неприменен, и Дух Божественный, свет изыде, единого Божества светлости триипостасней поклоняемся верно и славим.

Слава: Единца Троица преестественне, неизреченно паче смысла, умными существы славится, трисвятыми гласы немолчную вопиющими хвалу, имиже согласно поется и нами триипостасный Господь.

И ныне: Из Тебе временне без семени произыде Вышшелетный, уподобивыйся нам невидимый, и единому естеству и господству Отчу научив, и Сыновню, и Духову, Богородице, темже Тя славим.

Господи, помилуй (трижды).

Седален, глас 1

Отцу и Сыну поклонимся вси, / и Духу правому и равночестну, / слава Троице несозданней, и пребожественней Силе, / Юже славят безплотных чинове, / Сию днесь и земнороднии / со страхом верно восхвалим.

Слава, и ныне: Настави ны на путь покаяния, / уклоняющыя присно к безпутием зол, / и преблагаго прогневающыя Господа, / неискусобрачная благословенная Марие, / прибежище отчаянных человеков, / Божие пребывание.

Песнь 4

Ирмос: Гору Тя благодатию Божиею приосененную, / прозорливима Аввакум / усмотрив очима, / из Тебе изыти Израилеву провозглашаше Святому, / во Спасение наше / и обновление.

Припев: Пресвятая Троице, Боже наш, слава Тебе.

Возсияй ми Богоначалие трисолнечное, сияньми Твоих богодетельных озарений, в сердечных очесех доброте мечтатися, еже паче ума богоначальныя Твоя светлости, и светодетельнаго и сладкаго причастия.

Припев: Пресвятая Троице, Боже наш, слава Тебе.

Первее небеса утвердил еси, Господи, и всю силу их словом Твоим вседетельным, и Духом уст соестественным, с нимиже владычествуеши всяческими в трисяательне единоначалии Божества.

Слава: Яко создал еси мя по образу Твоему и по подобию, Богоначальная и вседетельная Троице, неслиянная Единице, вразуми, просвети, во еже творити волю Твою святую, благодную в крепости, и совершенную.

И ныне: Родила еси от Троицы Единого Пречистая, Богоначальнейша Сына, воплощася нас ради из Тебе, озаряюща земнородных, трисолнечнаго Божества невечерним светом и сияньми.

Песнь 5

Ирмос: Просветивый сиянием пришествия Твоего, Христе, / и осветивый Крестом Твоим / мира концы, / сердца просвети / светом Твоего Богоразумия, / православно поющих Тя.

Припев: Пресвятая Троице, Боже наш, слава Тебе.

Яже первой ангельской непосредственне угвари, неприступными Твоя доброты лучами осияваемой быти баговоливши, Твоими светлостьми просвети, Троице единоначальственнейшая, православно Тебе поющих.

Припев: Пресвятая Троице, Боже наш, слава Тебе.

Ныне естество, единственное Богоначалия трисолнечное, воспевае Тя, Еже осуществовала еси за благодсть, прегрешений избавление и напастей испрошающа, и бед, и скорбей.

Слава: Отца, и Сына, и Духа Святаго, Едино Естество и Божество верою славим, делительное, нераздельное, единого Бога невидимыя и видимыя же твари.

И ныне: Речения вся пророческая преднаписаша, Пречистая, Твое рождество, неизреченное и неудобь сказуемое, еже мы познахом, тайноводительное единственного и трисолнечнаго Божества.

Песнь 6

Ирмос: Обыде нас последняя бездна, / несть избавляй, / вменихомся, / яко овцы заколения, / спаси люди Твоя, Боже наш, / Ты бо крепость немощствующих и исправление.

Припев: Пресвятая Троице, Боже наш, слава Тебе.

Равнокатную силу яко имущи, Троице пресущественная, в тождестве хотения, Единица еси проста и нераздельна: Ты убо нас силою Твоею соблюди (дважды).

Слава: Ты вся веки хотением Твоим, яко блага составила еси от не сущих, непостижимая Троице, таже и человека создала еси, но и ныне от всякаго избави мя обстояния.

И ныне: Солнца незаходимаго дом была еси, создавшаго и в чину поставльшаго светила великая Всесильне, Пречистая Дево Богоневестная, но и ныне страстей мя избави помрачения.

Господи, помилуй (трижды). Слава, и ныне.

Седален, глас 1

Троице святей, и нераздельному Естеству, / в Трех Лицах секомею несечено, / и пребывающей нераздельней по существу Божества, / поклонимся земнороднии со страхом, / и славим яко Творца и Владыку, Бога Преплагаго.

Слава, и ныне: Управи Чистая, окаянную мою душу, / и ущедри ю от множества прегрешений, / во глубину поползшуюся погибели, Всенепорочная, / и в час мя страшный смертный Ты исхити / оглаголюющих демонов, и всякия муки.

Песнь 7

Ирмос: Тебе умную, Богородице, пещь / разсмотрим, вернии, / якоже бо отроки спасе три Превозносимый, / мир обнови, / во чреве Твоем всецел, / хвальный отцев Бог и препрославлен.

Припев: Пресвятая Троице, Боже наш, слава Тебе.

Слове Божий, соестественное сияние Вседержителя Бога, якоже обещал еси еже у Тебе, богодетельное вселение сотвори, яко благоутробен, со Отцем Твоим и Духом, и страшна бесом мя покажи, и страстем (дважды).

Слава: Да Твоего благоутробия, Владыко, покажеш пучину нам, Сына Твоего послав к нашему смирению, паки вообразил еси на первую светлость, но и ныне Божественным мя вразуми Духом.

И ныне: Иже на херувимстем престоле носимый, и всех Царь, во чреве Твоем девственном вселися Пречистая, всех избавляя от исления, яко Человеколюбец, но и ныне Твоими мя молитвами сохрани.

Песнь 8

Ирмос: Чуда преестественнаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Ньюже вниде утробу. / Тем воспевающе, воспоем: / да благословит тварь вся Господа / и превозносит во вся веки.

Припев: Пресвятая Троице, Боже наш, слава Тебе.

Манием богодетельным, Господи всех, Триипостасне и Вседержителю, небеса простерл еси яко кожу, таже и земли повесил еси глубину, всемогущею Твоею дланию. Темже и рабы Твоя укрепи любовь и верою Твоею, Человеколюбче, да Тя славим желанием во веки (дважды).

Благословим Отца и Сына и Святаго Духа, Господа: Просвети Богоначальным светом поющих Тя, Трисолнечный Свете Лицы, единственный же паки существом, и к Твоим светодательным лучам взирати присно, имиже насыщуся славы Твоея сладкия, и светодательныя, и пребогатая, и превозношу Тя верно во веки.

И ныне: Вознесе на небеса, человеческое прием естество непреложен Сын Твой, Пречистая Богородице, превосхождением благодати избавль древния тли. Емуже благодарственно воспеваем: да благословит тварь вся Господа, и превозносит во вся веки.

Песнь 9

Ирмос: Образ чистаго рожества Твоего, / огнепалимая купина / показа неопальная; / и ныне на нас / напастей свирепеющую угасити, молимся, пещь, / да Тя, Богородице, / непрестанно величаем.

Припев: Пресвятая Троице, Боже наш, слава Тебе.

Спаси, Спасителю твари, чувственныя же и умныя рабы Твоя от вражия навета и озлобления, Пресвятая Троице Единосущная, и соблюдай стадо Твое выну ненаветно (дважды).

Слава: Да глубину неизчетную существенныя покажеша Твоея благодати, дал еси нам обеты, трисолнечный и единоначальный Боже Всесильный, спасительныя Твоим рабом, ихже совершити сподоби.

И ныне: Призри на наша моления, иже в триех Богоначальных Ипостасех, един сый Бог во истине веруемый, и подаждь Твоим рабом утешение, молитвами Пречистыя и препетыя Богоматере.

Глас 2

Песнь 1

Ирмос: Во глубине постла иногда, фараонитское всеоинство преоруженная сила, воплощшееся же Слово всезлюбный грех потребило есть: Препрославленный Господь славно бо прославися.

Припев: Пресвятая Троице, Боже наш, слава Тебе.

Троичное и Единоеначальное Естество Божества, песенно воспоем глаголюще: милости пучину неизчерпаемую, существенную яко имущи, Тебе кланяющихся соблюди и спаси, яко Человеколюбец.

Припев: Пресвятая Троице, Боже наш, слава Тебе.

Иже источник, и корень Отец сый, яко виновен, Иже в Сыне, и Святем Твоем Дусе, срасленного Божества Трисолнечный сердцу моему источи свет, и причастием осияй, Богодетельнаго сияния.

Слава: Трисветлая Единице Богоначальная, весь разори грехов и страстей моих мрак, светлых лучей Твоих сладчайшими причащеньми, и сотвори мя Твоя неприступныя славы храм и сень пречистую.

И ныне: Ток древний естества нашего, страдавший безместно, и к тли поползшийся Пречистая, воплощься во утробе Твоей Бог Слово, человеколюбне осия, и Богоначалию Трисветлому нас тайно научи.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, внегда пети: несть свят, якоже Бог наш, и несть праведен паче Тебе Господи.

Припев: Пресвятая Троице, Боже наш, слава Тебе.

Равенством естества Богоначалие Единочестное славлю Тя Лицы: Живот бо от Живота Ты произшед нетленно, Един сый Бог наш, и несть свят, паче Тебе Господи.

Припев: Пресвятая Троице, Боже наш, слава Тебе.

Ты чины невещественныя и небесныя составил еси, яко зерцала Твоя доброты: Троице Нераздельное Единоеначалие, пети непрестанно Тебе: но и ныне наше от бранных уст приими хваление.

Слава: Утверди на камени веры, и расшири любве Твоя пучиною сердца и мысль Твоих раб, Единице Трисолнечная: Ты бо Бог наш, на Негоже уповающе, да не посрамимся.

И ныне: Иже всяк прежде состав осуществовавый твари, во утробе Твоей осуществовася, неизчетною благостию Богородице, и свет Трисолнечный всем возсия Единого Божества и Господства.

Господи, помилуй (трижды).

Седален, глас 2

Егда в начале Адама создал еси Господи, тогда Слову Твоему Ипостасному возопил еси Благоутробне: сотворим по Нашему подобию, Дух же Святыи соприсуществоваше Содетель. Темже вопием Ти: Творче Боже наш, слава Тебе.

Слава, и ныне: Егда к нам Бог приити изволи, тогда в Твою Пречистая, чистейшую утробу вселися, и спасе Тобою человеческое смешение, даровавый всем Царство Небесное. Темже вопием Ти, Богородице Чистая, радуйся Владычице.

Песнь 4

Ирмос: Пою Тя, слухом бо Господи услышах и ужасохся, до мене бо идеши, мене ища заблуждшаго. Тем многое Твое снизхождение, еже на мя, прославляю Многомилостиве.

Припев: Пресвятая Троице, Боже наш, слава Тебе.

Разумети Тя ниже чинове могут невещественнии ангельстии, Единице, Троице Безначальная: но убо мы бранным языком Твою Существенную благодать воспеваем, и верою славим.

Припев: Пресвятая Троице, Боже наш, слава Тебе.

Сый Создатель естества человеческого, Вседержителю, все мое видиши ныне, яко Всевидец немощение: темже ущедри раба Твоего, и к жизни лучшей паки возведи.

Слава: Единицы Начальныя несмесна Три Лица воспеваем, яко свойственне имущая, и раздельне Ипостаси: но убо Соединена и Нераздельна, в Совете же и Славе, и Божестве.

И ныне: Храм Тя чист и пренепорочен, Приснодево Богородице, Вседетель обрете Едину яве от века, в Нюже вселься: вообрази человеческое естество, яко Человеколюбец.

Песнь 5

Ирмос: Просвещение во тьме лежащих, спасение отчаянных Христе Спасе мой, к Тебе утренюю Царю мира, просвети мя сиянием Твоим: иного бо разве Тебе Бога не знаю.

Припев: Пресвятая Троице, Боже наш, слава Тебе.

Яко всячески на вся сущия Твоего промысла, миродарныя простираяй лучы, и спасительныя, Царю мира, соблюди мя в мире Твоем: Ты бо живот и мир всяческому.

Припев: Пресвятая Троице, Боже наш, слава Тебе.

Моисею в купине яко явился еси в видении огненне, ангел нареклся еси Отчее Слово, Еже к нам Твое предъявляя пришествие: Имже всем яве возвестил еси державу Богоначалия Единаго, Триипостасную.

Слава: Яже Естественную, Соприсносущную славу предложиши, Единоначальнейшая Троице Святая, воспевающих Тя православною верою, Твоя славы видети сподоби, Безначальную, и Едину зарю Трисолнечную.

И ныне: Содержительный по существу сый Бог Слово, всем веком, Дево Мати, во чреве Твоем удержася неизреченно, человеки призывая ко единству Единаго Господства.

Песнь 6

Ирмос: В бездне греховней валяся, неизследную милосердия Твоего призываю бездну: от тли Боже мя возведи.

Припев: Пресвятая Троице, Боже наш, слава Тебе.

Волителю милости, помилуй в Тя верующих, Боже Трисолнечне, и прегрешений избави, и страстей, и бед, рабы Твоя (дважды).

Слава: Неизреченною пучиною благодати, необмыслимую Твоего сияния, и Трисияннаго Божества светодательную зарю подаждь ми.

И ныне: Неизреченне Дево, Вышний Человек бысть из Тебе, в человека по всему оболкся, и светом мя Трисолнечным озари.

Седален, глас 2

Благоутробия пучину нам прострый, приими нас Милостиве, призри на люди Тя славящия, приими песнь просящих Тя, Троице Единице Безначальная: на Тя бо уповаем всех Бога, прегрешений дати прощение.

Слава, и ныне: Благоутробия рождши Источник, милостива Ты еси Благая Богородице: Ты бо верных едино заступление, Ты скорбящих утешение. Темже Тебе ныне вси верою припадаем, обрести разрешение лютых, обогатеюшася единою Тебе помощию.

Песнь 7

Ирмос: Образу златому на поле деире служиму, трие Твои отроцы небрегоша безбожнаго веления: посреде же огня ввержени, орошаеми пояху: благословен еси Боже отец наших.

Припев: Пресвятая Троице, Боже наш, слава Тебе.

Уставляеши присно ангельская воинства к непреложению, Едине сый Неизменне и Триипостасне Господи: покажи убо и мое сердце непреложно всегда, во еже славити Тя тепле, и воспевати благочестно (дважды).

Слава: Лицы умнии невестественных существ, Твоими лучами Боже Единоначальне, и Трисолнечне, озаряеми бывают, положением втории светове: ихже и мене сияньми, и причастием покажи свет, яко Светоделитель Трисиянен.

И ныне: Направляти нас и возвышати к небесем не оскудей, Тебе любящих, иже за неизреченное человеколюбие, быв человек во утробе Девы, и обожив человека, и на престоле славы со Отцем седяй.

Песнь 8

Ирмос: О подобии злате небрегше треблаженнии юноши, неизменный и живой Божий образ видевши, среди огня воспеваху: осуществованная да поет Господа вся тварь, и превозносит во вся веки.

Припев: Пресвятая Троице, Боже наш, слава Тебе.

Неприступная Троице Соприсносушная, Собезначальная, Богоначальная, Неизменная во всех, кроме Светоносных Свойств, всякий лукавый упраздни сопротивлеющих совет, и стужения демонов, невредна соблюдаяй мя присно, Господи всех (дважды).

Благословим Отца и Сына Святаго Духа, Господа: Премудре и Всемощне, Неописанное, Трисолнечное Единоначалие составльшее мир, и соблюдающее в невредимом чине всесовершенном, вселися в мое сердце, пети и славити Тя немолчно с лики ангельскими во вся веки.

И ныне: Премудросте Отчая, Непостижиме, Неизреченне, Божий Слове, Непреложное Твое Естество не изменив, естество человеческое милостивне восприял еси: и Единственную Троицу чести всех научил еси, яко Господоначалие всех веков.

Песнь 9

Ирмос: Яже прежде солнца светильника Бога возсиявшаго, плотски к нам пришедшаго, из боку Девичу неизреченно воплотившая, Благословенная Всечистая, Тя Богородице величаем.

Припев: Пресвятая Троице, Боже наш, слава Тебе.

От Света Безначальна, Собезначален Сын Свет возсия, и Соестественный Дух изыде, неизреченно боголепно, нетленну рождеству уверяеми, вкупе же и неизреченному исхождению.

Припев: Пресвятая Троице, Боже наш, слава Тебе.

Возсияй в сердцах Трисолнечное Божество, воспевающих Тя, Трисианным Светом Твоим: и даждь разум еже во всех разумети, и деяти Твое хотение благое и совершенное, и величати и славити Тя.

Слава: Неизчетен естеством сый яко Бог, неизчетную пучину щедрот яко имея, ущедрила еси Троице прежде: тако и ныне ущедри рабы Твоя, и от прегрешений избави, и напастей и обстояний.

И ныне: Спаси мя Боже мой, от всякаго искушения и озлобления, Иже в Трех Лицах воспеваемый несказанно, Единственне Бог и Всесильный, и Твое стадо сохрани, Богородицы молитвами.

Глас 3

Песнь 1

Ирмос: Воды древле, манием Божественным, во едино сонмище совокупивый, и разделивый море израильским людем, Сей Бог наш, препрославлен есть: Тому Единому поим, яко прославися.

Припев: Пресвятая Троице, Боже наш, слава Тебе.

Непостижимое Едино Господоначалие, и Едино Троическое Богоначалие, Трисианнаго Света Твоего мя сподоби: яко да воспую Тя, певаемое непрестанно трисвятыми песнями, ангельскими усты.

Припев: Пресвятая Троице, Боже наш, слава Тебе.

Священно невестественнии вси чинове поют, яко творительную вину, Единственную, Трисветлую, Начальнейшую яве: Юже согласно поем, и человеческая множества, и верно славим бранными усты.

Слава: Ум, и Слово, и Дух, богословцы приличне, и знаменительне Тебе наричут: безстрастно Рождество от Нерожденного Отца, Сыну знаменующу, Боже Единоначальне всех, вкупе и Духа Божественнаго исхождение.

И ныне: Яко Человеколюбец естеством, человеческое существо прием Божий Слове, Троичный возсиял еси, Единоначальнейший свет Единого Божества, Препрославленную всем показавый, рождшую Тя Деву Пречистую.

Песнь 3

Ирмос: Иже от не сущих вся приведый, Словом созидаемая, совершаемая Духом, Вседержителю Вышний, в любви Твоей утверди мене.

Припев: Пресвятая Троице, Боже наш, слава Тебе.

Утроити древле воду повелев Илиа на поленах, образно прояви Троичную Ипостась, Единственнаго Божия Господоначалиа.

Припев: Пресвятая Троице, Боже наш, слава Тебе.

Тленное естество поет Тя земнородных, Единого и Трисветлаго Создателя Неизменнаго, и вопиет Ти Владыко: всеразличнаго мя прменения избави, и спаси мя.

Слава: Равно вещающе словесем пророческим, славных апостол же и проповедник веры, равнодетельную Тя Троицу славословим вернии, Боже всех.

И ныне: С престола высокаго сниде Христос, человека возвышая, яко Человеколюбец, Тобою Пречистая, и Трисолнечный Свет всем возсия.

Господи помилуй (трижды).

Седален, глас 3

Пресущественный и Едине Господи Христе, и рождение Пребезначальнаго Отца, и Душе Божественнейший, помилуй рабы Твоя: вси бо согрешихом, но от Тебе не отступихом. Темже молим Тя Триипостасне Господи, яко имеяй власть, создание Твое спаси от всякаго обстояния.

Слава, и ныне: Пресущественный Бог и Господь из Тебе воплотися за благодать, Еже по нам осуществовавыйся, и пребыв еже бе. Темже и Богочеловека Сего почитающе Всечистая, Тя Неискусобрачную Богородицу проповедуем, славяще превелие чудо Твоего безсеменнаго Рождения.

Песнь 4

Ирмос: Положил еси к нам Твердую любовь Господи, Единороднаго бо Твоего Сына за ны на смерть дал еси. Темже Ти зовем благодаряще: слава силе Твоей Господи.

Припев: Пресвятая Троице, Боже наш, слава Тебе.

Отрасль сугуб от Отца, яко от корене прозябе Сын, и Дух Правый, соестественна прозябения, и богосажденна, и цвети Собезначальнии: яко трием быти светом Божества (дважды).

Слава: Множества умных существ, непрестанно поют Тя, недомыслимаго Бога, с нимиже мы славим, глаголюще: Троице Пресущная, Твоя рабы спаси, яко Человеколюбец.

И ныне: Распалил еси нас в любовь Твою, Многомилостиве Слове Божий, Иже нас ради воплощься непреложне, и Трисветлое Едино Божество тайно научив: темже Тя славим.

Песнь 5

Ирмос: Яко виде Исаиа образно на престоле превознесена Бога, от ангел славы дориносима, О окаянный, вопияше, аз: провидех бо воплощаема Бога, Света Невечерня, и миром владычествующа.

Припев: Пресвятая Троице, Боже наш, слава Тебе.

Единаго Господоначальника, образно яко виде Исаиа Бога, в Трех Лицах славословима пречистыми гласы серафим, послан бысть проповедати абие Трисветлое Существо, и Единицу Трисолнечную (дважды).

Слава: Яже всех невидимых и видимых естество, от не сущих прежде составляшая, Единице Трисолнечная, Иже Единаго Тя Бога верно воспевающих от всяких искушений избавльши, Твоя славы сподоби.

И ныне: Невестник светоносен и чист Дево, бывший Божий, воспеваем Тя любовию, и блажим: из Тебе бо родися Христос, в существах и хотениях сугубых, Иже Един от Троицы и славы сый Господь.

Песнь 6

Ирмос: Бездна последняя грехов обыде мя, и исчезает дух мой: но прострый Владыко высокую Твою мышцу, яко Петра мя Управителю спаси.

Припев: Пресвятая Троице, Боже наш, слава Тебе.

Пресельник сый Авраам, сподобися образно воспряти Единственного убо Господа в Трех Ипостасех, пресущественна мужескими же зраки (дважды).

Слава: Направи сердца Твоих рабов к Свету Непреступному, О Трисолнечне Господи, и Твоя славы сияние подаждь душам нашим, во еже облистаемым быти Твоею добротою неизреченною.

И ныне: Отверзи мне двери Света рождагося от утробы Твоя Пречистая: да зрю Трисветлую лучу Божества, и славлю Тя Всесветлую Владычицу.

Господи помилуй (трижды). Слава, и ныне.

Седален, глас 3

Божественнаго Естества Единосушнаго Трисолнечную поем державу, и трисвятими гласы возопиим: Свят еси Отче Пребезначальный, Свят еси Сыне Собезначальный, и Душе Святой, Едине Нераздельный Боже наш, и всех Творче Человеколюбе.

Слава, и ныне: Чудо превелие: како содержася Невместимый во чреве Твоем и воплотися, и явися, яко Человек, не претерпевый смешения или разделения Божественнаго и Непреложнаго Божества, Отроковице Всечистая: темже Богородицу Тя верно проповедуем присно и славим.

Песнь 7

Ирмос: Якоже древле благочестивыя три отроки оросил еси в пламени халдейстем, светлым Божества огнем и нас озари, Благословен еси взывающыя, Боже отец наших.

Припев: Пресвятая Троице, Боже наш, слава Тебе.

Храм мя покажи Твоего Божества Владыко, Трисияннаго, Весь Светел: греховнаго омрачения лютаго и страстей вышша, светодательными Твоими сиянии, Боже отец наших благословен еси.

Припев: Пресвятая Троице, Боже наш, слава Тебе.

Божества зрак Един возвещаем, в Трех Ипостасных и отдельных свойствах, Отца, и Сына, и Духа: благословен еси зовуще, Боже отец наших.

Слава: Явися Аврааму Бог Триипостасный у дуба древле мамврийскаго, о страннлюбии мзду Исаака воздая за милость: Егоже и ныне славим, яко Бога отец наших.

И ныне: Явися на земли, быв Человек Вседетель, боголепно от девственнаго и пречистаго Твоего чрева, и нас обожи, Благословенная Всечистая, Богородице Пречистая.

Песнь 8

Ирмос: Нестерпимому огню соединившеся, богочестия предстояще юноши, пламенем же невредени, Божественную песнь пояху: благословите вся дела Господня Господа, и превозносите во вся веки.

Припев: Пресвятая Троице, Боже наш, слава Тебе.

Безначальна Отца яко от корене, Слово, и Дух Собезначальне суца: яко отрасли Пресущественнаго Богоначалия показаша Троицы славу единую и силу: Юже поем вси вернии во веки (дважды).

Благословим Отца и Сына и Святаго Духа, Господа: Управляеши Твоими светлостми чины небесныя, воспевати немолчно трисвятыми песнями Божественными, Отче, Слове сообразне, и Душе, Трисветлую Державу и Равномощную. Темже Тя поем во вся веки.

И ныне: Проречения пророческая, Твое Рождество издалеча видевшие Богородице, восхваляху, яко без семени, и паче естества рождшагося Владычице: и согласно Сего поем, яко Господа, и превозносим во вся веки.

Песнь 9

Ирмос: Новое чудо и боголепное, девическую бо дверь затворенную, яве проходит Господь, наг во входе, и Плотносец явился во исходе Бог, и пребывает Дверь затворена: Сию неизреченно яко Богоматерь величаем.

Припев: Пресвятая Троице, Боже наш, слава Тебе.

Видети славу Трисиянную, боговиднии безплотных чинове яве, восходити крылы желают горе: но говеют зело неприступнаго света, и песни непрестанно вопиют: с ними согласно Единственная Троице Тя славим (дважды).

Слава: Несытою любовию и иже на земли, умную душу от Тебе приемше, и словесную, Тебе поим Владыко, Боже всех, Единственное Естество воистинну, и Троичное Лицы, от всего сердца. Темже щедре яко многомилостив, нас ущедри.

И ныне: Храм мя покажи Единоначальнаго, и Трисветлаго Твоего Богоначалия, Световиден, чисте служити Тебе Зиждителю всех, и неизреченную Твою славу умно зрети: молитвами Единыя Богородицы, Юже достойно яко Преславную величаем.

Глас 4

Песнь 1

Ирмос: Моря чермную пучину невлажными стопами древний пешешествовав Израиль, крестообразными Моисеовыма рукама, амаликову силу в пустыни победил есть.

Припев: Пресвятая Троице, Боже наш, слава Тебе.

Троицу Богоначальную да прославим Ипостасьми, Единственное же Естество Триех, Соприсносущную, Сопрестольную, Юже моляще, глаголем: спаси иже верою Тебе славящих.

Припев: Пресвятая Троице, Боже наш, слава Тебе.

Помазася от Отца Духом радования, Богодетельным елеем, Сын, и Человек бысть, и Единаго Божества Триипостасное научил есть.

Слава: Доброту неприступныя славы Твоя Единице Трисолнечная, серафими не терпяще зрети, спокрываются крылы: и Трисвятыми песнями непрестанно Тебе славят.

И ныне: Неизреченно Творца родила еси всех Пречистая, избавляющаго древния клятвы человеки, и смертныя тли, и Тобою познахом Единаго Бога Триипостаснаго.

Песнь 3

Ирмос: Не мудростию и силою и богатством хвалимся, но Тобою Отчею Ипостасною мудростию Христе: несть бо свят, паче Тебе Человеколюбче.

Припев: Пресвятая Троице, Боже наш, слава Тебе.

Силу свыше святым Твоим прежде апостолом, яко послал еси Христе, от Отца Утешителя, Едино явил еси Естество Трисолнечное.

Припев: Пресвятая Троице, Боже наш, слава Тебе.

Патриарху Аврааму егда явилася еси во образе мужесте, Троицнх Единице, непременно показала еси Твоя Благости и Господства.

Слава: Иже во Образех Триех, Един Бог веруемый: Неописанный яве, Недомыслимый всеми, избави души наша от всякия скорби.

И ныне: Наставльшеся Сына Твоего премудрыми приведеньми, Единственное и Трисветлое Богоначалие славим, и Тебе блажим Приснодеву.

Господи, помилуй (трижды).

Седален, глас 4

Трисолнечная, Несозданная и Единосущная Единице, Триипостасная и Непостижимая, рабы Твоя ущедри: спаси от бед, яко Бог милостив, Тя бо Господи, Единого Избавителя и Владыку имама, вопиюще: буди нам милостив.

Слава, и ныне: Многими обстояньми и напастыми лютых Дево, окружаеми, и ко отчаянию присно впадающе, Едину Тя спасение и надежду, и стену имама Богородице, и Тебе по долгу верою и ныне молим: спаси рабы Твоя.

Песнь 4

Ирмос: Седяй в славе на Престоле Божества, во облаце легце прииде Иисус Пребожественный, нетленную дланию, и спасе зовущыя: слава Христе силе Твоей.

Припев: Пресвятая Троице, Боже наш, слава Тебе.

Пресущную Троицу, во Единице Божества и Господоначалие, с серафимы Тебе славим, яко Нераздельно Естество, яко Непрístupное, яко равностатно славою, Боже Непостижимый.

Припев: Пресвятая Троице, Боже наш, слава Тебе.

Разделенну сущу неизреченно Лицы Божества, и соединяему Державою вкупе Едином Господством, Безпредельну Едину, Неописанну, воспеваем Тя Творца всея твари.

Слава: Ум Безначальный, Слово Неизглаголанне роди, и Божественнаго Духа Равноощна испусти: и сего ради Троицу Единосущную, Владыку всех Бога проповедаем.

И ныне: Видимь бывая древними образне, предвозвестило есть, еже от Тебе воплощение, Слово: но послежде явлься человеком, поистинне Триипостасное Единоначалие яви.

Песнь 5

Ирмос: Ужасошася всяческая о Божественной славе Твоей: Ты бо Неискусобрачная Дево, имела еси во утробе над всеми Бога, и родила еси Безлетнаго Сына, всем воспевающим Тя мир подавающая.

Припев: Пресвятая Троице, Боже наш, слава Тебе.

Разумевше от веры Вседетельнаго Божества, Едино убо Непреступно Существо, Три же Ипостаси Живоначальны, сраслены чем: Отца, и Сына, и Духа Святаго Соприсносущное бытие.

Припев: Пресвятая Троице, Боже наш, слава Тебе.

Свете Трисолнечне, существеннаго Света Твоего возсияй ми Единственное Божество, Несозданное Естество, и светодейственный Источниче всякия светодательныя зари: да созерцаю Твою доброту неизреченную.

Слава: Яко Единому сущу Содетелю всяческих, и Содержителю, и Кормчию Всепремудру, воистинну и жизни Подателю, сего ради и вопием Ти верно: Владыко Трисолнечне, поющыя Тя соблюди.

И ныне: Обожити хотя древле истлевшаго человека, за благодать Дево создавый, и показавый Образа Божественный зрак, Человек бысть из Тебе, Едино Тричисленное Богоначалие проповеда.

Песнь 6

Ирмос: Возопи, прообразуя погребение тридневное, пророк Иона в ките моляся: от тли избави мя, Иисусе Царю Сил.

Припев: Пресвятая Троице, Боже наш, слава Тебе.

Яви Отец изглаголюя Сыновство, и Дух, Христу крещшуся, видимь быв: сего ради Едино и Троическое Богоначалие славим.

Припев: Пресвятая Троице, Боже наш, слава Тебе.

Яко виде Тя Трисвятыми гласы воспеваемаго Исаиа, на висоце Престоле сядяща, Троическую позна Единаго Богоначалия Ипостась.

Слава: Возвышено сердце покажи и нас раб Твоих, Высокий Царю Триипостасне: да Твоя славы зрим ясно светлость.

И ныне: Восхоте вообразитися яве в наше, от Девы Сын Божий яко Человеколюбец, и Божественныя Славы общники человеки сотвори.

Господи, помилуй (трижды). Слава, и ныне.

Седален, глас 4

Отца нерожденна, Сына же рожденна, и Духа Святаго исходна от Отца мудрствующе, проповедаем Безначальное Царство и Божество Едино, Еже славословяще единомудренно вопием: Троице Единосущная, спаси нас Боже.

Слава, и ныне: Лет превышше, и прежде век Бога, в лето родила еси преестественне плотию, Бога Человека Пречистая. Темже Тя Богородицу, истинно и господьственне вси исповедающе, прилежно Ти вопием: славы вечныя вся сподоби.

Песнь 7

Ирмос: В пещи Авраамстии отроцы персидстей, любовию благочестия паче, нежели пламенем опаляеми, взываху: благословен еси в храме Славы Твоя Господи.

Припев: Пресвятая Троице, Боже наш, слава Тебе.

Учиненая небесная естества, и умныя чины православно вси земнороднии подражающе, славим Едино Божество в Трех Равнодетельных Ипостасех (дважды).

Слава: Речи святых пророк, Ты древле образно Единого веков всех Содетеля проявиша, Неизреченного Бога и Господа, Богоначальными Тремя Ипостасьми.

И ныне: Иже по существу Невидимое Слово и Вседетельное, явился еси человеком, Человек от Чистыя Богоматере, человека призывая ко причастию Твоего Божества.

Песнь 8

Ирмос: Руце распростер Даниил, львов зияния в рове затче: огненную же силу угасиша, добродетелию препоясавшися, благочестия рачители отроцы, зывающе: благословите вся дела Господня Господа.

Припев: Пресвятая Троице, Боже наш, слава Тебе.

Свете Единоначальный и Трисянный, Существо Безначальное, Доброто Неизвестная, в сердцы моем вселися, и храм Твоего Божества, световиден и чист покажи мя, зовуща: благословите вся дела Господня Господа, пойте и превозносите Его во веки (дважды).

Благословим Отца и Сына и Святаго Духа, Господа: От различных мя страстей Троице Нераздельная, Единице Неслитная, и омрачения прегрешений избави, и озари лучами Твоими Божественными: да вообразую Твою славу, и воспеваю Тя славы Господа.

И ныне: Ум убо Нерожденный Отец, и Слово Сообразно, и Дух Сопрестолен, Существо, Сила, Бытие: Пресущная, Неизреченная, Великодейственная Троице, Единице, соблюдай стадо Твое молитвами Богородицы, яко Естеством Человеколюбец.

Песнь 9

Ирмос: Всяк земнородный да възграется Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся Всеблаженная Богородице, Чистая Приснодево.

Все к Тебе ныне движу сердце мое и мысль, и предложения же всея души и тела, Содетелю и Избавителю моему, Единоначальне, и Трисветле, и вопию Ти: спаси мя раба Твоего от всяких искушений и скорбей (дважды).

Слава: Возвыси наш ум, и мысль к Тебе Вышнему, просвети Твоими сияньми Пречистыми, Отче, Слове, Утешителю, во Свете живой Неприступнем, Славы Солнце, Светодержче, всегда славити Тя Единоначального Бога Триипостасного.

И ныне: Спаси иже в Тя верующыя Господи, и проповедающыя Безначальное Присносущное Существо Едино, три же Лица Богоначальна и Сообразна, Твоего Господствия, и Божественныя Славы Твоя сподоби, мольбами Чистыя Богоматере.

Глас 5 Песнь 1

Ирмос: Коня и всадника в море Чермное, сокрушаяй брани мышцею высокою Христос истрясе: Израиля же спасе, победную песнь поюща.

Припев: Пресвятая Троице, Боже наш, слава Тебе.

Державу Единственного и Трисолнечнаго зрака воспевающе вопием: ум наш озари Боже Всесильне, и к Твоей Владыко, возвыси славе неизреченной.

Припев: Пресвятая Троице, Боже наш, слава Тебе.

Горе Тя ангельская удобрения умная немолчно поют Трисвятыми песньми, Единицу Тричисленную, и Троицу Сообразну, Пресущественну, Всесильну.

Слава: Божественное питие Твоя любве, сладчайшее, светодейственное, души моей подаждь, Троице Единице Светоначалная, и Божественное умиление очистительное, Владыко Многомилостиве, всея твари.

И ныне: Якоже на руно сниде без шума с небесе Дево, дождь в ложесна Твоя Божественный: и спасе все изсохшее человеческое естество Пречистая.

Песнь 3

Ирмос: Водрузивый на ничесомже землю повелением Твоим, и повесивый неодолимо тяготеющую, на недвижимем Христе, камени заповедей Твоих, Церковь Твою утверди, Едице Блаже и Человеколюбче.

Припев: Пресвятая Троице, Боже наш, слава Тебе.

Умыслив умная существа, составил еси певцы непрестанныя Твоего Божества, Трисветлый Боже и Вседетелю: но и бранных и земнородных приими моление и мольбу, яко Благоутробен.

Припев: Пресвятая Троице, Боже наш, слава Тебе.

Иже всякаго по естеству пременения неприятен, изменяемым нам и поющим, неизследимый источник Твоя благости, согрешений даждь прощение, и спасение, яко Благоутробен.

Слава: Отца и Сына, и Духа славим, в непремненном зраце Божества Тебе Единственного и Трисианнаго Господа всех, якоже пророцы, и апостоли от Тебе яве научишася.

И ныне: Явился еси Моисею в купине, яко ангел совета Великаго Вседержителя, Твое еже от Девы проявляя воплощение, Божий Слово: имже нас претворил еси, и на небеса возвел еси.

Господи помилуй (трижды).

Седален, глас 5

Милостива еси Троице Нераздельная: милуеши бо всех, яко Всесильная и Всещедра, Сострадательна и Многомилостива. Темже прибегаем к Тебе, иже грехми многими отягчаеми взывающе: очисти Твоя рабы, и избави всех всякия муки.

Слава, и ныне: Всесвятая Дево, помилуй нас прибегающих верою к Тебе Благоутробней, и просящих теплаго Твоего ныне заступления: можеш бо яко Благая всех спасти, яко сущи Мати Бога Вышняго, Матерняя Твоя молитвы присно употребляющи, Богоблагодатная.

Песнь 4

Ирмос: Божественное Твое разумею истощание, прозорливо Аввакум, Христе, со трепетом вопияше Тебе: во спасение людей Твоих, спасти помазанья Твоя пришел еси.

Припев: Пресвятая Троице, Боже наш, слава Тебе.

Тайно научается Единого Господства Трисветлому Даниил, Христа Судию узрев ко Отцу идуща, и Духа проявляюща видение.

Припев: Пресвятая Троице, Боже наш, слава Тебе.

Бренными поющих Тя усты, Пресущественного Бога, Троицна Ипостасьми, Единственна же Естеством, славы ангельския сподоби.

Слава: Едину власть, и Единое Господство, в Трех Свойствах неразлучно славим: Отче, и Сыне, и Душе, просвети ны рабы Твоя.

И ныне: Гора частая и присенная, Юже виде прежде Аввакум, из Неяже пройде Святой: неудобь зримое Рождество являше Твоего Дево, зачатия.

Песнь 5

Ирмос: Одейся светом яко ризою, к Тебе утренюю, и Тебе зову: душу мою просвети омраченную Христе, яко Един Благоутробен.

Припев: Пресвятая Троице, Боже наш, слава Тебе.

Иже за благодать создавый человека, и по образу Твоему сотвори, во мне обитай Трисветне Боже мой, яко Благ и Благоутробен.

Припев: Пресвятая Троице, Боже наш, слава Тебе.

Ты мя настави Единице Трисолнечная, к стезям Божественным спасения, и Твоего сияния исполни, яко естеством Бог Неисчетносилен.

Слава: Свет Нераздельный Единого Естества, разделенный начертаньми, Трисианный, Невечерний, мое сердце лучами Твоими озари.

И ныне: Яко виде Тя древле Чистая Пренепорочная, пророк, зрящая врата к Свету Незаходимому, абие Тя позна Божие Жилище.

Песнь 6

Ирмос: Неистовствующееся бурею душегубительную, Владыко Христе, страстей море укроти, и от тли возведи мя, яко Благоутробен.

Припев: Пресвятая Троице, Боже наш, слава Тебе.

Трисветлое суще Богоначалие Ипостасне, Единственна еси, яко сообразна и Равнодетельна, и по существу и хотению.

Припев: Пресвятая Троице, Боже наш, слава Тебе.

Довольно изъяви пророк, поя Отцу Твоему Свету: узрим Духом, Свет Сына, Единого Бога Трисолнечного.

Слава: Несоставно Существо в Трех Свойствах, Едину власть и Державу имый: Тем бо состоится тварь всяческая, и обновляется.

И ныне: Прегрешений избавление и бед, Владыко Боже, Единственне и Трисветне, низпосли Твоим певцем, молитвами Богоматере.

Господи помилуй (трижды).

Седален, глас 5

Трисолнечный Свет славословим, и Простей Троице ныне поклонимся, яко просвети нас и помилова, и избави от тли весь род человеческий, избавляющи от прелести идольския весь мир, и Царство нам подаде.

Слава, и ныне: Недоумевся от всех, к Тебе прибегах к Надежди всех, и Прибежищу грешных и смиренных, зовый: согреших, и пребываю в злых, нечувствуя окаянный. Помилуй мя, прежде конца обрати мя, и избави всякия муки, недостойного.

Песнь 7

Ирмос: Превозносимый отцев Господь, пламень угаси, отроки ороси согласно поющыя: Боже благословен еси.

Припев: Пресвятая Троице, Боже наш, слава Тебе.

Яко имый бездну милости, Господи, и пучину неизчетну щедрот, помилуй Единого Тя поющих, Трисветлаго Бога всех.

Припев: Пресвятая Троице, Боже наш, слава Тебе.

Необмыслимаго, Единственна и Трисветла, Бога Тя и Господа поюще вопием Ти: подаждь Твоим рабом очищение грехов.

Слава: Равно Ипостаси во Единой Державе чтуще разделяем Неразделимо Существо, Бога Отца, и Сына, и Пресвятаго Духа.

И ныне: Отрасль прозябла еси, Отцу Собезначальную, цвет Божества: Отрасль Соприсносущную, Дево, дающую жизнь всем человеком.

Песнь 8

Ирмос: Тебе Вседетелю, в печи отроцы, всемирный лик сплетше, пояху: дела всякая Господа пойте, и превозносите во вся веки.

Припев: Пресвятая Троице, Боже наш, слава Тебе.

Да Единого открыеши древле яве Господства Троичную Ипостась, явился еси Боже мой, во образе человек Аврааму, поющу Твою Державу Единственную.

Припев: Пресвятая Троице, Боже наш, слава Тебе.

Ты мя к Твоим благодетельным лучам взирати сподоби Свете Непрístupный, Отче Щедрый, и Слове, и Душе, еже благоугождати Тебе присно, Господи всех.

Благословим Отца и Сына и Святаго Духа, Господа: Свят Отец Бог Превечный: Свят же Сын из Отца рожден: Свят же и Животворящий Дух, исходя из Отца, Сыном же являемь.

И ныне: Облистала еси нам от Трисолнечныя славы, Единого Всепетая Христа Господа, всех тайнонаукающа Единому Богоначалию в Трех Лицах, пети во веки.

Песнь 9

Ирмос: Исаие ликуй, Дева име во чреве, и роди Сына Еммануила, Бога же и Человека, Восток Имя Ему: Егоже величающе, Деву ублажаем.

Припев: Пресвятая Троице, Боже наш, слава Тебе.

Глаголания человеческая по достоянию, Безначальная Единице, не могут пети Тя: обаче якоже мощно дерзающе от веры, Богоначальная, Сопрестольная Троице, славу приносим Твоей Державе, и хвалу.

Припев: Пресвятая Троице, Боже наш, слава Тебе.

Равностатною славою, Тя Единоначального Трисветлаго Бога славят херувими и серафими пречистыми усты: с нимиже и нас грешных приими Господи, Твою Державу величающих.

Слава: Исаиа Тя виде на Престоле херувимсте, и серафимы стоящия окрест Тебе, крылы лица закрывающия, и вопиющия: Свят, Свят, Свят, Трисвятый Боже, славимый в Трех Свойствех.

И ныне: Яко Чистая и Непорочная и Дева, родила еси Сына, избавляющаго нас от искушений, Бога Неизменна: но и ныне оставление нам прегрешений дати Сего моли.

Глас 6

Песнь 1

Ирмос: Яко по суху пешешествовав Израиль, / по бездне стопами, / гонителя Фараона / видя потопляема, // Богу победную песнь поим, вопияше.

Припев: Пресвятая Троице, Боже наш, слава Тебе.

Три ипостаси поем богоначальны, единственного естества, неизменный зрак, Благого Человеколюбца Бога, прегрешений очищение нам дарующа.

Припев: Пресвятая Троице, Боже наш, слава Тебе.

Пресущный едине, и трисиянный начертаньми, Господи, в Божестве едином сый, вразуми нас, и сподоби Твоего Божественного сияния.

Слава: Невестоукрасив Павел, юже от язык Церковь, единому Тебе, триипостасному Богу, поклоняться научи, от негоже, и имже, и в немже вся быша.

И ныне: Из чрева твоего пройде умное, Богородице, солнце, и осия нас трисветлаго божества зарями, егоже поюще благочестно Тя ублажаем.

Песнь 3

Ирмос: Несть свят, якоже Ты, Господи Боже мой, / вознесый рог верных Твоих, Блаже, / и утвердивый нас на камени // исповедания Твоего.

Припев: Пресвятая Троице, Боже наш, слава Тебе.

Украсив, трисветлый Боже, Чины Небесныя, устроил еси пети Тя трисвятыми гласы: с нимиже приими и нас, воспевающих Твою благодать.

Припев: Пресвятая Троице, Боже наш, слава Тебе.

Едино непреложное троичное, сообразное единственное богоначалие поюще, молим Тя тепле, грехов многих низпослати ныне нам прощение.

Слава: Уме безначальный, Отче, сообразный Божий Слове, и Душе Божественный, Благий и Правый, воспевающыя верно Твою державу, соблюди, яко благоутробен.

И ныне: Пажить потреби тли, человек по существу быв Бог мой во утробе Твоей, Чистая: и родоначальники прежняго осуждения Един свободы.

Господи, помилуй (трижды).

Седален, глас 6

Владыко Боже, призри с небесе, / и виждь наше смирение яко Щедр, / и умилосердися, Человеколюбче Препоблагий: / ни откуда бо надеемся прощения получитьи злых, / имже согрешихом, // темже буди с нами и никтоже на ны.

Слава, и ныне: Владычице Чистая, призри, Богородице, / виждь наших язв болезни, / и умилосердися, Пречистая, / и исцели совестное жжение, / Твоею милостию орошающи, / и вопиющи рабом Твоим: // Аз есмь с вами, и никтоже на вы.

Песнь 4

Ирмос: Христос моя сила, / Бог и Господь, честная Церковь / боголепно поет взывающи, // от смысла чиста о Господе празднующи.

Припев: Пресвятая Троице, Боже наш, слава Тебе.

Возвышай мысль, Единице Трисветлая, и душу и сердце Твоих певец скоро возведи, и сияния Твоего и светлости сподоби.

Припев: Пресвятая Троице, Боже наш, слава Тебе.

Претвори и преобрази от злобы мя всякия к добродетели, Едина неизображенная и неизменная Троице, и Твоими зарями просвети.

Слава: Помыслив прежде, мудре составил еси Ангелов чины, служительная Твоя благодати, Триипостасная Единице: с нимиже приими мою хвалу.

И ныне: Иже естеством несозданный Бог, присносущный созданное восприем человеческое естество, возобрази во Святей Твоей утробе, Богородице, Приснодево.

Песнь 5

Ирмос: Божиим светом Твоим, Блаже, / утренюющих Ти души любовию озари, молюся, / Тя ведети, Слове Божий, / Истинного Бога, // от мрака греховного взывающа.

Припев: Пресвятая Троице, Боже наш, слава Тебе.

Помышляюще естество богоначалное, промыслительное и спасительное всех сущее, Владыко, трисветлое же едино, к Тебе утренюем, прощения просяще грехопадений.

Припев: Пресвятая Троице, Боже наш, слава Тебе.

Отче Безначальный, Боже, и соприносущный Сыне, и Душе Святой, утверди единоначальная Троице, Твоя певцы, и от всякия напасти избави и скорби.

Слава: Управляй сияньми богодетельными, и ко благоугождению Твоего триипостаснаго Божества, Солнце Славы, наставляя мя присно, и Божественнаго Царствия сотвори причастника.

И ныне: Иже вся носяй и соблюдаяй Всесильною Твоею рукою, Слове Божий, неизменно сохрани и соблюди Тя славящих, молитвами рождшия Тя Богоматере.

Песнь 6

Ирмос: Житейское море, / воздвигаемое зря напастей бурей, / к тихому пристанищу Твоему притек, вопию Ти: / возведи от тли живот мой, / Многомилостиве.

Припев: Пресвятая Троице, Боже наш, слава Тебе.

Премудрость и разум, богоначалие трисветлое певцем Твоим даруй, и доброты лучами светоотдельныя Твоя благости осияватися всех сподоби (дважды).

Припев: Пресвятая Троице, Боже наш, слава Тебе.

Слава: Свете нераздельный по существу, Трисиянне, Вседержительне, Неприступне, сердца озари верно хвалящих державу Твою, и к Божественной любви впери.

И ныне: В Тя вселися, Приснодево, яже Содержитель и Господь всех, и Единому Трисиянному зраку Божества человеки поклоняются научи.

Господи, помилуй (трижды). Слава, и ныне.

Седален, глас 6

Отче и Сыне, со Духом Святым, / призри на ны, верую Тебе поклоняющияся, / и славящая державу Твою, Благоутробне, со огненными, / бреними, иного бо разве Тебе не вемы, / и возопий поющим Тя: // Аз есмь с вами, и никтоже на вы.

Слава, и ныне: Призри на ны, Всепетая Богородице, / возсияй, Просвещение сердцам омраченным, / и озари стадо Твое, Пречистая: / елико бо хочещи и можещи, / яко Мати сущи Зиждителя Твоего, / и возопий молящим Тя: // Аз есмь с вами, и никтоже на вы

Песнь 7

Ирмос: Росодательну убо / пещь содела Ангел / преподобным отроком: / Халдеи же оплающее / веление Божие, мучителя увеща вопити: // благословен еси, Боже отец наших.

Припев: Пресвятая Троице, Боже наш, слава Тебе.

Крепкую мне мысль устрой, Трисветлая начертаньми Единице, еже хранити и соблюдати Божественныя заповеди Твоя, и вегда пети Тебе верно: благословен еси, Боже отец наших.

Припев: Пресвятая Троице, Боже наш, слава Тебе.

Яко тождеством естества поемый неизреченно, Единственный Боже, лица же Троицы нося число, соблюди всех нас от различных искушений и обстояний.

Слава: Соестественна и соприисносущна славим, Единого Тя по существу Бога, свойства неслиянне ипостасными Троице, различное просто предлагающе, во зраце непременном яве.

И ныне: Бог пресущный прият, Пречистая, от чрева Твоего чистаго, ныне человеколюбизне сешение яве, и всех научи вопити: благословен еси, Боже отец наших.

Песнь 8

Ирмос: Из пламене преподобным росу источил еси, / и праведнаго жертву водою попалил еси, / вся бо твориши, Христе, токмо еже хотети: // Тя превозносим во вся веки.

Припев: Пресвятая Троице, Боже наш, слава Тебе.

Очищение прегрешений скоро подаждь ми, и страстей многообразных избавление, сообразная Троице, Единице Триипостасная: да Тя славлю во вся веки.

Припев: Пресвятая Троице, Боже наш, слава Тебе.

Волитель милости известован, яко Бог милостив, всех помилуй, Трисветлая Единице и Троице преблагая, славословящих Твое величество.

Слава: От света присносущаго Отца, света соприисносущна рождшася Слова, со Духом исходным светом, верою славим, и превозносим во вся веки.

И ныне: Врача человеком, Пречистая, родила еси Всесильнаго Слова, Христа Господа, прародительная язвы всех исцеляюща, превозносящих его во веки.

Песнь 9

Ирмос: Бога / человеком невозможно видети, / на Негоже не смеют чини Ангельстии взирати, / Тобою бо, Всечистая, явися человеком / Слово воплощенно: / Егоже величающе, / с Небесными вои // Тя ублажаем.

Припев: Пресвятая Троице, Боже наш, слава Тебе.

Зрети чинове Херувимстии, Владыко, доброты Твоя слава не могуще, крылы покрывающася, непрестанно Троичную песнь вопиют, Триипостасную Твоего богочаalia Единственнаго державу славяще.

Припев: Пресвятая Троице, Боже наш, слава Тебе.

Твоя сияния, Солнце Незаходимое, Твоих рабов подаждь сердцам: и просвети души, и избави от многих прегрешений, Едине Всемилоitive и Триипостасне: и нетленные Твоя жизни нас сподоби.

Слава: Еже Свет Единочестный и Ирисолнечный, и Светодельный, Божество сущее, озари верою Тя поющих, и от мрачного избави злодейства, и сподоби светлейших Твоих селений, яко Препоблагий.

И ныне: Премудре человека прежде созда Сын Твой, Дево, и истлевшаго обнови Тобою, Всепетая: и Божественнаго Света зари невечерния всех исполни, Тя, Богородицу истинную, верою славящих.

Глас 7

Песнь 1

Ирмос: Манием Твоим на земный образ преложися, прежде удоборазливаемое водное естество, Господи: темже немокренно пешествовав Израиль, поет Тебе песнь победную.

Припев: Пресвятая Троице, Боже наш, слава Тебе.

Отверзи ми уста умная сердца, и устне вещественныя ко хвале Твоей, Трисветлое Едино Божество всех, пети Тебе песнь, Светодетелю, благодарственную.

Припев: Пресвятая Троице, Боже наш, слава Тебе.

Да преизлишнее Твоя благодати покажеш, создала еси человека Троице безмерноносильная: токмо образ бренный Твоего начальнаго содетелю, Господства.

Слава: Ум безначальный, Слово соприносущное родивый, и Духа собезначальнаго просиявый, сподоби единому Богу по существу сообразну нас поклоняться Триипостасному.

И ныне: Явился еси при купине Моисею Божий Слове, яко огонь очистительный, не опаляя же отнюд, еже от Девы прообразуя Твое воплощение, имже человеки вообразил еси.

Песнь 3

Ирмос: В начале небеса, всеильным Словом Твоим утвердей, Господи Спасе, и вседетельным и Божиим Духом всю силу их: на недвижимем мя камени исповедания Твоего утверди.

Припев: Пресвятая Троице, Боже наш, слава Тебе.

Иже Единственнаго и Трисианнаго, и вседетельнаго Тя Владыку воспевающе, грехов и искушений просим избавления, безмерноносильный Боже: да не убо презриши, верою Твою благодать славящих.

Припев: Пресвятая Троице, Боже наш, слава Тебе.

Отрасль явися от Отца, яко от корене безначальна Бог Слово, и равномошен со срасленным и Божественным Духом: и сего ради вернии, троичное лица едино Господство славим.

Слава: Равнославно и сраслено, триипостасное естество нераздельне и раздельне, и единачальную Троицу вси Тя славословим вернии: и покланяющесе просим согрешений прощения.

И ныне: Неизменно человеком уподоблься по всему, Божий Слове, от Чистыя Отроковицы прошел еси яве: и всем показал еси Богоначалие Трисиянное, и единственное Существом неизменных Ипостасей.

Господи, помилуй (трижды).

Седален, глас 7

Согрешившыя помилуй, Троице Святая, рабы Твоя: и прими кающыя Тебе, Благоутробне, и прощения сподоби.

Слава, и ныне: Озобленные души наша грехми, ублажи, Всечистая Богородице, и избави от прегрешений Тебе поющыя Богоневесто.

Песнь 4

Ирмос: Отча недра не оставль, и сошед на землю, Христе Боже, тайну услышах смотрения Твоего, и прославих Тя, Едине Человеколюбче.

Припев: Пресвятая Троице, Боже наш, слава Тебе.

Содержительная Трисветлая Единице, Богоначальная и спасительная всех, Твоя певцы ныне огради, и спаси от скорби, и страстей, и всякаго озобления.

Припев: Пресвятая Троице, Боже наш, слава Тебе.

Назнаменательных речений, Твоего непостижимаго Трисветлаго Божества, недоумевающе воспевает Тя, Человеколюбче Господи, и прославляем Твою силу.

Слава: На земли яко на небесех со Безплотными лики, Единице и Троице, нераздельно Тя разделяем, и любовию славим, яко сущими всеми владычествующую.

И ныне: Отческия славы не отступль, к нашей худости снизшел еси волею, воплощься Пресущественный: и вознесл еси к Божественной славе, яко благоутробен.

Песнь 5

Ирмос: Ночь несветла неверным, Христе, верным же просвещение в сладости словес Твоих: сего ради к Тебе утренюю, и воспеваю Твое Божество.

Припев: Пресвятая Троице, Боже наш, слава Тебе.

Светоначалное Естество Троице начертаньми, и Единице в Совете и Славе и Чести, утверди нас в Твоей любви (дважды).

Слава: Ум, и Слово, и Дух, едино Богоначальное и трисолнечное естество славяще, просим избавитися искушений, и всяких скорбей.

И ныне: Вообразься Божий Слове, в естество человеческое, от Святыя Девы, Троицу во Единице научил еси пети, сообразну и сопрестольну.

Песнь 6

Ирмос: Плавающего в молве житейских попечений, с кораблем потопляема грехи, и душетленному зверю приметаема, яко Иона, Христе, вопию Ти: из смертоносных глубины возведи мя.

Припев: Пресвятая Троице, Боже наш, слава Тебе.

Единославную державу, и единоначальное богоначалие, трети ипостасьми сущее, непременно с друг другом славим, различие имущее токмо, бытием койждо свойства (дважды).

Слава: Умнии Тя чинове ангельских красот хвалят, трисолнечное Богоначалие: с нимиже и мы бранными усты, яко творительну всех, едину песнословим, и верно славим.

И ныне: Недоуменным словом, Слово рождшееся от Солнца Отца, ино солнце, прежде век, от Девы напоследок возсия: и единственнаго трети лица, недоумслимаго Бога проповеда.

Господи, помилуй (трижды). Слава, и ныне.

Седален, глас 7

Троице Единосуцная, Единице всех Триипостасная, помилуй, яже создала еси, Безсмертная: поपालющи злобы прегрешающих, и просвещающи сердца поющих благоутробие Твое, Боже наш, слава Тебе.

Слава, и ныне: Огня светлейши, света действеннейши милость благодати Твоя, Владычице, поपालющи грехи человеков, и орошающи мысли хвалящих величия Твоя, Богородице Пренепорочная.

Песнь 7

Ирмос: В пещь огненную ввержени преподобнии отроцы, огонь в росу преложиша, воспеванием сице вопиюще: благословен еси, Господи, Боже отец наших.

Припев: Пресвятая Троице, Боже наш, слава Тебе.

Светолучными блистаниями присно сияя, трисвете Боже, Единице неприступная и пресуцная спаси, иже в Тя, Владыко, верующия благочестно, и покланяющияся Тебе.

Припев: Пресвятая Троице, Боже наш, слава Тебе.

Речением Божественных пророк повинующеся, единаго тя точию Бога всех славим в трех начертаниях, сице вопиюще: благословен еси, Господи, Боже отец наших.

Слава: Перстными устнами мы с невестественными чинми, песньми Троице Святая, Тя поем во единстве существа, вопиюще: благословен еси, Господи, Боже Отец наших.

И ныне: Да иже создавый Адама, возсозиждет паки, Всечистая, из Тебе яже вочеловечися, человеки обожив сице вопиущия: благословен, Пречистая, плод Твоего чрева.

Песнь 8

Ирмос: Неопальная огню в Синаи причащающаяся купина, Бога яви медленозычному и гугнивому Моисеови, и отроки ревность Божия три непреборимыя во огни певцы показа: вся дела Господня Господа пойте, и превозносите во вся веки.

Припев: Пресвятая Троице, Боже наш, слава Тебе.

Солнца лучами трисияннаго озаритися светодетельными сподоби, сердцам певцев Твоих: и ныне зрети доброту Твою Троице, Единице, яко мощно даруй всегда, всем верою подобною, Твое величие песнословающим во вся веки.

Припев: Пресвятая Троице, Боже наш, слава Тебе.

Держиши всяческая, троичное и единственное Господоначание безначальное, и управляеши небо и землю. Темже мя любовию Твоею привлекаима присно, сохрани пети Тебе: вся дела Господня Господа пойте, и превозносите во вся веки.

Благословим Отца и Сына и Святаго Духа, Господа: Храм мя Твоя трисветныя сотвори зари, Благодетелю Человеколюбче: и причастия и приобщения неприступна врагом невидимым, и плотским страstem, Владыко, покажи, единачальный Боже мой и Господи славы, песнословити Тя во вся веки.

И ныне: Свет Богоначальный от чрева Твоего возсиявый, Богомати Пречистая, весь мир трисолнечным светом озари, и землю якоже другое небо показа, поющу: вся дела Господня Господа пойте, и превозносите во вся веки.

Песнь 9

Ирмос: Мати Божия и Дева, рождающая и девствующая паки, не естества дело, но Божия снизхождения: тем яко Едину Божиих чудес сподобльшуюся, Тя присно величаем.

Припев: Пресвятая Троице, Боже наш, слава Тебе.

Высокословити и пети Тя достойно, Егоже в вышних непрестанно Серафими воспевают, не возмогаем брени: обаче яко Владыку всех дерзающе, и человеколюбнейшаго Бога величаем.

Припев: Пресвятая Троице, Боже наш, слава Тебе.

Телесныя болезни избави, и душевнаго пристрастия певцы Твоя, единственная Троице нераздельная, и сохранитися неврежденным от всех житейских искушений сподоби.

Слава: Равносильная, Богоначальная, Трисветная, Всесильная Державо, неизменная Доброто существенныя Благодати, даждь прегрешений разрешение Твоим рабом, и искушений, и страстей избави.

И ныне: Ум и душу, и плотское смешение прием, Богородице, от Твоих ложесн пречистых, Бог Слово поистинне человек явися: и Божественнаго существа общника человека яве показал есть.

Глас 8 Песнь 1

Ирмос: Колесницегонителя фараона погрузи, чудотворяй иногда моисейский жезл, крестообразно поразив, и разделив море: Израиля же беглеца пешеходца спасе, песнь Богови воспевающа.

Припев: Пресвятая Троице, Боже наш, слава Тебе.

Трисолнечному Царю, и Строителю, и Промыслителю всяческих, и Благому Единому, Естественне Сущему, и Единственную имущему Божества славу, Богу Единоначальному припадаем, песнь Трисвятую поюще.

Припев: Пресвятая Троице, Боже наш, слава Тебе.

Речения Божественная, и пророчества яже свыше помняще яве, Богоначалное Естество Единственное славим, Присносущное, Собезначальное, в Трех Лицах, Отце, и Сыне, и Дусе, Содетельное, Всесильное.

Слава: Священнотаинник Авраам быв, священнообразно древле, Творца всех и Бога и Господа, в Трех убо Ипостасех прият радуясь, и Трех Ипостасей державу единственную позна.

И ныне: Неискусобратно Христа родила еси, Еже по нам, нас ради восприемша естество Пречистая, и Непреложна по обою пребывша. Егоже моли непрестанно, грехов ми даровати и искушений избавление.

Песнь 3

Ирмос: Утвердей в начале небеса разумом, и землю на водах основавый, на камени мя Христе заповедей Твоих утверди, яко несть свят паче Тебе, Едине Человеколюбче.

Припев: Пресвятая Троице, Боже наш, слава Тебе.

Тебе Непреступнаго Бога и Царя славы на престоле Исаиа виде висоце, и херувимы и серафимы славящия непрестанными песньми, Единственного Триипостаснаго.

Припев: Пресвятая Троице, Боже наш, слава Тебе.

Единаго от Отца яко от ума рожденнаго Слова, и Духа происходяща неизглаголанно, по коемуждо помышлении, и книжными учении постигше, Единаго Бога Трисолнечнаго почитаем.

Слава: Иже сый Нерожденный Отец, и Своего Существа сияние родив нетленно Сына, Свет от Света: исходне предлагает срасленный Свет Духа, Вседетельна, и Единочестна.

И ныне: Храм явилася еси чист, Дево Мати Марие, вся всесильно и премудро составльшему Христу, и в чине положшему и носящему: Егоже Милостива ми сотвори Матерними Твоими молитвами.

Господи помилуй (трижды).

Седален, глас 8

Трисолнечнаго и Честнаго Богоначалия силу вернии ныне восхвалим, яко манием токмо вся составил вышня лико стояния ангельская, и нижняя священноначалия церковная, еже взывати: Свят, Свят, Свят еси Боже Преплагий: слава и пение державе Твоей.

Слава, и ныне: Яже Непременнаго Бога породшая, прменяемое присно сердце мое грехом и леностию, прилогми льстиваго, утверди Благая молитвами Матерними Твоими: яко да и аз благодарно славлю Тя Богородительнице Марие, помилуй стадо Твое, еже стяжала еси, Всенепорочная.

Песнь 4

Ирмос: Мы моя крепость Господи, Ты моя и сила, Ты мой Бог, Ты мое радование, не оставль недра Отча, и нашу нищету посетив. Тем с пророком Аввакумом зову Ти: силе Твоей слава Человеколюбче.

Припев: Пресвятая Троице, Боже наш, слава Тебе.

Восток явльшиися Божества сущым во тьме, всю разгна несветлую ночь страстей: и правды Солнце возсия, просто убо по Существо, Трисянно же Лицы: Еже поем присно, и славим.

Припев: Пресвятая Троице, Боже наш, слава Тебе.

Серафимскими усты воспеваемаго, бренными устнами славим Единственнаго, и Троичнаго Господа славы, Естеством и Ипостасьми, вопиюще: О Всецарю, Твоим рабом подаждь различных прегрешений прощение!

Слава: Содержительная всех сущих, Невидимая, Всещедрая, Благоутробная, Человеколюбивая Троице Честная, и Богоначальная, не забуди мене Твоего раба в конец: ниже разори иже завещал еси Твоим рабом завет, за неизреченную милость.

И ныне: Красную Тя Всечистая, Едину обрет от века доброту Иаковлю, Пребезначальное Слово, и вселися в Тя благоутробия ради, обнови человеческое естество: Егоже моли непрестанно, от всякия мне избавитися скорби.

Песнь 5

Ирмос: Вскую мя отринул еси от лица Твоего Свете незаходимый, и покрыла мя есть чуждая тьма окаяннаго: но обрати мя, и к свету заповедей Твоих пути моя направи, молюся.

Припев: Пресвятая Троице, Боже наш, слава Тебе.

Соприсносушная Три Лица славим, Единаго же Господа, Тя Божественное Естество, разделяюще просто, и совокупляюще, и верно вопием: Богоначальная Троице Святая, Твоя рабы от скорби избави.

Припев: Пресвятая Троице, Боже наш, слава Тебе.

Рыдаю зельне за немощь мысли моя, како не хотя стражду невольное воистинну изменение; сего ради зову: Живоначальная Троице Святая, добрых в стоянии мя учини.

Слава: Дреманием отягчена мя греховным, и пореваема в сон смертный, яко Человеколюбивая и Преблагая, и Всемиловитая, Богоначальная Троице Святая, ущедри и возстави мя.

И ныне: Мати Дево Отроковице, Пречистая, Всенепорочная, Богоблагодатная, Твоими молитвами Сына и Бога Твоего и Господа милостива сотвори мне: и страстей, и прегрешений Твоего раба избави вскоре.

Песнь 6

Ирмос: Очисти мя Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Припев: Пресвятая Троице, Боже наш, слава Тебе.

Небесных умов чиноначалия подражающе, Единоначальная всех Троице Пресущественная, Трисвятыми песньми Тя славословим, бренными нашими усты.

Припев: Пресвятая Троице, Боже наш, слава Тебе.

Иже по образу Твоему человека создавшему, и от не сущих все премудро составльшему, Богу Триипостасному покланяюся, и чту, и пою, и величаю Тя.

Слава: Вседержителю Боже, и Едине Неопределенный, вселися в мя за неизреченную милость, Трисолнечный Владыко: и озари мя, и вразуми, яко Благоутробен.

И ныне: Храм явилася еси Бога Невместимаго Пречистая, храм и мене Того покажи, Божественная благодати Пресвятая Владычице, Твоими мольбами, и соблюди невредима.

Господи помилуй (трижды). Слава, и ныне.

Седален, глас 8

Отца Безначальна вернии, Сына Собезначальна, и Духа Божественного воистинну песнословим, Неслиянне, Непревратне и Неизменне, Троицу Просту, и Святу, и Сраслену, вопиюще со ангелы: Свят еси Отче, Сыне, со Духом Пресвятым и Честным. Помилуй, яже создал еси по образу Твоему, Владыко.

Слава, и ныне: Благодарим Тя присно Богородице, и величаем Чистая, и покланяемся, воспевающе рождество Твое Благодатная, вопиюще непрестанно: спаси нас Дево Премилостивая, яко Благая в час испытания, да не посрамлени будем раби Твои.

Песнь 7

Ирмос: Божия низхождения огонь устыдеса в Вавилоне иногда, сего ради отроцы в печи радованною ногою, яко во цветнице ликующе пояху: благословен еси Боже отец наших.

Припев: Пресвятая Троице, Боже наш, слава Тебе.

Премудростию неизглаголанною Твоею, и пучиною благостыни, туне Твоего раба помилованна покажи мя: и ныне, якоже древле, избави озлобления, Троице Единице Боже, грехов и страстей (дважды).

Слава: Ум Нерожденный Отец, и Слово рождшееся от Него, и Дух Божественный, непостижне Исходен сый, Боже Единоначальне, Трисолнечне, пою Тебе: благословен Бог Отец наших.

И ныне: Умерщвлен бых Пречистая, греховным ядом напоен, и притекаю к Тебе верою, рождшей Начальника живота: Твоими молитвами раба Твоего оживи, и искушений и страстей избави, Едина Чистая.

Песнь 8

Ирмос: Седмерицею пещь халдейский мучитель богочестивым неистовно разжже, силою же лучшею спасены сия виде, Творцу и Избавителю вопияше: отроцы благословите, священницы воспойте, людие превозносите во вся веки.

Припев: Пресвятая Троице, Боже наш, слава Тебе.

Свет сый Незаходим, Трисянен и Трисолнечный и Единоначalen, Самодержавен, Простейший, Бог Непостижимый, и Самодержавен Господь, ныне темное и омраченное мое сердце озари: и покажи светозарно и светоносно пети Тя, и славити во вся веки.

Припев: Пресвятая Троице, Боже наш, слава Тебе.

Священнейшими крылы, серафими Божественнейшии, лица и ноги благоговейно покрывают, славы не терпяще непостижимыя доброты Твоя, Благоначальная, Богоначальная, Единоначальная Троице Пресвятая: обаче и мы воспевати Тя дерзаем, и славити верно во веки.

Слава: Господоначалие Безначальное, Всесильную и Преплагу, Совершенноначальну, Благодейственну, Неопредельну, Вину Невиновну, Творительну, Присносущну, Промыслительну и спасительную всем Единицу по Существо, и Троицу Лицы, славлю Тя Боже мой, верно во веки.

И ныне: На земли возсия Невечернее Солнце, рождеством Еже из Тебе девственным, Пречистая Владычице, и человеки избави от идольскаго помраченнаго мрака. Темже и ныне мя паче Того Богоначалия озари лучами, и соблюди Твоего раба.

Песнь 9

Ирмос: Ужасеся о сем небо, и земли удивишася концы, яко Бог явися человеком плотски, и чрево Твое бысть пространнейшее небес. Тем Тя Богородицу, ангелов и человек чиноначалия величают.

Припев: Пресвятая Троице, Боже наш, слава Тебе.

Иже всеми царствующее, и Вседетельное Преначальное Естество, Вышшелетную, Живоначальную, Благоутробну, Человеколюбивую, Благу, Единоначальную Троицу Тя ныне славословяще, грехов прощения просим, мирови мира, и церквам единомыслия (дважды).

Слава: Едино Господство и Трисиянное, Единственное Богоначалие Трисолнечное, певцы прими Твоя боголепно, и прегрешений избави, и искушений и лютых: и вскоре мир подаждь человеколюбно, и церквам соединение.

И ныне: Во утробу Христе Спасе мой, Девическую вселься, явился еси миру Твоему Богомужно, Непревертен, Неслиянен воистинну: и обещал еси всегда с Твоими рабы быти яве. Темже Тебе рождшия молитвами, мир всему стаду Твоему устрой.

По окончании канона хор поет припевы Григория Синаита на глас канона:

Достойно есть яко воистинну, / славити Тя Бога Слова, / Егоже трепещут и трясутся Херувими, / и славословят Силы Небесныя, / воскресшаго тридневно из гроба / Христа Жизнодавца, страхом прославим.

Воспоим вси боголепно песньми Божественными, / Отца, и Сына, и Духа Божественнаго, / Триипостасную Державу, едино Царство и Господство.

Юже поют вси земнороднии, / и славословят Силы Небесныя, / от всех верно поклоняемую, / Единицу по существу, Триипостасную.

Господоначальную Херувим / и Богоначальную без сравнения Серафим, / нераздельную Троицу во Единице, / сущее Богоначалие, Тя величаем.

Отцу Безначальному и Богу, / Собезначальному Слову со Духом поклоняюся: / неразлучное едино соединяемое Существо, / тричисленную Единицу песньми почтим.

Лучезарная Твоя молния возсияй ми, / Боже мой, Триипостасне Вседетелю, / и дом мя покажи Твоя неприступныя славы, / светел и светоносен и неизменен.

Егоже трепещут и трясутся Херувими, / и славословят Ангельская Воинства, / от Девы неизреченно воплощагося / Христа Жизнодавца, страхом прославим.

Ч: Трисвятое по Отче наш.

С: Молитвами святых отец наших...

Ч: Аминь. Далее читается ипакои соответствующего гласа¹⁸.

Глас 1

Разбойничю покаяние рай ограде, / плачь же мироносиц радость возвести, / яко воскресл еси, Христе Боже, / подаяй миру велию милость.

Глас 2

По страсти шедша во гроб жены, / во еже помазати тело Твое, Христе Боже, / видеша Ангелы во гробе, и ужасошася: / глас бо слышаху от них, яко воскресе Господь, / даруя миру велию милость.

Глас 3

Удивляя видением, / орошая глаголании, / блистайся Ангел мироносицам глаголаше: / что живаго ищите во гробе; / воста истощивый гробы. / Тли Пременителя

¹⁸ Ипакои может петься хором.

разумейте Непременнаго. / Рцыте Богови: коль страшна дела Твоя, / яко род спасл еси человеческий.

Глас 4

Яже Твоего преславнаго востания, предтекша мироносицы, / апостолом проповедаху Христе, / яко воскресл еси яко Бог, / подая мирови велию милость.

Глас 5

Ангельским зраком ум смущающа, / и Божественным востанием душою просвещаемы, / мироносицы апостолом благовествоваху: / возвестите во языцех Воскресение, / Господу содействующу чудесы, / подающему нам велию милость.

Глас 6

Вольною и животворящею Твоею смертию, Христе, / врата ада сокрушив, яко Бог, / отверзл еси нам древний рай, и воскрес из мертвых, / избавил еси от тления живот наш.

Глас 7

Иже наш зрак восприемый, / и претерпевый Крест плотски, / спаси мя воскресением Твоим Христе Боже, / яко человеколюбец.

Глас 8

Мироносицы Жизнодавца предстояща гробу, / Владыку искаху в мертвых, Безсмертнаго, / и радость благовещения от Ангела приемша, апостолом возвещаху: / яко воскрес Христос Бог, / подаяй мирови велию милость.

Ч: Господи, помилуй (40 раз). Слава, и ныне. Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем.

Господи, благослови.

С: Молитвами святых отец наших...

Ч: Аминь.

Молитва Пресвятой Троице монаха Марка

Всемогущая и Животворящая Святая Троице и светоначальная, яже мирную всякую и премирную тварь, за едину благость от не сущих приведый, и промышляя и соержа. Иже по прочих Твоих неизреченных о земном роде благодеяниях, и покаяние нам ради плотскаго неможения до смерти даровавый: не остави нас окаянных в лукавых наших деяниях умрети, ниже злоначальнику и завистцу, и губителю посмешство быти. Зриши бо Благосерде, елик убо онаго на нас навет и вражда, елико же и наше страствование, и слабость, и небрежение. Но неоскудныя Твоя благости соделай на нас, молим на всякий день и час прогневающии Тя честных и животворных заповедей преступлением. И вся убо всего прешедшаго живота нашего, и до нынешняго часа согрешенная нами, в деяниях, или глаголаниих, или в помышлениях, остави и прости. Сподоби же нас, прочее скончати житие в покаянии, и умилении, и соблюдении святых

Твоих повелений. Аще убо сладостию прельстившися, многообразне согрешихом, или мерзкими похотьми бесполезными и вредными обольстившися препроводихом: аще гневом и яростию подвигшися безсловесною, кого брата нашего оскорбихом, аще языком неизбежных и стропотных и крепких сетей обьяхомся: аще коим чувств наших, или всеми, волею или неволею, ведуще или не ведуще, от восхищения, или поучения безумно поползохомся: аще же лукавыми помыслы и суетными совесть осквернихом: аще ли коим другим образом прегрешихом, от предприятия и обычая томими злаго: прости нам, и остави вся Всещедре, Преблаже и Многомилостиве: и даруй нам прочее бодрость и силу, во еже творити волю Твою благу, и благоугодну и совершенну: да ношнаго и мрачнаго зла, световидным покаянием пременшися, и яко во дни благообразно ходяще, и очищени обьявимся человеколюбию Твоему недостойнии, воспевающе Тя и величающе во веки. Аминь.

Х: Слава, и ныне. Господи, помилуй (трижды). Господи, благослови.

С. творит отпуст лицом к народу: Воскресый из мертвых, Господи, Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец.

Утреннее правило

С: Молитвами святых Отец наших...

Ч: Аминь. Слава Тебе, Боже наш, слава Тебе.

Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч (если есть возможность, тропари поет хор): тропари Троичные, глас 1

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

И ныне: Внезапно Судия приидет, и коегождо деяния обнажатся, но страхом зовем в полунощи: Свят, Свят, Свят еси, Боже, Богородицею помилуй нас.

Ч: Господи, помилуй (12 раз).

От сна востав, благодарю Тя, Святая Троице, яко многия ради Твоея благодати и долготерпения не прогневался еси на мя, лениваго и грешнаго, ниже погубил мя еси со беззаконными моими; но человеколюбствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленная, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердечнем, и воспевати всесвятое имя Твое, Отца и Сына и Святаго Духа, ныне и присно и во веки веков. Аминь.

Приидите, поклонимся... (трижды)

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоя явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Символ веры

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и славима, глаголаваго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Молитва первая, святого Макария Великого

Боже, очисти мя грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

Молитва вторая, этого же святого

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лености ускорив возстави, и спаси мя в предстоянии и молитве, и по сне нощем возсияй ми день безгрешен, Христе Боже, и спаси мя.

Молитва третья, этого же святого

К Тебе, Владыко Человеколюбче, от сна востав прибегаю, и на дела Твоя подвигаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

Молитва четвертая, этого же святого

Господи, Иже многою Твоею благодатию и великими щедротами Твоими дал еси мне, рабу Твоему, мимошедшее время ночи сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

Молитва пятая, святителя Василия Великого

Господи Вседержителю, Боже сил и всякия плоти, в вышних живый и на смиренныя призираый, сердца же и утробы испытуый и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех придет, комуждо отдати по делом его; да не падше и обленившися, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещающий и освящающий всяческая, и Тя поет вся тварь во веки веков. Аминь.

Молитва шестая, этого же святого

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконьми нашими, но человеколюбствовал еси обычно, и в нечаянии лежащая ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно и во веки веков. Аминь.

Молитва седьмая Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепи, уныния сон отгоняющи. Связана пленицами грехопадений, мольбами Твоими разреши,

Богоневесто. В нощи мя и во дни сохраняй, борющихся враг избавляющи мя. Жизнодателя Бога рождающая, умерщвлена мя страстьми оживи. Яже Свет невечерний рождающая, душу мою ослепшую просвети. О дивная Владычня палато, дом Духа Божественна мене сотвори. Врача рождающая, уврачуи души моя многолетныя страсти. Волнующася житейскою бурей, ко стези мя покаяния направи. Избави мя огня вечнующаго, и червья же злаго, и тартара. Да мя не явиши бесом радование, иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми уллучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моя скверну очищающи. Стенания от сердца приношу Ти непрестанно, усердствуй, Владычице. Молебную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляющи; Ему же честь и поклонение подобает, ныне и присно и во веки веков. Аминь.

Молитва восьмая ко Господу нашему Иисусу Христу

Многомилостиве и Всемилостиве Боже мой, Господи Иисусе Христе, многия ради любве сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать, и дар, но долг паче. Ей, многий в щедротах и неизреченный в милости! Веруяй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел отнюд оправдающих мя. Но та вера моя да довлеет вместо всех, та да отвещает, та да оправдит мя, та да покажет мя причастника славы Твоя вечныя. Да не убо похитит мя сатана, и похвалится, Слове, еже отторгнути мя от Твоей руки и ограда; но или хочу, спаси мя, или не хочу, Христе Спасе мой, предвари скоро, скоро погибох: Ты бо еси Бог мой от чрева матере моя. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лености тощно, якоже поработах прежде сатане льстивому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно и во веки веков. Аминь.

Молитва девятая к Ангелу-Хранителю

Святый Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе; укрепи бедствующую и худую мою руку и настави мя на путь спасения. Ей, святой Ангеле Божий, хранителю и покровителю окаянных моя души и тела, вся мне прости, еликими тя оскорбих во вся дни живота моего, и аще что согреших в прешедшую ночь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем, и достойна покажет мя раба Своя благости. Аминь.

Молитва десятая к Пресвятой Богородице

Пресвятая Владычице моя Богородице, святыми Твоими и всесильными мольбами отжени от мене, смиренного и окаянного раба Твоего, уныние, забвение, неразумие, нерадение, и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословена еси от всех родов, и славится пречестное имя Твое во веки веков. Аминь.

Х: Общая молитва всем святым, глас 8

Молите Бога о нас, святии угодницы Божии **(имена)**, / яко мы усердно к вам прибегаем, // скорым помощникам и молитвенникам о душах наших.

Или, если не называешь имена святых, читай так сию молитву, глас тойже:

Молите Бога о нас, вси святии, / яко мы усердно к вам прибегаем, // скорым помощникам и молитвенникам о душах наших

Песнь Пресвятой Богородице, глас 4

Богородице Дево, радуйся, / Благодатная Марие, Господь с Тобою; / благословенна Ты в женах / и благословен плод чрева Твоего, // яко Спаса родила еси душ наших.

Тропарь Кресту, глас 1

Спаси, Господи, люди Твоя, / и благослови достояние Твое, / победы православным христианом на сопротивных даруя, // и Твое сохраняя Крестом Твоим жительство.

Здесь, если не совершается Чин обедницы, читается дневное апостольское и евангельское чтение. Чтец возглашает с хором прокимен, как и на Литургии, и на Чине обедницы, затем сразу называет чтение апостольского послания и читает его. После прочтения – сразу Аллилуарий Старший слова «Премудрость», «Вонмем» и «Мир ти, чтущему» не произносит. Если совершается Утреннее правило в будние дни Великого поста, то здесь могут читаться паремии, положенные в этот день

С. читает молитвы за живых и усопших:

Спаси, Господи, и помилуй рабов Твоих, **(имена)** и всех православных христиан.

Упокой, Господи, души усопших раб Твоих: **(имена)** и всех православных христиан, и прости им вся согрешения вольная и невольная, и даруй им Царствие Небесное.

Если возможно или не совершается Чин обедницы, Старший читает полный помянник о живых и усопших:

Помяни, Господи Иисусе Христе, Боже наш, милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираеши на смиренныя мольбы всем сердцем

призывающих Тя: приклони ухо Твое, и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и разшири, умножи, умири, и непреобориму адовыми враты во веки сохрани; раздираная Церквей утиши, шатания языческа угаси, и ересей востания скоро разори и искорени, и в ничтоже силою Святаго Твоего Духа обрати.

Х: Господи, помилуй (трижды)

Спаси, Господи, и помилуй Богом хранимую страну нашу, власти и воинство ея, огради миром державу их, и покори под нозе Православных всякаго врага и супостата, и глаголи мирная и благая в сердцах их о Церкви Твоей Святей, и о всех людех Твоих: да тихое и безмолвное житие поживем во правоверии, и во всяком благочестии и чистоте.

Х: Господи, помилуй (трижды)

Спаси, Господи, и помилуй Великаго Господина и Отца нашего Святейшего Патриарха Кирилла, и Господина нашего, Высокопресвященнейшего митрополита **(имя)** (или архиепископа **(имя)**, или Преосвященнейшего епископа **(имя)**), Преосвященныя митрополиты, архиепископы и епископы православныя, иереи же и диаконы, и весь причет церковный, яже поставил еси пасти словесное Твое стадо, и молитвами их помилуй и спаси нас, грешных.

Х: Господи, помилуй (трижды)

Спаси, Господи, и помилуй рабов Твоих, братию и сестры, и сродники наши по плоти, и вся ближняя рода нашего, и други, и даруй им мирная Твоя и премирная благая.

Х: Господи, помилуй (трижды)

Спаси, Господи, и помилуй по множеству щедрот Твоих вся священноиноки, иноки же и инокини, и вся в девстве же и благоговении и постничестве живущия в монастырех, в пустынях, в пещерах, горах, столпех, затворех, раселинах каменных, островех же морских, и на всяком месте владычества Твоего правоверно живущия, и благочестно служащия Ти, и молящияся Тебе: облегчи им тяготу, и утеши их скорбь, и к подвигу о Тебе силу и крепость им подаждь, и молитвами их даруй ми оставление грехов.

Х: Господи, помилуй (трижды)

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедах же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни их, посети, укрепи, утеши, и вскоре силою Твоею ослабу, свободу и избаву им подаждь.

Х: Господи, помилуй (трижды)

Спаси, Господи, и помилуй благотворящия нам, милующия и питающия нас, давшая нам милостыни, и заповедавшая нам недостойным молиться о них, и

упокоевающия нас, и сотвори милость Твою с ними, даруя им вся, яже ко спасению прошения, и вечных благ восприятие.

Х: Господи, помилуй (трижды)

Спаси, Господи, и помилуй посланная в службу, путешествующия, отцы и братию нашу, и вся православныя христианы.

Х: Господи, помилуй (трижды)

Спаси, Господи, и помилуй ихже мы безумием своим соблазних, и от пути спасительнаго отвратих, к делом злым и неподобным приведох; Божественным Твоим Промыслом к пути спасения паки возврати.

Х: Господи, помилуй (трижды)

Спаси, Господи, и помилуй ненавидящия и обидящия нас, и творящия нам напасти, и не остави их погибнути нас ради, грешных.

Х: Господи, помилуй (трижды)

Отступившия от православныя веры и погибельными ересьми ослепленныя, светом Твоего познания просвети и Святей Твоей Апостольстей Соборней Церкви причти.

Х: Господи, помилуй (трижды)

С. читает молитву о живых, где поминает всех, кого хочет:

Спаси, Господи, и помилуй рабов Твоих, (имена) и всех православных христиан.

Х: Аминь.

Помяни, Господи, от жития сего отшедшия правоверныя цари и царицы, благоверныя князи и княгини, святейшия патриархи, преосвященныя митрополиты, архиепископы и епископы православныя, во иерейстем же и в причте церковнем, и монашестем чине Тебе послужившия, и в вечных Твоих селениях со святыми упокой.

Х: Господи, помилуй (трижды)

Помяни, Господи, души усопших рабов Твоих, всех от века усопших православных христиан, прости их вся согрешения вольная и невольная, даруя им Царствие и причастие вечных Твоих благих и Твоя безконечныя и блаженныя жизни наслаждение.

Х: Господи, помилуй (трижды)

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и zde лежащия и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец.

Х: Господи, помилуй (трижды)

Подаждь, Господи, оставление грехов всем прежде отшедшим в вере и надежди воскресения, отцем, братьям и сестрам нашим и сотвори им вечную память.

Х: Господи, помилуй (трижды). Господи, Иисусе Христе, Сыне Божий, помилуй нас грешных.

С. читает молитву: Боже духов и всякия плоти, смерть поправый и диавола упразднивый, и живот миру Твоему даровавый! Сам Господи, упокой души усопших рабов Твоих (*имена*), в месте светле, в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное ими, словом, или делом, или помышлением, яко Благий Человеколюбец Бог прости, яко несть человек, иже жив будет и не согрешит, Ты бо един, кроме греха, правда Твоя правда во веки, и слово Твое истина. Яко Ты еси воскресение, жизнь и покой души усопших раб Твоих (*имена*), Христе Боже наш, и Тебе славу возсылаем, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков.

Х: Аминь.

Во время поминовения каждый может в себе молиться за всех, кого вспомнят, о здравии и о упокоении.

Если совершаем Утреннее правило во дни Поста («аще есть Аллилуиа»), то здесь Старший читает молитву преподобного Ефрема Сирина:

Господи и Владыко живота моего, дух праздности, уныния, любоначала и празднословия не даждь ми. (*Земной поклон*).

Дух же целомудрия, смиренномудрия, терпения и любви, даруй ми рабу Твоему. (*Земной поклон*).

Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. Аминь. (*Земной поклон*).

Затем все делают двенадцать поясных поклона, Старший вслух во время поклонов читает молитву: Боже, очисти мя грешнаго.

Затем Старший читает молитву полностью:

Господи и Владыко живота моего, дух праздности, уныния, любоначала и празднословия не даждь ми. Дух же целомудрия, смиренномудрия, терпения и любви, даруй ми рабу Твоему. Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. (*Земной поклон*).

Х: Аминь.

Если совершается Утреннее правило не в дни поста, то хор сразу поет следующую молитву:

Достойно есть яко воистину / блажити Тя Богородицу, / Присноблаженную и Пренепорочную / и Матерь Бога нашего. / Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу Тя величаем¹⁹.

¹⁹ Здесь вместо «Достойно есть» может петься Задостойник двенадцатого праздника или Светлого Христова Воскресения.

Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи, Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец²⁰.

Х: Аминь. Господи, помилуй (трижды).

Утренняя

С.: Молитвами святых Отец наших...²¹

Ч: Аминь. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды)

Здесь Старший, во время чтения чтением псалмов, совершает каждение всего храма

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему, и весь совет твой исполнит. Возрадуемся о спасении твоем и во имя Господа Бога нашего возвеличимся; исполнит Господь вся прошения твоя. Ныне познах, яко спасе Господь христа Своего, услышит его с небесе святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовем. Тии спяти быша и падоша, мы же востяхом и исправихомся. Господи, спаси царя и услыши ны, воньже аще день призовем Тя.

Псалом 20

Господи, силою Твоею возвеселится царь, и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостию с лицом Твоим. Яко царь уповае на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятет я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех

²⁰ В некоторых общинах есть традиция малый отпуст заменять дневным или праздничным.

²¹ После этого возгласа хору дозволяется спеть «Аминь», а чтец или Старший сразу начинает читать Шестопсалмие, опуская обычное начало, двупсалмие и тропари (что вполне соотносится с литургической традицией).

Твоих уготовиши лице их. Вознесися, Господи, силою Твоею, воспоем и поем силы Твоя.

Слава, и ныне.

Трисвятое. Пресвятая Троице. Отче наш.

С: Молитвами святых Отец наших...

Х (или Чтец): Аминь. **Тропарь, глас 1:**

Спаси, Господи, люди Твоя, / и благослови достояние Твое, / победы православным христианом на сопротивных даруя, // и Твое сохраняя Крестом Твоим жительство.

Слава, глас 4: Вознесыйся на Крест волею, / тезоименитому Твоему новому жительству щедроты Твоя даруй, Христе Боже. / Возвесели нас силою Твоею, / победы дая нам на сопостаты, // пособие имущим Твое оружие мира, непобедимую победу.

И ныне, глас тойже: Предстательство страшное и непостыдное, / не презри, Благая, молитв наших, Всепетая Богородице, / утверди православных жительство, / спаси православных христиан, / и подаждь им с небесе победу, / зане родила еси Бога, // Едина Благословенная.

Х: Господи, помилуй (12 раз). Господи, благослови.

С: Молитвами святых Отец наших...

Х: Аминь.

Ч (или Старший²²): читается **Шестопсалмие²³**

Слава в вышних Богу, и на земли мир, в человецех благоволение (трижды).

Господи, устне мои отверзеши, и уста моя возвестят хвалу Твою (дважды).

Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой есё, слава моя и возносяй главу мою. Гласом моим ко Господу воззвах, и услыша мя от горы святыя Своя. Аз уснух и спях, востах, яко Господь заступит мя. Не убоюся от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующия ми всуе: зубы грешников сокрушил еси. Господне есть спасение, и на людех Твоих благословение Твое.

Аз уснух и спях, востах, яко Господь заступит мя.

Псалом 37

²² Если придерживаться того обычая, что на Утрени Шестопсалмие читается Предстоятелем (то есть, служащим священником), то вполне корректно будет чтение этих избранных псалмов Старшим на мирском богослужении.

²³ Ради благоговения, крестное знамение и поясной поклон на Шестопсалмии не полагается (крестное знамение и поклон можно класть только на «Славе» после 142 псалма).

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое, и въздыхание мое от Тебе не утаися. Сердце мое смятеся, остави мя сила моя, и свет очию моею, и той несть со мною. Друзи мои и искреннии мои прямо мне приближишася и сташа, и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах, и яко нем не отверзаяй уст своих. И бых яко человек не слышай, и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу, и попекуся о гресе моем. Врази же мои живут и укрепилшася паче мене, и умножилшася ненавидящии мя без правды. Воздающии ми злая воз благая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пуге и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалят Тя. Тако благословлю Тя в животе моем, о имени Твоем воздежу руце мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же всуе искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся им, яко заградишася уста глаголющих неправедная.

На утренних поучахся в Тя, яко был еси помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне. Аллилуия, Аллилуия, Аллилуия, слава Тебе, Боже (трижды). Господи помилуй (трижды). Слава, и ныне.

Псалом 87

Господи Боже спасения моего, во дни възвах, и в нощи пред Тобою. Да внидет пред Тя молитва моя: приклони ухо Твое к молению моему; Яко исполнися зол душа моя, и живот мой аду приближися. Привменен бых с нисходящими в ров, бых яко человек без помощи; в мертвых Свободь, яко язвеннии спящии во гробе, ихже не помянул еси ктому, и тии от руки Твоя отриновени быша. Положиша мя в ров

преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, воззвах к Тебе, Господи, весь день, воздох к Тебе рuce мои. Еда мертвыми твориши чудеса, или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тме чудеса Твоя, и правда Твоя в земли забвенней? И аз к Тебе, Господи, воззвах, и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудах от юности моя; вознес же ся, смирихся, и изнемогах. На мне преидоша гневи Твои, устрашения Твоя возмутиша мя; Обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах и в ноци пред Тобою. Да внидет пред Тя молитва моя, приклони ухо Твое к молению моему.

Псалом 102

Благослови душе моя Господа, и вся внутренняя моя имя святое Его. Благослови душе моя Господа, и не забывай всех воздаяний Его; Очищающего вся беззакония твоя, исцеляющего вся недуги твоя; Избавляющего от истления живот твой, венчающего тя милостию и щедротами; Исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Сказа пути Своя Моисеови, сыновом Израилевым хотения Своя; Щедр и милостив Господь, долготерпелив и многомилостив. Не до конца прогневается, ниже во век враждует; Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боявшихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмы. Человек, яко трава дние его, яко цвет сельный, тако оцветет; Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящий слово Его, услышати глас словес Его. Благословите Господа вся силы Его, слуги Его, творящий волю Его. Благословите Господа вся дела Его, на всяком месте владычества Его.

На всяком месте владычества Его, благослови душе моя Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвья века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениях руку Твоею поучахся. Воздох к Тебе рuce мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи путь, воньже

пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя Господи в правде Твоей, и не вниди в суд с рабом Твоим. Услыши мя Господи в правде Твоей, и не вниди в суд с рабом Твоим. Дух Твой Благий наставит мя на землю праву.

Слава, и ныне. Аллилуия, Аллилуия, Аллилуия, слава Тебе, Боже (трижды).

Х: Господи, помилуй (40 раз).

С: Молитвами святых Отец наших...

Х: Аминь.

С: Бог Господь и явися нам, благословен грядый во имя Господне. Исповедуйтесь Господеви, яко Благ, яко в век милость Его.

Х: Бог Господь и явися нам, благословен грядый во имя Господне (на глас тропаря)

С: Обышедше обыдоша мя, и именем Господним противляхся им.

Х: Бог Господь и явися нам, благословен грядый во имя Господне.

С: Не умру, но жив буду, и повем дела Господня.

Х: Бог Господь и явися нам, благословен грядый во имя Господне.

С: Камень, егоже небрегоша зиждущии, сей бысть во главу угла: от Господа бысть Сей, и есть дивен во очесех наших.

Х: Бог Господь и явися нам, благословен грядый во имя Господне. **Тропарь (дважды). Слава, и ныне. Богородичен по гласу «Славы». Если тропаря два, то хор поет так: Тропарь первый (дважды), Слава: Тропарь второй, И ныне: Богородичен по гласу второго тропаря.**

Господи, помилуй (трижды). Слава Отцу и Сыну и Святому Духу.

Ч: И ныне и присно и во веки веков. Аминь. И читается кафизма²⁴.

Господи, помилуй (трижды). **Седальны из Октоиха или Миней.** Господи, помилуй (трижды). Слава, и ныне. 50 псалом.

[Если по Уставу положен Полиелей, то после кафизмы совершается следующее последование:

Х: Господи, помилуй (трижды).

С: Молитвами святых...

²⁴ Схема чтения кафизмы см. на Вечерне вседневной.

Х: Аминь.

Ч: Седален из Минеи святого. Слава, и ныне: **Богородичен.**

Здесь Старший идет к праздничному аналою и встает напротив него и начинает каждение со свечой в левой руке

Х: Хвалите имя Господне, хвалите, раби Господа. Аллилуиа, Аллилуиа, Аллилуиа.

Благословен Господь от Сиона, живой во Иерусалиме. Аллилуиа, Аллилуиа, Аллилуиа.

Исповедайтесь Господеви, яко благ, яко в век милость Его. Аллилуиа, Аллилуиа, Аллилуиа.

Исповедайтесь Богу Небесному, яко в век милость Его. Аллилуиа, Аллилуиа, Аллилуиа.

Старший и все, кто может, поет величание святому перед праздничной иконой.

Далее канонарх оглашает стихи из Избранного псалма (см. Ирмологий), а хор между стихами пропевает величание святому²⁵. Старший совершает каждение всего храма, часовни или молитвенной комнаты и возвращается к праздничному аналою.

Х. после окончания Избранного псалма поет: Слава, и ныне. Аллилуиа, Аллилуиа, Аллилуиа, слава Тебе, Боже (дважды).

С. и все молящиеся: Аллилуиа, Аллилуиа, Аллилуиа, слава Тебе, Боже (единожды). И далее поют величание святому.

Х: Господи, помилуй (трижды).

С: Молитвами святых...

Х: Аминь.

Ч: Седален по Полиелей из Минеи.

Х: Антифон 4-го гласа:

От юности моя / мнози борют мя страсти, / но Сам мя заступи, / и спаси, Спасе мой.

Ненавидящии Сиона, / посрамится от Господа, / яко трава бо огнем / будете изсохше.

Слава, и ныне: Святым Духом / всяка душа живится, / и чистотою возвышается, / светлеется Троическим Единством священнотайне.

Старший или сослужащий ему, подойдя к столу, берет Евангелие, оглашает положенный прокимен. Приведем пример на прокимне преподобному.

²⁵ На практике оглашается столько стихов, за сколько совершается Старшим каждение храма, часовни или молитвенной комнаты и его возвращение к праздничному аналою.

С: Прокимен, глас 4: Честна пред Господем смерть преподобных Его.

Х (на четвертый глас): Честна пред Господем смерть преподобных Его.

С: Что воздам Господеви о всех, яже воздаде ми?

Х: Честна пред Господем смерть преподобных Его.

С: Честна пред Господем.

Х: Смерть преподобных Его.

С: Всякое дыхание да хвалит Господа.

Х: Всякое дыхание да хвалит Господа.

С: Хвалите Бога во святых Его, хвалите Его во утверждении силы Его.

Х: Всякое дыхание да хвалит Господа.

С: Всякое дыхание.

Х: Да хвалит Господа.

С. открывает Евангелие: От *(имя евангелиста)* Святаго Евангелия чтение.

Х: Слава Тебе, Господи, слава Тебе.

С: *читает зачало из Евангелия.*

Х (по окончании чтения Святого Евангелия): Слава Тебе, Господи, слава Тебе.

Ч: 50 псалом.

Х: Слава: Молитвами святаго *(имя святого, в честь которого совершается служба)*, / Милостиве, очисти, / множества согрешений наших.

И ныне: Молитвами Богородицы, / Милостиве, очисти, / множества согрешений наших.

Помилуй мя, Боже, / по велицей милости Твоей, / и по множеству щедрот Твоих, / очисти беззаконие мое.

Далее поется стихира по чтении Евангелия, находящаяся в Минее службы святого или в Минее общей. После нее хор: Господи, помилуй (12 раз).

С: Молитвами святых отец наших...

Х: Аминь.

И далее читается канон.]

Канон читается в соответствии с Уставом. Если совершается шестеричная или славославная Утреня, то читаются каноны из Октоиха (соответствующего дня и гласа) и святого дня из Минеи. Катавасии в таком случае поются только по третьей, шестой, восьмой и девятой песни. Если совершается полиелейная Утреня, то

читается Канон молебный Пресвятой Богородицы (см. в Часослове в Последовании общего молебна) и святого. В таком случае катавасия по каждой песни.

По окончании третьей песни:

Х: Катавасия по Уставу.

Ч: Господи, помилуй (трижды). Слава, и ныне. **Далее читает седален и богородичен Минеи.**

По окончании шестой песни:

Х: Катавасия по Уставу.

Ч: Господи, помилуй (трижды). Слава, и ныне. *Кондак и икос из Минеи.*

По восьмой песни:

Х: Хвалим, благословим, поклоняемся Господеви поюще и превозносяще во вся веки. *И затем катавасия.*

С. совершает каждение, а затем перед иконой Божией Матери: Богородицу и Матерь Света в песнях возвеличим.

Х: Песнь Пресвятой Богородице

Величит душа Моя Господа / и возрадовася дух Мой о Бозе Спасе Моем.

Припев: Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу, Тя величаем.

Яко призре на смирение рабы Своея, / се бо, от ныне ублажат Мя вси роди.

Припев: Честнейшую Херувим...

Яко сотвори Мне величие Сильный, / и свято имя Его, / и милость Его в роды родов боящимся Его.

Припев: Честнейшую Херувим...

Сотвори державу мышцею Своею, / расточи гордыя мыслию сердца их.

Припев: Честнейшую Херувим...

Низложи сильныя со престол, / и вознесе смиренныя, алчущия исполни благ, / и богатящиеся отпусти тщи.

Припев: Честнейшую Херувим...

Восприят Израиля отрока Своего, / помянути милости, / якоже глагола ко отцем нашим, / Аврааму и семени его даже до века.

Припев: Честнейшую Херувим...

По девятой песни:

Х: Катавасия. **Глас 8:** Достойно есть, яко воистину / блажити Тя, Богородицу, / Присноблаженную и Пренепорочную, / и Матерь Бога нашего. / Честнейшую Херувим

/ и славнейшую без сравнения Серафим, / без истления Бога Слова рождшую, / сущую Богородицу, Тя величаем²⁶.

Господи, помилуй (трижды). Слава, и ныне.

Ч: Светилен; Слава, и ныне: **Богородичен.**

Если совершается шестиричная Утреня, то далее совершаем богослужение так:

Ч: Хвалите Господа с небес, хвалите Его в вышних. Тебе подобает песнь Богу. Хвалите Его, вси Ангели Его, хвалите Его, вся Силы Его. Тебе подобает песнь Богу.

Псалом 148

Хвалите Его, солнце и луна, хвалите Его, вся звезды и свет. Хвалите Его Небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты. Царие земстии и вси людие, князи и вси судии земстии, юноши и девы, старцы с юнотами да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих, песнь всем преподобным Его, сыновом Израилевым, людем, приближающимся Ему.

Псалом 149

Воспойте Господеви песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их путы, и славныя их ручными оковы железными.

На 6²⁷: Сотворити в них суд написан. / Слава сия будет всем преподобным Его.

Псалом 150

Хвалите Бога во святых Его, / хвалите Его во утверждении силы Его.

На 4: Хвалите Его на силах Его, / хвалите Его по множеству величества Его.

Хвалите Его во гласе трубнем, / хвалите Его во псалтири и гуслех.

Хвалите Его в тимпане и лице, / хвалите Его во струнах и органе.

Хвалите Его в кимвалех доброгласных, хвалите Его в кимвалех восклицания. / Всякое дыхание да хвалит Господа.

²⁶ На славословной и полиелейной Утрени «Достойно есть» не поется.

²⁷ На шестиричной Утрени здесь могут петься стихиры. Такое можно встретить на Утрени родительских суббот (см. Триодь Постную и Цветную в соответствующих службах) и в Пасхальный период (см. Триодь цветную). Если же стихиры здесь не поются, эти стихи просто прочитываются чтецом.

Слава, и ныне. Тебе слава подобает, Господи, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

Слава Тебе, показавшему нам свет.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мiра, помилуй нас. Вземляй грехи мiра, прими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца. Аминь.

На всяк день благословлю Тя и восхваляю имя Твое во веки, и во век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согрехих Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподоби Господи, в день сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков. Аминь.

Х: Господи, помилуй (12 раз).

С: Молитвами святых отец...

Х: Аминь.

Далее поются стихиры на стиховне из Октоиха.

Х: Благо есть исповедатися Господеви, и пети Имени Твоему, Вышний: возвещати заутра милость Твою, и истину Твою на всяку ночь.

Трисвятое по Отче наш.

С: Молитвами святых отец...

Х: Аминь. Тропарь дня, Слава, и ныне: *Богородичен.*

Господи, помилуй (12 раз). Утверди, Боже, святую православную веру, православных христиан во век века.

И далее чтец читает Первый час.

**Если Великий пост, то на Стихирах на стиховнах перед «Благо есть»
используются следующие стихи:**

Первый стих: Исполнимся завтра милости Твоя Господи, и возрадовахомся, и возвеселихомся: во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, / и настави сыны их.

Стих второй: И буди светлость Господа Бога нашего на нас, и дела рук наших исправи на нас, / и дело рук наших исправи.

Слава, и ныне: *Богородичен.*

Также Великим постом после «Благо есть» читаем дважды, а только затем – Трисвятое по Отче наш. После возгласа чтец читает:

В храме стояще славы Твоя, на небеси стояти мним, Богородице, дверь небесная, отверзи нам двери милости Твоя.

Господи, помилуй (40 раз). Слава, и ныне. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец...

Ч: Аминь.

Небесный Царю, веру утверди, языки укроти, мир умири, святыи храм сей (*святыю обитель сию, часовню сию или место сие²⁸*) добре сохрани: прежде отшедшыи отцы и братию нашу в селениих праведных учини, и нас в покаянии и исповедании приими, яко Благий и Человеколюбец.

Далее читается молитва преподобного Ефрема Сирина с 16 поклонами, после чего читается сразу Первый час.

Если совершается Утреня полиелейная, то после чтения свечильна и богородична совершается служба так:

К. (канонарх): Глас (номер гласа): Всякое дыхание да хвалит Господа.

Х (на соответствующий глас): Всякое дыхание да хвалит Господа. / Хвалите Господа с небес, / хвалите Его в вышних. / Тебе подобает песнь Богу. / Хвалите Его, вси Ангели Его, / хвалите Его, вся Силы Его. / Тебе подобает песнь Богу.

Далее поются стихиры из Минеи со стихами, которые оглашает канонарх:

На 6: Сотворити в них суд написан. / Слава сия будет всем преподобным Его.

Хвалите Бога во святых Его, / хвалите Его во утверждении силы Его.

На 4: Хвалите Его на силах Его, / хвалите Его по множеству величества Его.

Хвалите Его во гласе трубнем, / хвалите Его во псалтири и гуслех.

Хвалите Его в тимпане и лице, / хвалите Его во струнах и органе.

²⁸ «Место сие» произносится в моленной комнате.

Хвалите Его в кимвалех доброгласных, хвалите Его в кимвалех восклицания. /
Всякое дыхание да хвалит Господа.

Слава, глас (номер гласа): *стихира*; И ныне, глас (номер гласа):

С: Слава Тебе, показавшему нам, свет!

Х (поется Великое славословие): Слава в вышних Богу, и на земли мир, в
человецех благоволение. Хвалим Тя, благословим Тя, кланяем Ти ся, славословим Тя,
благодарим Тя великия ради славы Твоея. Господи, Царю Небесный, Боже, Отче
Вседержителю, Господи Сыне Единородный, Иисусе Христе, и Святыи Душе. Господи
Боже, Агнче Божий, Сыне Отчъ, вземляй грех мира, помилуй нас. Вземляй грехи мира,
приими молитву нашу. Седяи одесную Отца, помилуй нас. Яко Ты еси Един Свят; Ты
еси Един Господь, Иисус Христос, в славу Бога Отца. Аминь.

На всяк день благословлю Тя и восхвалю имя Твое во веки, и в век века. Сподоби,
Господи, в день сей без греха сохранитися нам. Благословен еси, Господи Боже отец
наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим (*трижды*).

Господи, прибежище был еси нам в род и род. Аз рех: Господи, помилуй мя,
исцели душу мою, яко согреших Тебе.

Господи, к Тебе прибегах, научи мя творити волю Твою, яко Ты еси Бог мой, яко
у Тебе источник живота, во свете Твоем узрим свет. Пробави милость Твою ведущим
Тя.

Святыи Боже, Святыи Крепкий, Святыи Безсмертный, помилуй нас (*трижды*).
Слава Отцу и Сыну и Святому Духу, и ныне и присно, и во веки веков. Аминь.

Святыи Безсмертный, помилуй нас.

Святыи Боже, Святыи Крепкий, Святыи Безсмертный, помилуй нас.

Далее поется *тропарь празднуемого святого*, Слава, и ныне: *Богородичен по гласу
тропаря*.

Господи, помилуй (40 раз).

Утверди, Боже, святую православную веру, православных христиан во век века.

Честнейшую Херувим и славнейшую без сравнения Серафим, без истления Бога
Слова рождшую, сущую Богородицу, Тя величаем.

Слава, и ныне. Господи, помилуй (*трижды*). Господи, благослови.

С. говорит отпуст лицом к народу: Господи, Иисусе Христе, Сыне Божий,
молитв ради Пречистыя Твоея Матере, иже во святых отца нашего (*святой храма*) и
святаго (*имя святого, в честь которого совершается служба*), ныне и память его
(*память ея или память их*) совершаем, святых и праведных Богоотец Иоакима и Анны
и всех святых, помилуй и спаси нас, яко Благ и Человеколюбец.

Х: Аминь. **Далее поется** многолетие:

Многолетие

Великого Господина и Отца нашего Кирилла, / Святейшего Патриарха Московского и всея Руси, / и Господина нашего Высокопреосвященнейшего *(или Преосвященнейшего)* **(имя)** митрополита *(или архиепископа, или епископа)* *(наименование кафедры)*, / богохранимую страну нашу Российскую *(или иная другая страна, в которой совершается богослужение)*, / настоятеля, братию и прихожан святого храма сего и вся православныя христианы²⁹, // Господи, сохрани их на многая лета.

И читается Первый час.

Час первый

Ч: Приидите поклонимся... (трижды)

Псалом 5

Глаголы моя внуши, Господи, разумеи звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяи беззакония, Ты еси: не приселитя к Тебе лукавнуи, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини их, яко преогорчиша Тя, Господи. И да возвеселятся вси уповающии на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечестии. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и преидет: на вечер отпадет ожестеет и изсхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седмьдесят лет, аще же в силах, осмьдесят лет, и множае их труд и болезнь: яко прииде кротость на ны, и накажемся. Кто весть державу гнева Твоего, и от страха Твоего, ярость Твою исчести? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы

²⁹ Если богослужение совершается в часовне, в молитвенном доме или на дому, то здесь уместно опустить прошения о настоятеле и братии, а сразу петь: «...богохранимую страну нашу Российскую, / и вся православныя христиане, // Господи, сохрани их...».

Твоя. Исполнимся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумею в пути непорочне, когда приидеши ко мне? Прехождах в незлобии сердца моего посреде дому моего. Не предлагах пред очима моима вещь законопреступную: творящья преступление возненавидех. Не прильпе мне сердце строптиво, уклоняющагося от мене лукаваго не познах. Оклеветающаго тай искренняго своего, сего изгонях: гордым оком, и несатым сердцем, с сим не ядах. Очи мои на верныя земли, посаждати я со мною: ходяй по пути непорочну, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающья беззаконие.

Слава, и ныне. Аллилуиа, Аллилуиа, Аллилуиа, слава Тебе, Боже (трижды). Господи, помилуй (трижды).

[Во время Великого Поста здесь читается кафизма. Затем Старший читает:

Завтра услыши глас мой, Царю мой и Боже мой.

Х (глас 6): Завтра услыши глас мой, / Царю мой и Боже мой.

С (первый стих): Глаголы моя внуши, Господи, разумеи звание мое.

Х: Завтра услыши глас мой, / Царю мой и Боже мой.

С (второй стих): Яко к Тебе помолюся, Господи.

Х: Завтра услыши глас мой, / Царю мой и Боже мой.

С: Слава Отцу и Сыну и Святому Духу.

Ч: И ныне и присно, и во веки веков. Аминь. *«Что Тя наречем...» и далее по чину.*]

Слава Отцу и Сыну и Святому Духу. Читается тропарь³⁰. И ныне и присно, и во веки веков. Аминь.

Богородичен: Что Тя наречем, о Благодатная? Небо, яко возсияла еси Солнце Правды. Рай, яко прозябла еси цвет нетления. Деву, яко пребыла еси нетленна. Чистую Матерь, яко имела еси на святых Твоих объятых Сына, всех Бога. Того моли спастися душам нашим.

Стопы моя направи по словеси Твоему / и да не обладает мною всякое беззаконие. / Избави мя от клеветы человеческия, / и сохрани заповеди Твоя. / Лице Твое просвети на раба Твоего / и научи мя оправданием Твоим.

³⁰ Если положено читать два тропаря, то после «Господи, помилуй» (перед «Славой») читается первый тропарь, а после «Славы» (перед «И ныне») читается второй тропарь.

Да исполнятся уста моя хваления Твоего, Господи, // яко да воспою славу Твою, весь день великолепие Твое³¹.

Трисвятое по Отче наш.

С: Молитвами святых отец наших...

Ч: Аминь. Кондак святого или праздника.

[Если Великий Пост (или отсутствует кондак в службе святого), то вместо кондака святого дня читаются следующие молитвословия:

В понедельник, вторник и четверг читается Богородичен:

Преславную Божию Матерь, и святых Ангел Святейшую, немолчно воспоим сердцем и усты, Богородицу сию исповедающе, яко воистинну рождшую нам Бога воплощенна, и молящуюся непрестанно о душах наших.

В среду и пятницу читается этот кондак:

Скоро предвари, прежде даже не поработимся врагом хулящим Тя, и претящим нам, Христе Боже наш, погуби Крестом Твоим борюция нас, да уразумеют, како может православных вера, молитвами Богородицы, Едине Человеколюбче.

В субботу читается этот кондак:

Яко начатки естества, Насадителю твари, вселенная приносит Ти, Господи, богоносныя мученики, тех молитвами в мире глупоце Церковь Твою, жительство Твое, Богородицею соблюди, Многомилостиве.]

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, тела очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоя славы, яко благословен еси во веки веков. Аминь.

Господи, помилуй (трижды). Слава, и ныне. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

³¹ В будние дни Великого Поста «Стопы моя...» и «Да исполнятся...» поются хором на великпостный 8 глас.

[Во время Великого Поста здесь совершается Старшим молитва преподобного Ефрема Сирина с 16 поклонами. После чего чтец:

Трисвятое по Отче наш.

С: Молитвами святых отец наших...

Ч: Аминь. Господи, помилуй (12 раз).

С: Христе, Свете Истинный... И далее по чину.]

С., стоя посередине, полубоком поворачивается к иконе Спасителя³²:
Христе, Свете Истинный, просвещающий и освящающий всякого человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. Аминь.

Х (на 8 глас)³³: Взбранной Воеводе победительная, / яко избавльшеся от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти; / радуйся, Невесто Неневестная³⁴.

Слава, и ныне. Господи, помилуй. Господи, благослови.

С. говорит малый отпуст лицом к народу: Господи, Иисусе Христе³⁵, Сыне Божий, молитв ради Пречистыя Твоея Матере³⁶ и всех святых, помилуй и спаси нас, яко Благ и Человеколюбец.

Х: Аминь. Господи, помилуй (трижды)³⁷.

Дневные богослужения

Час третий

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды)³⁸.

³² Возможно чтение этой молитвы чтецом.

³³ Здесь указан обиходный глас. Пение «Взбранной Воеводе» возможно и в нотном варианте.

³⁴ Вместо «Взбранной Воеводе» в дни двенадцатых праздников и по праздниству поется кондак праздника.

³⁵ В Пасхальный период малый отпуст начинается словами «Воскресый из мертвых, Господи, Иисусе Христе...»

³⁶ Если совершалась шестиричная Утренья, то здесь на отпусте поминаются святые дня (т.к. после Утрени не было отпуста).

³⁷ Если совершалась шестиричная Утренья, то вместо «Господи, помилуй» поется Многолетия, т.к. его не было в конце Утрени.

³⁸ Если Третий час читается сразу с «Приидите, поклонимся» (трижды), если совершается сразу после Первого часа.

Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретеса во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаяй уповающия на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящии мя ныне обыдоша мя, очи свои возложиша уклонити на землю. Обьяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо все терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моя, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилепляхуся мне, яко потерпех Тя, Господи. Избави, Боже, Израиля от всех скорбей его.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе Единому согреших и лукавое пред Тобою сотворих, яко да оправдишися во словесех Твоих, и победиши вегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся

беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Слава, и ныне. Аллилуиа, Аллилуиа, Аллилуиа, слава Тебе, Боже (трижды). Господи, помилуй (трижды).

[Во время Великого Поста здесь читается кафизма. Затем Старший читает:

С: Господи, иже Пресвятаго Твоего Духа в третий час Апостолом Твоим низпославый: Того, Благий, не отыми от нас, но обнови нас, молящих Ти ся.

Х (6 глас): Господи, иже Пресвятаго Твоего Духа / в третий час Апостолом Твоим низпославый: / Того, Благий, не отыми от нас, / но обнови нас, молящих Ти ся.

С (первый стих): Сердце чисто созижди во мне, Боже, и дух прав обнови во утробе моей.

Х: Господи, иже Пресвятаго Твоего Духа...

С (второй стих): Не отвержи мене от лица Твоего, и Духа Твоего Святого не отыми от мене.

Х: Господи, иже Пресвятаго Твоего Духа...

С: Слава Отцу и Сыну и Святому Духу.

Ч: И ныне и присно, и во веки веков. Аминь. *«Богородице, Ты еси лоза истинная...»* и далее по чину.]

Слава Отцу и Сыну и Святому Духу. Читается тропарь³⁹. И ныне и присно, и во веки веков. Аминь.

Богородичен: Богородице, Ты еси лоза истинная, возрадившая нам Плод живота, Тебе молимся: молися, Владычице, со святыми апостолами помилувати души наша.

Господь Бог благословен, благословен Господь день дне, поспешит нам Бог спасений наших, Бог наш, Бог спасти.

Трисвятое по Отче наш.

С: Молитвами святых отец наших...

³⁹ Если положено читать два тропаря, то после «Господи, помилуй» (перед «Славой») читается первый тропарь, а после «Славы» (перед «И ныне») читается второй тропарь.

Ч: Аминь. Кондак святого или праздника.

[В седмичные дни Великого Поста вместо кондака святого читаем или поем на 8 глас следующие тропари:

Благословен еси Христе Боже наш, / Иже премудры ловцы явлей, / низпослав им Духа Святаго, / и теми уловлей вселенную, / Человеколюбче, слава Тебе.

Слава: Скорое и известное даждь утешение рабом Твоим, Иисусе, / внегда унывати духом нашим, / не разлучайся от душ наших в скорбех, / не удаляйся от мыслей наших во обстояниях, но присно нас предвари. / Приблизися нам, приблизися везде Сый, / якоже со Апостолы Твоими всегда еси, / сице и Тебе желающим соедини Себе, Щедре, да совокуплены Тебе поем / и славословим Всесвятаго Духа Твоего.

И ныне: Надежда, и предстательство, и прибежище христиан, необоримая стена, / изнемогающим пристанище небурное, Ты еси Богородице Пречистая, / но яко мир спасающая непрестанною Твоею молитвою, / помяни и нас, Дево Всепетая.]

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, тела очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум непреступныя Твоя славы, яко благословен еси во веки веков. Аминь.

Господи, помилуй (трижды). Слава, и ныне. Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

[В седмичные дни Великого Поста здесь Старший совершает молитву преподобного Ефрема Сирина с 16 поклонами, после чего чтец читает молитву святого Мардария.]

Молитва святого Мардария

Владыко Боже Отче Вседержителю, Господи Сыне Единородный Иисусе Христе, и Святыи Душе, Едино Божество, Едина Сила, помилуй мя, грешнаго, и имиже веси судьбами, спаси мя, недостойнаго раба Твоего, яко благословен еси во веки веков. Аминь.

Час шестой

Ч: Приидите, поклонимся... (трижды)

Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чужднии восташа на мя и крепцыи взыскаша душу мою, и не предложиша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возре око мое.

Псалом 54

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешнича, яко уклониша на мя беззаконие и во гневѣ враждоваху ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающаго мя от малодушия и от бури. Потопи, Господи, и раздели языки их: яко видех беззаконие и пререкание во граде. Днем и нощию обыдет и по стенам его. Беззаконие и труд посреде его и неправда. И не оскуде от стогн его лихва и леть. Яко аще бы враг поносил ми, претерпел бых убо, и аще бы ненавидай мя на мя велеречевал, укрыл бых ся от него. Ты же, человеце равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да приидет же смерть на ня, и да снидут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеа, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши их во студенец истления, мужие кровей и льсти не преполовят дней своих. Аз же, Господи, уповаю на Тя.

Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешься: оружием обыдет тя истина Его. Не убоишися от страха нощнаго, от стрелы летящия во дни, от вещи во тме преходящия, от сряща и беса полуденнаго. Падет от страны твоя тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Мое. Воззовет ко Мне и услышу его, с ним есмь в скорби, изму его и прославлю его, долготою дний исполню его и явлю ему спасение Мое.

Слава, и ныне. Аллилуиа, Аллилуиа, Аллилуиа, слава Тебе, Боже (трижды).
Господи, помилуй (трижды).

[Во время Великого Поста здесь читается кафизма. Затем Старший читает:

С: Иже в шестый день же и час, на кресте Пригвождей в раи дерзновенный Адамов грех, и согрешений наших рукописание раздери, Христе Боже, и спаси нас.

Х (2 глас): Иже в шестый день же и час, / на кресте Пригвождей / в раи дерзновенный Адамов грех, / и согрешений наших рукописание раздери, / Христе Боже, и спаси нас.

С (первый стих): Внуши, Боже, молитву мою, и не презри моления моего.

Х: Иже в шестый день же и час...

С (второй стих): Аз к Богу возвах, и Господь услыша мя.

Х: Иже в шестый день же и час...

С: Слава Отцу и Сыну и Святому Духу.

Ч: Аминь. *«Яко не имамы...»* и далее по чину.]

Слава Отцу и Сыну и Святому Духу. Читается тропарь⁴⁰. И ныне и присно, и во веки веков. Аминь.

Богородичен: Яко не имамы дерзновения за премногия грехи наша, Ты иже от Тебе Рождшагося моли, Богородице Дево, много бо может моление Матернее ко благосердию Владыки. Не презри грешных мольбы, Всечистая, яко милостив есть и спасти могий, Иже и страдати о нас изволивый⁴¹.

Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

Трисвятое по Отче наш.

С: Молитвами святых отец наших...

Ч: Аминь. Кондак святого или праздника.

[В Великий Пост вместо кондака святого читаем или поем на второй глас следующие тропари в понедельник, вторник и четверг:

Спасение соделал еси посреде земли, Христе Боже, / на Кресте пречистей руце Твои простерл еси, / собирая вся языки, зовущия: / Господи, слава Тебе.

Слава: Пречистому образу Твоему покланяемся Благий, / просяще прощения прегрешений наших, Христе Боже, / волею бо благоволил еси плотию взыти на Крест, /

⁴⁰ Если положено читать два тропаря, то после «Господи, помилуй» (перед «Славой») читается первый тропарь, а после «Славы» (перед «И ныне») читается второй тропарь.

⁴¹ В дни Великого Поста после Богородична читается прокимен и паремия из Триоди Постной.

да избавиши, яже создал еси, от работы вражия. / Тем благодарственно вопием Ти: / радости исполнил еси вся, Спасе наш, / пришедый спасти мир.

И ныне: Милосердия сущи источник, / милости сподоби нас, Богородице, / призри на люди согрешившия, / яви яко присно силу Твою: / на Тя бо уповающе, радуйся вопием Ти, / якоже иногда Гавриил безплотных Архистратиг.

В среду и пятницу вместо «Милосердия сущи» читаем следующий Богородичен:

Препрославлена еси, Богородице Дево, поем Тя, / Крестом бо Сына Твоего низложися ад, и смерть умертвися, / умерщвлении востахом, и живота сподобихомся, / рай восприяхом, древнее наслаждение. / Тем благодаряще, славословим яко державнаго Христа Бога нашего, / и единаго Многомилостиваго.]

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, тела очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум непреступныя Твоя славы, яко благословен еси во веки веков. Аминь.

Господи, помилуй (трижды). Слава, и ныне. Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

[Во время Великого Поста здесь совершается Старшим молитва преподобного Ефрема Сирина с 16 поклонами. После этого чтец читает молитву святителя Василия Великого «Боже и Господи сил и всея твари содетелю...».]

Боже и Господи сил и всея твари Содетелю, Иже за милосердие безприкладныя милости Твоя Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердец наших в словеса или помышления лукавствия, но любовию Твоею уязви души наша, да, к Тебе всегда взирающе и еже от Тебе светом наставляемы, Тебе, непреступнаго и присносущнаго зряще Света, непрестанное Тебе исповедание и благодарение

возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. Аминь⁴².

Час девятый

С: Молитвами святых Отец наших...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Ч: Аминь. Господи, помилуй (12 раз). Слава, и ныне. Приидите, поклонимся... (трижды)⁴³

Псалом 83

Коль возлюбленна селения Твоя, Господи сил! Желает и скончается душа моя во двory Господни, сердце мое и плоть моя возрадовастся о Боже живе. Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у Тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворех Твоих паче тысящ: изволих приметатися в дому Бога моего паче, неже жити ми в селениях грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, Блажен человек уповаяй на Тя.

Псалом 84

Благоволил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или простреси гнев Твой от рода в род? Боже, Ты обращаеши оживиши ны, и людие Твои возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Нему. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастся. Истина от земли возсия, и правда с Небесе приниче, ибо Господь даст благость, и земля наша даст плод свой. Правда пред Ним предъидет, и положит в путь стопы своя.

Псалом 85

Приклони, Господи, ухо Твое, и услыши мя, яко нищ и убог есмь аз. Сохрани душу мою, яко преподобен есмь: спаси раба Твоего, Боже мой, уповающего на Тя. Помилуй мя, Господи, яко к Тебе воззову весь день. Возвесели душу раба Твоего, яко к

⁴² Если на Утрени было «Бог Господь» (т.е. не постовое богослужение), то после Шестого Часа совершаем Чин обедницы или Изобразительны (в зависимости от значимости дня).

⁴³ Девятый час читается сразу с «Приидите, поклонимся...» (трижды), если совершается сразу после Шестого часа.

Тебе взял душу мою. Яко Ты, Господи, Благ и Кроток, и Многомилостив всем призывающим Тя. Внуши, Господи, молитву мою, и вонми гласу моления моего. В день скорби моя возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, приидут и поклонятся пред Тобою, Господи, и прославят имя Твое, яко Велий еси Ты, и творяй чудеса, Ты еси Бог един. Настави мя, Господи, на путь Твой, и пойду во истине Твоей; да возвеселится сердце мое бояться имене Твоего. Исповемся Тебе, Господи Боже мой, всем сердцем моим, и прославлю имя Твое в век: яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты, Господи Боже мой, Щедрый и Милостивый, Долготерпеливый, и Многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящие мя, и постыдятся, яко Ты, Господи, помогл ми и утешил мя еси.

И вновь чтец повторяет стихи 85 псалма⁴⁴: Сотвори со мною знамение во благо, и да видят ненавидящие мя, и постыдятся, яко Ты, Господи, помогл ми и утешил мя еси.

Слава, и ныне. Аллилуиа, Аллилуиа, Аллилуиа, слава Тебе, Боже (трижды). Господи, помилуй (трижды).

[Во время Великого Поста здесь читается кафизма. Затем Старший читает:

С: Иже в девятый час нас ради плотию смерть вкусивый, умертви плоти нашея мудрование, Христе Боже, и спаси нас.

Х (8 глас): Иже в девятый час / нас ради плотию смерть вкусивый, / умертви плоти нашея мудрование, / Христе Боже, и спаси нас.

С (первый стих): Да приблизится моление мое пред Тя, Господи, по словеси Твоему вразуми мя.

Х: Иже в девятый час...

С (второй стих): Да внидет прошение мое пред Тя, Господи, по словеси Твоему избави мя.

Х: Иже в девятый час...

С: Слава Отцу и Сыну и Святому Духу.

Ч: И ныне и присно, и во веки веков. Аминь. *«Иже нас ради рождейся от Девы...»* и далее по чину.]

Слава Отцу и Сыну и Святому Духу. Читается тропарь⁴⁵. И ныне и присно, и во веки веков. Аминь.

⁴⁴ На практике часто повторное чтение данных стихов опускается.

⁴⁵ Если положено читать два тропаря, то после «Господи, помилуй» (перед «Славой») читается первый тропарь, а после «Славы» (перед «И ныне») читается второй тропарь.

Богородичен: Иже нас ради рождейся от Девы и распятие претерпев, Благий, испровергий смертию смерть и воскресение явлей яко Бог, не презри, яже создал еси рукою Твоею. Яви человеколюбие Твое, Милостиве. Приими рождшую Тя Богородицу, молящуюся за ны. И спаси, Спасе наш, люди отчаянных.

Не предаждь нас до конца Имене Твоего ради, и не разори завета Твоего, и не отстави милости Твоя от нас Авраама ради, возлюбленного от Тебе, и за Исаака, раба Твоего, и Израиля, святого Твоего.

Трисвятое по Отче наш.

С: Молитвами святых отец наших...

Ч: Аминь. Кондак святого или праздника.

[В седмичные дни Великого Поста вместо кондака святого читаем или поем на 8 глас следующие тропари:

Видя разбойник / Начальника Жизни на Кресте висяща, глаголаше: / аще не бы Бог был воплощся, Иже с нами распныйся, / не бы солнце лучи своя потаило, / ниже бы земля трепещущи тряслася. / Но вся терпяй, помяни мя, Господи, во Царствии Твоем.

Слава: Посреде двою разбойнику, / мерило праведное обретесе крест Твой: / овому убо низводиму во ад тяготою хуления, / другому же легчащуся от прегрешений к познанию Богословия. / Христе Боже, слава Тебе.

И ныне: Агнца, и Пастыря, и Спаса мира, / на кресте зрящи Рождшая Тя, / глаголаше слезящи: / мир убо радуется, приемля избавление, / утроба же Моя горит, зрящи Твое распятие, / еже за всех терпиши, / Сыне и Боже мой.]

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагуотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум непреступныя Твоя славы, яко благословен еси во веки веков. Аминь.

Господи, помилуй (трижды). Слава, и ныне. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

[Во время Великого Поста здесь совершается Старшим молитва преподобного Ефрема Сирина с тремя поклонами. После этого чтец читает

молитву святителя Василия Великого «Владыко, Господи, Иисусе Христе, Боже наш, долготерпевый...».]

Владыко Господи, Иисусе Христе, Боже наш, долготерпевый о наших согрешениях и даже до нынешняго часа приведый нас, воньже, на Животворящем Древе вися, благоразумному разбойнику иже в рай путесотворил еси вход и смертию смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвести очеса наша и возрети на высоту Небесную, зане оставихом путь правды Твоя и ходихом в волях сердец наших. Но молим Твою безмерную благодать: пощади нас, Господи, по множеству милости Твоя, и спаси нас Имене Твоего ради святого, яко исчезоша в суете дние наши, изми нас из руки сопротивнаго, и остави нам грехи наша, и умертви плотское наше мудрование, да, ветхаго отложивше человека, в новаго облечемся и Тебе поживем, нашему Владыце и Благодетелю. И тако, Твоим последующе повелением, в вечный покой достигнем, идеже есть всех веселящихся жилище. Ты бо еси воистинну истинное веселие и радость любящих Тя, Христе Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

В седмичные дни Великого Поста после Девятого часа сразу, без начального возгласа, начинаются читаться Изобразительны с Заповедей блаженств («Во Царствии Твоем помяни нас, Господи...»).

Изобразительные⁴⁶

Изобразительны совершаются в седмичные дни Великого Поста (начиная с пения «Во Царствии Твоем...») и во внепостовые дни, когда нет особого праздника (в дни празднеств принято совершать Чин обедницы, которая фундаментом под собой и имеет Изобразительные).

С: Молитвами святых отец наших...⁴⁷

Ч: Аминь.

Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от исления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисеови, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша.

⁴⁶ Изобразительны читаются, в отличие от Чина обедницы, отличающегося торжественностью.

⁴⁷ Если Изобразительны читаются сразу после Девятого Часа (то есть, в период Великого Поста), то здесь Старший возглас не дает, но чтец сразу начинает читать (или поет хор) с Заповедей блаженств («Во Царствии Твоем...»). Если же Изобразительны совершаются после Шестого Часа в обычный день (вне Поста), то дается возглас.

Якоже щедрит отец сыны, ущедрит Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящий слово Его, услышати глас словес Его. Благословите Господа вся Силы Его, слуги Его, творящий волю Его. Благословите Господа вся дела Его, на всяком месте владычества Его.

Псалом 145

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженныя. Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.

Слава Отцу и Сыну и Святому Духу, и ныне и присно, и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертию смертью поправый, Един Сый Святыя Троицы, прославляемый Отцу и Святому Духу, спаси нас.

Во Царствии Твоем помяни нас, Господи, егда приидеши во Царствии Твоем⁴⁸.

Блажени нищии духом, яко тех есть Царство Небесное⁴⁹.

Блажени плачущии, яко тии утешатся.

Блажени кротции, яко тии наследят землю.

Блажени алчущии и жаждущии правды, яко тии насытятся.

Блажени милостивии, яко тии помиловани будут.

Блажени чистии сердцем, яко тии Бога узрят.

Блажени миротворцы, яко тии сынове Божии нарекутся.

Блажени изгнани правды ради, яко тех есть Царство Небесное.

Блажени есте, егда поносят вам, и изженут, и рекут всяк зол глагол на вы, лжуще Мене ради.

⁴⁸ В дни Великого Поста с этого места хор начинает свое пение вплоть до «Лик святых Ангел и Архангел...» включительно.

⁴⁹ В дни Великого Поста после каждой заповеди хор повторяет стих «Во Царствии Твоем помяни нас, Господи, егда приидеши во Царствии Твоем».

Радуйтесь и веселитесь, яко мзда ваша многа на Небесех.

Помяни нас, Господи, егда приидеши во Царствии Твоем (*великий поклон*)⁵⁰.

Помяни нас, Владыко, егда приидеши во Царствии Твоем (*великий поклон*).

Помяни нас, Святой, егда приидеши во Царствии Твоем (*великий поклон*).

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

Стих: Приступите к Нему и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

Слава: Лик святых Ангел и Архангел со всеми Небесными силами поет Тя и глаголет: Свят, Свят, Свят Господь Саваоф, исполнь Небо и земля славы Твоя.

Ч⁵¹: И ныне и присно, и во веки веков. Аминь.

Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении, вся нам прости, яко Благ и Человеколюбец.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

С: Молитвами святых отец наших...

Х: Аминь.

Далее поются кондаки дня:

В понедельник, Бесплотным Силам Небесным, глас 2:

⁵⁰ Великий поклон кладется только в дни Великого Поста.

⁵¹ В дни Великого поста с этого места хор заканчивает петь.

Архистратизи Божии, служителие Божественныя славы, / Ангелов начальницы и человек наставницы, / полезное нам просите и велию милость, / яко Безплотных Архистратизи.

Во вторник, святому Иоанну Предтечи, глас 2:

Пророче Божий и Предтече благодати, / главу твою, яко шипок священнейший от земли обретше, / исцеления всегда приемлем, / ибо паки, якоже прежде / в мире проповедуеши покаяние.

В среду и пятницу, Кресту, глас 4:

Вознесыйся на Крест волею, / тезоименитому Твоему новому жительству / щедроты Твоя даруй, Христе Боже, / возвесели нас силою Твоею, / победы дая нам на сопостаты, / пособие имущим Твое оружие мира, / непобедимую победу.

В четверг, святым апостолам и святителю Николаю Чудотворцу, архиепископу Мир Ликийских:

Кондак апостолов, глас 2:

Твердые и Боговещанныя проповедатели, / верх ученик Твоих, Господи, / приял еси в наслаждение благих Твоих и покой: / болезни бо оных и смерть приял еси паче всякаго всеплодия, / Едине, сведый сердечная.

Кондак святителю Николаю, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, / яко великий таинник Божия благодати.

В субботу, всем святым и за упокой:

Кондак заупокойный, глас 8:

Со святыми упокой / Христе, души раб Твоих, / идеже несть болезнь, ни печаль, / ни воздыхание, / но жизнь безконечная.

Слава, и ныне: кондак всем святым, глас 8:

Яко начатки естества, Насадителю твари, / вселенная приносит Ти, Господи, богоносныя мученики, / тех молитвами в мире глубоце / Церковь Твою, жительство Твое, / Богородицею соблюди, Многомилостиве.

Во все дни, кроме субботы, после кондака дня поются следующие кондаки:

Слава: кондак заупокойный, глас 8:

Со святыми упокой / Христе, души раб Твоих, / идеже несть болезнь, ни печаль, / ни воздыхание, / но жизнь безконечная.

И ныне, глас 6: Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти: / ускори на молитву и потщися на умоление, / предстательствующи присно, Богородице, чтущих Тя.

[В седмичные дни Великого Поста после пения кондаков чтец:

Господи, помилуй (40 раз). Слава, и ныне. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Господи, благослови.

С: Молитвами святых отец наших...

Ч: Аминь.

Старший совершает молитву преподобного Ефрема Сирина с 16 поклонами. Если есть расход после Изобразительных, то есть Вечерня совершается позже, то чтец:

Трисвятое по Отче наш.

С: Молитвами святых отец наших...

Ч: Господи, помилуй (12 раз). Всесвятая Троице, Единосущная Державо, Нераздельное Царство, всех благих Вина: благоволи же и о мне, грешнем, утверди, вразуми сердце мое и всю мою отыми скверну. Просвети мою мысль, да выну славлю, пою, и покланяюся, и глаголю: Един Свят, Един Господь, Иисус Христос во славу Бога Отца. Аминь.

Х (обычно быстрым распевом): Достойно есть яко воистинну блажити Тя, Богородицу, / Присноблаженную и Пренепорочную и Матерь Бога нашего. Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу Тя величаем.

Слава, и ныне. Господи, помилуй (трижды). Господи, благослови.

С. творит отпуст лицом к народу: Господи, Иисусе Христе, Сыне Божий, молитвами Пречистыя Твоя Матере, святых славных и всехвальных апостол, святых *(дневной, храмовый или в честь которого освящена часовня или моленная комната, а также святой, память которого в этот день совершается)*, ихже *(его же или ея же)* память ныне совершаем, святых и праведных Богоотец Иоакима и Анны и всех святых, помилуй и спаси нас, яко Благ и Человеколюбец.

Х: Аминь. Господи, помилуй (трижды).

Если расхода нет и после Изобразительных сразу совершается Вечерня, то после молитвы преподобного Ефрема Сирина чтец читает: «Аминь», «Приидите, поклонимся...» (трижды) и 103 псалом. И далее по чину Вечерни.]

Ч: Господи, помилуй (12 раз). Всесвятая Троице, Единосущная Державо, Нераздельное Царство, всех благих Вина: благоволи же и о мне, грешнем, утверди, вразуми сердце мое и всю мою отыми скверну. Просвети мою мысль, да выну славлю, пою, и покланяюся, и глаголю: Един Свят, Един Господь, Иисус Христос во славу Бога Отца. Аминь.

Буди имя Господне благословено от ныне и до века (трижды).

Псалом 33

Благословлю Господа на всякое время, выну хвала Его во устех моих. О Господе похвалится душа моя, да услышат кротции и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на Него. Бойтесь Господа, вси святии Его, яко несть лишения боящимся Его. Богатии обнищаша и възалкаша, възыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети благи? Удержи язык твой от зла, и устне твои, еже не глаголати лести. Уклонися от зла и сотвори благо. Взыщи мира, и пожени и. Очи Господни на праведныя, и уши Его в молитву их. Лице же Господне на творящыя злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

Х (8 глас): Достоино есть яко воистинну / блажити Тя, Богородицу, / Присноблаженную и Пренепорочную / и Матерь Бога нашего. / Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу Тя величаем⁵².

Слава, и ныне. Господи, помилуй (трижды). Господи, благослови.

С. творит отпуст лицом к народу: Господи, Иисусе Христе, Сыне Божий, молитвами Пречистыя Твоея Матере, святых славных и всехвальных апостол, святых *(дневной, храмовый или в честь которого освящена часовня или моленная комната, а также святой, память которого совершается)*, ихже *(его же или ея же)* память ныне совершаем, святых и праведных Богоотец Иоакима и Анны и всех святых, помилуй и спаси нас, яко Благ и Человеколюбец.

Х: Аминь. Господи, помилуй (трижды).

Вечерние богослужения

Вечерня вседневная

С: Молитвами святых отец наши...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Чтец: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 103

⁵² В дни попраздств двенадесятих праздников поется задостойник праздника.

Благослови, душе моя, Господа. Господи, Боже мой, возвеличился еси зело. Во исповедание и в велелепоту облеклся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагай облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основная землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнезятся, еродиево жилище предводительствует ими. Горы высокия еленем, камень прибежище зайцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающии, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают змий сей, егоже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благности, отвращшу же Тебе лице, возьмутся, отъимеши дух их, и исчезнут, и в персть свою возвратятся. Послещи Духа Твоего, и созиждутся, и обновиши лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасаяйся горам, и дыматся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Слава, и ныне. Аллилуия, Аллилуия, Аллилуия, слава Тебе, Боже (трижды).

Х (вместо Мирной ектении): Господи, помилуй (40 раз).

С: Молитвами святых Отец наших...

Х: Аминь.

Ч: Читается рядовая кафизма (если накануне не служилось Всенощное бдение)

[Чтение кафизмы на Вечерне совершается следующим образом:

После того, как хор спел «Аминь», чтец сразу начинает читать псалом. Дойдя до «Славы», чтец говорит: «Слава Отцу и Сыну и Святому Духу». Хор начинает петь: «И ныне, и присно, и во веки веков. Аминь. Аллилуиа, Аллилуиа, Аллилуиа, слава Тебе Боже (трижды). Господи, помилуй (трижды). Слава Отцу и Сыну и Святому Духу». Далее чтец: «И ныне, и присно, и во веки веков. Аминь» и читает далее псалом. В конце кафизмы чтец читает полностью: «Слава Отцу и Сыну и Святому Духу, и ныне, и

присно, и во веки веков. Аминь. Аллилуиа, Аллилуиа, Аллилуиа, слава Тебе Боже (трижды)». Далее хор поет «Господи, помилуй (12 раз» за малую ектению].

Х (вместо Малой ектении): Господи, помилуй (12 раз).

Ч: Молитвами святых Отец наших...

Х: Аминь.

Если накануне совершалось Всенощное бдение, то рядовую кафизму не читаем, а сразу вступает канонарх.

К. (Канонарх): Глас *(номер гласа стихир)*. Господи, воззвах к Тебе, услыши мя.

Здесь Старший совершает каждение всего храма⁵³

Х: Господи, воззвах к Тебе, услыши мя: услыши мя, Господи. Господи, воззвах к Тебе, услыши мя, вонми гласу моления моего, внемди воззвати ми к Тебе. Услыши мя, Господи.

Да исправится молитва моя, яко кадило пред Тобою: воздеяние руку мою, жертва вечерняя. Услыши мя, Господи.

Ч (по желанию может хор)⁵⁴: Положи, Господи, хранение устом моим, и дверь ограждения о устнах моих.

Не уклони сердце мое в словеса лукавствия, непщевати вины о гресех.

С человеки делающими беззаконие, и нее сочтуса со избранными их.

Накажет мя праведник милостию и обличит мя, елей же грешнаго да не намастит главы моея.

Яко еще и молитва моя во благоволениях их, пожертвы быша при камени судии их.

Услышатся глаголы моя, яко возмогоша: яко толща земли проседесе на земли, расточишася кости их при аде.

Яко к Тебе, Господи, Господи, очи мои, на Тя уповах, не отыми душу мою.

Сохрани мя от сети, юже составиша ми, и от соблазн делающих беззакония.

Падут во мрежу свою грешницы, един есмь аз, дондеже прейдю.

Гласом моим ко Господу воззвах, гласом моим ко Господу помолихся.

Пролию пред ним моление мое, печаль мою пред Ним возвещу.

Внемди исчезати от мене духу моему, и Ты познал еси стези моя.

⁵³ Если богослужение совершается в часовне, молитвенном доме или просто в помещении, то кадится все пространство.

⁵⁴ На практике, чтение этих стихов опускается до стихов, которые идут в связке со стихирами. Однако исполнение данных стихов похвально, так как является традицией благочестивой.

На пути сем, по немуже хождах, скрыша сеть мне.

Смотрях одесную и возглядах, и не бе знайя мене.

Погибе бегство от мене, и несть взыскайя душу мою.

Возвах к Тебе, Господи, рех: Ты еси упование мое, часть моя еси на земли живых.

Вонми молению моему, яко смирихся зело.

Избави мя от гонящих мя, яко укрепишася паче мене.

Стихи озвучивает канонарх, между стихами хор поет стихиры из Октоиха, Триоди (если это Великий Пост или дни после Пасхи) или Минеи.

К: На 10 (Всенощное бдение): Изведи из темницы душу мою, исповедатися имени Твоему. И стихиры воскресны.

Мене ждут праведницы, дондеже воздаси мне.

На 8 (Всенощное бдение или Полиелей): Из глубины возвах к Тебе, Господи, Господи, услыши глас мой.

Да будут уши Твои внимлюще гласу моления моего. Таже поем стихиры восточны.

На 6 (Шестеричная служба): Аще беззакония назриши, Господи, Господи, кто постоит, яко у Тебе очищение есть.

Имене ради Твоего потерпех Тя, Господи, потерпе душа моя в слово Твое, упова душа моя на Господа.

На 4 (без знака): От стражи утренния до ночи, от стражи утренния, да уповает Израиль на Господа.

Яко у Господа милость, и многое у Него избавление, и Той избавит Израиля от всех беззаконий его.

Хвалите Господа, вси языцы, похвалите Его, вси людие.

Яко утвердися милость Его на нас, и истина Господня пребывает вовек.

К: Слава, глас (номер гласа стихиры)

Х: Слава Отцу и Сыну и Святому Духу: далее поют Стихиру

К: И ныне, глас тойже (или называет номер гласа, если не совпадает номер со Славой).

Х: И ныне, и присно, и во веки веков. Аминь. Богородичен.

Х (Чтец, если всенедельное богослужение): Свете Тихий, Святыя Славы Бессмертнаго Отца Небеснаго, Святаго Блаженнаго, Иисусе Христе! / Пришедше на запад солнца, видевши свет вечерний, / поем Отца, Сына и Святаго Духа, Бога. / Достоин еси во вся времена пет быти гласы преподобными, / Сыне Божий, живот даяй, // темже мир Тя славит.

Старший оглашает Прокимен дня

В субботу вечера

Прокимен, глас 6: Господь воцарися, / в лепоту облечеса.

Стих: Облечеса Господь в силу, и припоясаса.

Стих: Ибо утверди вселенную, яже не подвижится.

Стих: Дому Твоему подобает святыня, Господи, в долготу дней.

В неделю вечера

Прокимен, глас 8: Се ныне благословите Господа / вси раби Господни.

Стих: Стоящие во храме Господни, во дворех дому Бога нашего.

В понедельник вечера

Прокимен, глас 4: Господь услышит мя, / внегда воззвати ми к Нему.

Стих: Внегда призвати ми, услыша мя Бог правды моя.

Во вторник вечера

Прокимен, глас 1: Милость Твоя, Господи, / поженет мя вся дни живота моего.

Стих: Господь пасет мя, и ничтоже мя лишит, на месте злачне, тамо всели мя.

В среду вечера

Прокимен, глас 5: Боже, во имя Твое спаси мя, / и в силе Твоей суди ми.

Стих: Боже, услыши молитву мою, внуши глаголы уст моих.

В четверток вечера

Прокимен, глас 6: Помощь моя от Господа, / Сотворшаго небо и землю.

Стих: Возведох очи мои в горы, отнюдуже приидет помощь моя.

В пяток вечера

Прокимен, глас 7: Боже, заступник мой еси Ты, / и милость Твоя предварит мя.

Стих: Изми мя от враг моих, Боже, и от востающих на мя избави мя.

В Неделю вечера о Страшном Суде, вторая и четвертая Недели Четырдесятницы

Прокимен, глас 8: Не отврати лица Твоего от отрока Твоего, яко скорблю, скоро услыши мя: / вонми души моей, и избави ю.

Стих: Спасение Твое Боже да примет мя.

Стих: Да узрят нищии, и возвеселятся.

Стих: Взыщите Бога, и жива будет душа ваша.

В первую, третью и пятую Недели Четырдесятницы

Прокимен, глас 8: Дал еси достояние / боящимся Тебе, Господи.

Стих: От конец земли к Тебе воззвах.

Стих: Покрыюся в крове крил Твоих.

Стих: Тако воспую имени Твоему во веки.

В понедельник вечера во время Великого Поста

Аллилуиа, глас 6: Аллилуиа, Аллилуиа, Аллилуиа.

Стих: Господи, да не яростию Твоею обличиши мене, ниже гневом Твоим накажеш мене.

Во вторник и четверг вечера во время Великого Поста

Аллилуиа, глас 6: Аллилуиа, Аллилуиа, Аллилуиа.

Стих: Возносите Господа Бога нашего, и поклоняйтесь подножию ногу Его, яко свято есть.

В среду вечера во время Великого Поста

Аллилуиа, глас 6: Аллилуиа, Аллилуиа, Аллилуиа.

Стих: Во всю землю изыде вещание их, и в концы вселенныя глаголы их.

Вечерня заупокойная

Аллилуиа, глас 8: Аллилуиа, Аллилуиа, Аллилуиа.

Стих: Блажени, яже избрал и приял еси, Господи.

Стих: Память их в род и род.

Стих: Души их во благих водворятся.

Ч: Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Х: Господи, помилуй (12 раз).

С: Молитвами святых Отец наших...

Х: Аминь. Поем Стихиры на Стиховне.

Ч: Ныне отпускаеши раба Твоего, Владыко, по глаголу Твоему с миром, яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.

Ч: Трисвятое. Пресвятая Троице. Отче наш.

С: Молитвами святых Отец наших...

Х: Аминь. Тропарь; Слава: *второй тропарь (если есть)*; И ныне: *Богородичен по гласу*. Господи, помилуй (12 раз). Честнейшую Херувим и славнейшую без сравнения Серафим, / без истления Бога Слова рождшую, сущую Богородицу Тя величаем. / Слава Отцу и Сыну и Святому Духу, и ныне и присно и во веки веков. Аминь. / Господи, помилуй (трижды). Господи, благослови.

С. говорит отпуст дня лицом к народу: Господи, Иисусе Христе, Сыне Божий...⁵⁵

Х: Аминь.

Многолетие

Великого Господина и Отца нашего Кирилла, / Святейшего Патриарха Московского и всея Руси, / и Господина нашего Высокопреосвященнейшаго (**или Преосвященнейшего**) (**имя**) митрополита (или архиепископа, или епископа) (наименование кафедры), / богохранимую страну нашу Российскую (**или иная другая страна, в которой совершается богослужение**), / настоятеля, братию и прихожан святого храма сего и вся православныя христиане⁵⁶, // Господи, сохрани их на многая лета.

Если Вечерня совершается во дни поста («Аллилуиа»), то после «Ныне отпускаеши» и «Отче наш», хор по возгласе Старшего:

Аминь.

Богородице Дево, радуйся, / Благодатная Марие, Господь с Тобою; / благословенна Ты в женах / и благословен плод чрева Твоего, // яко Спаса родила еси душ наших (*Земной поклон*).

Слава: Крестителю Христов, всех нас помяни, / да избавимся от беззаконий наших: // тебе бо дадеся благодать молиться за ны (*Земной поклон*).

И ныне: Молите за нас святии апостоли, святии вси, / да избавимся от бед и скорбей: // вас бо теплыя предстатели ко Спасу стяжахом (*Земной поклон*).

Под Твое благоутробие прибегаем, Богородице, / моления наша не презри во обстоянии, / но от бед избави нас, // Едина Чистая, Едина Благословенная (*Поклона не творим*).

Ч: Господи, помилуй (40 раз). Господи, помилуй (трижды). Слава, и ныне. Честнейшую Херувим... Господи, благослови.

С: Молитвами святых Отец наших...

⁵⁵ См. отпусты дневные в приложении.

⁵⁶ Если богослужение совершается в часовне, в молитвенном доме или на дому, то здесь уместно опустить прошения о настоятеле и братии, а сразу петь: «...богохранимую страну нашу Российскую, / и вся православныя христиане, // Господи, сохрани их...».

Ч: Аминь. Небесный Царю, веру утверди, языки укроти, мир умири, святы́й храм⁵⁷ сей добре сохрани: прежде отшедшия отцы и братию нашу в селениях праведных учини, и нас в покаянии и исповедании приими, яко Благий и Человеколюбец.

С: читается молитва преподобного Ефрема Сирина

Господи и Владыко живота моего, дух праздности, уныния, любоначала и празднословия не даждь ми. *(Земной поклон)*.

Дух же целомудрия, смиренномудрия, терпения и любви, даруй ми рабу Твоему. *(Земной поклон)*.

Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. Аминь. *(Земной поклон)*.

Затем все делают двенадцать поясных поклона, Старший вслух во время поклонов читает молитву: Боже, очисти мя грешнаго.

Затем Старший читает молитву полностью:

Господи и Владыко живота моего, дух праздности, уныния, любоначала и празднословия не даждь ми. Дух же целомудрия, смиренномудрия, терпения и любви, даруй ми рабу Твоему. Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. *(Земной поклон)*.

Х: Аминь. Достойно есть... Слава, и ныне. Господи, помилуй (трижды). Господи благослови.

С: читает дневной отпуст.

Х: Аминь. **Поется Многолетие.**

Малая вечерня

Совершается перед Всенощным бдением. В современной богослужебной практике используется редко.

С: Молитвами святых... **Ч:** Аминь. Царю Небесный. Трисвятое. Пресвятая Троице. Отче наш. **С:** Молитвами святых... **Ч:** Аминь. Господи, помилуй (12 раз). Слава, и ныне. Приидите, поклонимся... (трижды). 103 псалом. **Х+К:** Господи, воззвах. Стихиры на 4. Свете Тихий. **С:** Прокимен дня. **Х:** Стихиры на стиховне. **Ч:** Ныне Отпускаеши. Трисвятое. Пресвятая Троице. Отче наш. **С:** Молитвами святых... **Х:** Аминь. **Тропарь.** Слава, и ныне. **Богородичен.** Честнейшую Херувим... Слава, и ныне. Господи, помилуй (трижды). Господи, благослови. **С. произносит отпуст малый лицом к народу:** Господи, Иисусе Христе... **Х:** Аминь. **Многолетие.**

Хор «Господи, помилуй» вместо ектений диакона не произносит (ибо их на Малой вечерни, совершаемой иереем, нет). Если совершается на Малой вечерни Акафист, то поется после Стихир на стиховнах.

⁵⁷ Если богослужение совершается в монастыре, то читаем: «...святую обитель сию добре сохрани». Если Вечерня совершается в Часовне, молитвенном доме или на дому, то читаем: «...место сие добре сохрани».

Вечерня полиелейная

С: Молитвами святых отец наши...

Ч: Аминь. Царю Небесный. Трисвятое. Пресвятая Троице. Отче наш.

С: Молитвами святых Отец наших...

Чтец: Аминь. Господи, помилуй (12 раз). Слава, и ныне. Приидите, поклонимся... (трижды).

Псалом 103, он писан в Вечерне вседневной

Слава, и ныне. Аллилуия, Аллилуия, Аллилуия, слава Тебе, Боже (трижды).

Х (вместо Мирной ектении): Господи, помилуй (40 раз).

С: Молитвами святых Отец наших...

Х: Аминь. **Поем первую кафизму**⁵⁸:

Блажен муж, иже не иде на совет нечестивых. *Аллилуиа, Аллилуиа, Аллилуиа.* Яко весть Господь путь праведных, и путь нечестивых погибнет. *Аллилуиа...* Работайте Господеви со страхом и радуйтесь Ему с трепетом. *Аллилуиа...* Блажени вси надеющиеся Нань. *Аллилуиа...* Воскресни, Господи, спаси мя, Боже мой. *Аллилуиа...* Господне есть спасение и на людех Твоих благословение Твое. *Аллилуиа...*

*Слава Отцу и Сыну и Святому Духу, и ныне и присно и во веки веков. Аминь.
Аллилуиа, Аллилуиа, Аллилуиа, слава Тебе, Боже (трижды).*

Х (вместо Малой ектении): Господи, помилуй (12 раз).

Ч: Молитвами святых Отец наших...

Х: Аминь.

Если накануне совершалось Всенощное бдение, то рядовую кафизму не читаем, а сразу вступает канонарх.

К. (Канонарх): Глас (*номер гласа стихир*). Господи, воззвах к Тебе, услыши мя.

Х: Господи, воззвах к Тебе... (далее все подобно Вечерни вседневной)

Здесь Старший или сослужащий ему совершает каждение всего храма

Увещание! Во время богослужения мирским чином Входа не бывает, Царские врата не открываются, катапетасма не отдергивается.

Х (Чтец, если вседневное богослужение): Свете Тихий...

Старший оглашает Прокимен дня, он же писан в Вечерне вседневной

Если есть Паремии, то читаем их здесь.

⁵⁸ На практике вся кафизма не поется, а лишь избранные стихи, которые и преставлены в тексте данного Чинопоследования.

Х (вместо ектении): Господи, помилуй (12 раз).

С: Молитвами святых Отец наших...

Х: Аминь.

«Сподоби, Господи», глас 8⁵⁹

Сподоби, Господи, в вечер сей без греха сохранитися нам. / Благословен еси, Господи, Боже отец наших, / и хвално и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, / вразуми мя оправданием Твоим. / Благословен еси, Святой, просвети мя оправданием Твоими. / Господи, милость Твоя во век, дел руку Твоею не презри. / Тебе подобает хвала, Тебе подобает пение, / Тебе слава подобает, / Отцу и Сыну и Святому Духу, // ныне и присно и во веки веков. Аминь.

Х: Господи, помилуй (12 раз).

С: Молитвами святых Отец наших...

Х: Аминь. Стихиры на стиховне

«Ныне отпускаеши», глас 6

Ныне отпускаеши раба Твоего, Владыко, / по глаголу Твоему с миром, / яко видеста очи мои спасение Твое, / еже еси уготовал пред лицом всех людей, / свет во откровение языков, / и славу людей Твоих Израиля.

Ч: Трисвятое. Пресвятая Троице. Отче наш.

С: Молитвами святых Отец наших...

Х: Аминь. **Тропарь, Слава: тропарь второй (если есть), И ныне: Богородичен по гласу предыдущего тропаря.**

Честнейшую Херувим и славнейшую без сравнения Серафим, / без исления Бога Слова рождшую, сущую Богородицу Тя величаем. / Слава Отцу и Сыну и Святому Духу, и ныне и присно и во веки веков. Аминь. / Господи, помилуй (трижды). Господи, благослови.

С. говорит отпуст дня лицом к народу: Господи, Иисусе Христе, Сыне Божий...

Х: Аминь. **Поется многолетие.**

Малое повечерие

С: Молитвами святых Отец наших...

Ч: Аминь. Слава Тебе, Боже наш, слава Тебе. Царю Небесный. Трисвятое. Пресвятая Троице. Отче наш:

С: Молитвами святых Отец наших...

⁵⁹ Здесь разделения богослужебного текста идет на восьмой глас. Но если хор может спеть на другой глас или распев, то эти разделения могут быть не актуальны.

Ч: Аминь. Господи помилуй (12 раз). Слава, и ныне. Приидите, поклонимся... (трижды).

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 69

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящеся глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми; Помощник мой и Избавитель мой еси Ты, Господи, не закосни.

Псалом 142

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руце мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи путь, вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Славословие

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю небесный. Боже Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, Воземляй грех мира, помилуй нас, воземляй грехи мира, приими молитву нашу: Сядяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца. Аминь.

На всяку ночь благословлю Тя, и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Сподоби, Господи, в ночь сию без греха сохранитися нам. Благословен еси, Господи, Боже отец наших, и хваально, и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Символ веры

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Здесь поется канон. Если совершается Малое повечерие накануне воскресного дня, то берем канон Пресвятой Богородицы, который написан в Октоихе (см. службу гласа, «В субботу вечера, на повечерии»). Если это будний день, то можно петь канон дня, Пресвятой Богородицы («Воду прошед...») или святого, канон которого специально определен для чтения на сей службе. По окончании канона хор поет «Достойно есть».

Х: Достойно есть яко воистину / блажити Тя Богородицу, / Присноблаженную и Пренепорочную / и Матерь Бога нашего. / Честнейшую Херувим / и славнейшую без

сравнения Серафим, / без исления Бога Слова рождшую, / сущую Богородицу Тя величаем

Ч: Трисвятое. Пресвятая Троице. Отче наш.

С: Молитвами святых Отец наших...

Х: Аминь.

Если совершаем Малое повечерие накануне воскресного дня, то здесь хор поет кондак воскресный гласа. В воскресные дни пения Триоди постной и цветной, поем кондак Триоди. В дни попразднства двенадесятих праздников читается кондак праздника. Если обычный день, поем так:

Тропарь святого, которому совершается служба, тропарь храма (или часовни) и следующие тропари и кондаки:

Глас 4: Боже отец наших, / творяй присно с нами по Твоей кротости: / не остави милость Твою от нас, / но молитвами их // в мире управи живот наш.

Глас 8: Иже во всем мире мученик Твоих, / яко багряницею и виссом, / кровью Церковь Твоя украсившия, / теми вопиет Ти, Христе Боже: / людем Твоим щедроты Твоя низпосли, / мир жительству Твоему даруй, // и душам нашим велию милость.

Слава, глас 6: Со святыми упокой, / Христе, души раб Твоих, / идеже несть болезнь, ни печаль, / ни воздыхание, // но жизнь безконечная.

И ныне, глас 8: Молитвами, Господи, всех святых и Богородицы, / Твой мир даждь нам и помилуй нас, // яко Един щедр.

Ч: Господи, помилуй (40 раз)

Молитва святителя Василия Великого

Иже на всякое время и на всякий час, на небеси и на земли покланяемый и славимый Христе Боже, долготерпеливе, многомилостиве, многоблагодарне, Иже праведныя любяй, и грешныя милуй, Иже вся зовый ко спасению обещания ради будущих благ; Сам, Господи, прими и наша в час сей молитвы, и исправи живот наш к заповедем Твоим; души наша освяти, телеса очисти, помышления исправи, мысли очисти, и избави нас от всякия скорби, зол и болезней; огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум неприступныя Твоя славы, яко благословен еси во веки веков. Аминь.

Господи помилуй (трижды). Слава, и ныне. Честнейшую Херувим... Господи, благослови.

С: Молитвами святых Отец наших...

Ч: Аминь.

Если совершаем Малое повечерие во дни Поста («аще есть Аллилуиа»), то здесь Старший читает молитву преподобного Ефрема Сирина:

Господи и Владыко живота моего, дух праздности, уныния, любоначала и празднословия не даждь ми. *(Земной поклон).*

Дух же целомудрия, смиренномудрия, терпения и любви, даруй ми рабу Твоему. *(Земной поклон)*.

Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. Аминь. *(Земной поклон)*.

Затем все делают двенадцать поясных поклона, Старший вслух во время поклонов читает молитву: Боже, очисти мя грешного.

Затем Старший читает молитву полностью:

Господи и Владыко живота моего, дух праздности, уныния, любоначала и празднословия не даждь ми. Дух же целомудрия, смиренномудрия, терпения и любви, даруй ми рабу Твоему. Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. *(Земной поклон)*.

Ч: Аминь.

Если совершаем Повечерие в обычные дни, то по возгласе сразу следующую молитву:

Нескверная, Неблазная, Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина Надеждо и боримых Помоще, готовое Заступление к Тебе притекающих, и всех христиан Прибежище: не гнушайся мене грешного, скверного, скверными помысли, и словеса, и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и приими мое еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляючи, моли, да отверзет и мне человеколюбныя утробы Своея благодати, и презрев моя бесчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердая, и Благолюбивая, в настоящем убо житии теплая Предстательнице и Помощнице, сопротивных нашествия отгоняючи, и ко спасению наставляючи мя: и во время исхода моего окаянную мою душу соблюдаючи, и темныя зраки лукавых бесов далече от нея отгоняючи; в страшный же день суда вечныя мя избавляючи муки и неизреченныя славы Твоего Сына и Бога нашего наследника мя показующи; юже и да улучу, Владычице моя, пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

И даждь нам, Владыко, на сон грядущим, покой тела и души, и сохрани нас от мрачнаго сна греховнаго, и от всякаго темнаго и ношнаго сладострастия. Укроти стремления страстей, угаси разжженные стрелы лукаваго, яже на ны льстивно движимыя. Плоти наша востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы

утверждены в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков. Аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Упование мое Отец, прибежище мое Сын, покров мой Дух Святыи: Троице Святая, слава Тебе.

Х: Слава, и ныне. Господи помилуй (трижды). Господи, благослови.

С: Господи Иисусе Христе, Сыне Божий, молитвами Пречистыя Твоя Матере, преподобных и богоносных отец наших и всех святых, помилуй и спаси нас, яко Благ и Человеколюбец.

Х: Аминь.

С. или Ч: Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Яже в мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным молиться о них помилуй по велицей Твоей милости. Помяни, Господи, братьий наших плененных и избави я от всякого обстояния. Помяни, Господи, плодоносящих и доброделающих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы наша Богородицы и Приснодевы Марии и всех Твоих святых: яко благословен еси во веки веков.

Х: Аминь.

Вечернее правило

С: Молитвами святых Отец наших...

Ч: Аминь. Слава Тебе, Боже наш, слава Тебе.

Царю Небесный. Трисвятое. Пресвятая Троице. Отче наш.

С: Молитвами святых Отец наших...

Х: Аминь.

Тропари, глас 6

Помилуй нас, Господи, помилуй нас; / всякаго бо ответа недоумеюще, / сию Ти молитву, яко Владыце грешнии приносим: // помилуй нас.

Слава: Господи, помилуй нас, / на Тя бо уповахом; / не прогневайся на ны зело, / ниже помяни беззаконий наших, / но призри и ныне, яко Благоутробен, / и избави ны от враг наших; / Ты бо еси Бог наш, / и мы людие Твои, / вси дела руку Твоею, // и имя Твое призываем.

И ныне: Милосердия двери отверзи нам, / Благословенная Богородице, / надеющиеся на Тя да не погибнем, / но да избавимся Тобою от бед: / Ты бо еси спасение // рода христианскаго.

Ч: Господи, помилуй (12 раз)

Молитва первая святого Макария Великого к Богу Отцу

Боже вечный и Царю всякаго создания, сподобивый мя даже в час сей dospети, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиренного ми ложа, благоугожду пресвятому имени Твоему, во вся дни живота моего, и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков. Аминь.

Молитва вторая святого Антиоха ко Господу нашему Иисусу Христу

Вседержителю, Слово Отчее, Сам совершен сый, Иисусе Христе, многого ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамоле змиине, и желанию сатанину не остави мене, яко семя тли во мне есть. Ты убо, Господи Боже покланяемый, Царю Святыи, Иисусе Христе, спяща мя сохрани немерцающим светом, Духом Твоим Святым, Имже освятил еси Твоя ученики. Даждь, Господи, и мне, недостойному рабу Твоему, спасение Твое на ложи моем: просвети ум мой светом разума святаго Евангелия Твоего, душу любовию Креста Твоего, сердце чистотою словесе Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

Молитва третья ко Пресвятому Духу

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укори; или оклеветах кого гневом моим, или опечалих, или о чем прогневахся; или солгах, или безгодно спях, или нищ прииде ко мне и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеяхся, моя же суть безчисленныя согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю

пречестное имя Твое, со Отцем, и Единородным Его Сыном, ныне и присно, и во веки. Аминь.

Молитва четвертая святого Макария Великого

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко лентящая мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, едина Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послы ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственныя мольбы. Ей, Господи, услыши мя грешнаго и убогаго раба Твоего, изволением и совестью; даруй ми воставшу словесем Твоим поучитися, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и приими Сию молящуюся за ны; вем бо, яко подражает Твое человеколюбие, и молящися не престаёт. Тоя заступлением, и Честнаго Креста знаменем, и всех святых Твоих ради, убогую душу мою соблюди, Иисусе Христе Боже наш, яко Свят еси, и препрославлен во веки. Аминь.

Молитва пятая

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послы, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Молитва шестая

Господи Боже наш, в Него же веровахом, и Его же имя паче всякаго имене призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити дела и словеса; да добродетельное жительство восприемлюще, обетованных не отпадем благих Твоих, яко благословен еси во веки. Аминь.

Молитва седьмая святителя Иоанна Златоуста

Господи, не лиши мене небесных Твоих благ. Господи, избави мя вечных мук. Господи, умом ли или помышлением, словом или делом согреших, прости мя. Господи,

избави мя всякаго неведения и забвения, и малодушия, и окамененнаго нечувствия. Господи, избави мя от всякаго искушения. Господи, просвети мое сердце, еже помрачи лукавое похотение. Господи, аз яко человек согреших, Ты же, яко Бог щедр, помилуй мя, видя немощь души моя. Господи, последи благодать Твою в помощь мне, да прославлю имя Твое святое. Господи Иисусе Христе, напиши мя раба Твоего в книзе животней и даруй ми конец благий. Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. Господи, окропи в сердце моем росу благодати Твоея. Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.

Господи, в покаянии приими мя. Господи, не остави мене. Господи, не введи мене в напасть. Господи, даждь ми мысль благу. Господи, даждь ми слезы, и память смертную, и умиление. Господи, даждь ми помысл исповедания грехов моих. Господи, даждь ми смирение, целомудрие и послушание. Господи, даждь ми терпение, великодушие и кротость. Господи, всели в мя корень благих, страх Твой в сердце мое. Господи, сподоби мя любити Тя от всея души моя и помышления и творити во всем волю Твою. Господи, покрый мя от человек некоторых, и бесов, и страстей, и от всякия иныя неподобныя вещи. Господи, веси, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

Молитва восьмая ко Господу нашему Иисусу Христу

Господи Иисусе Христе, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящаго обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкийся, исторгни мя от окаянства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получитьи блаженства Твоя: на Тя бо, Господи, уповах, спаси мя.

Молитва девятая Петра Студийского ко Пресвятой Деве

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневаю Сына Твоего и Бога моего, и многажды аще каюся, лож пред Богом обретаюся, и каюся трепеща: не ужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая престаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего, Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. Аминь.

Молитва десятая ко Пресвятой Богородице

Благого Царя благая Мати, Пречистая и Благословенная Богородице Марие, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока преиду и Тобою рай да обрящу, Богородице Дево, едина Чистая и Благословенная.

Молитва одиннадцатая ко святому Ангелу-Хранителю

Ангеле Христов, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеша благодати и милости Всесвятыя Троицы и Матере Господа моего Иисуса Христа и всех святых. Аминь.

Х: Кондак Богородице, глас 8

Взбранной Воеводе победительная, / яко избавльшеся от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Ч: Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене грешнаго, требующа Твоя помощи и Твоего заступления, на Тя бо упова душа моя, и помилуй мя.

Молитва святого Иоанникия

Упование мое Отец, прибежище мое Сын, покров мой Дух Святыи: Троице Святая, слава Тебе.

Молитва святого Иоанна Дамаскина

Владыко Человеколюбче, не ужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстоит. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневаю, и Пречистую Твою Матерь, и вся Небесныя силы, и святаго Ангела хранителя моего. Вем убо, Господи, яко недостойн есмь человеколюбия Твоего, но достоин есмь всякаго осуждения и муки. Но, Господи, или хощу, или не хощу, спаси мя. Аще бо праведника спасеши, ничтоже велие; и аще чистаго помилуеши, ничтоже дивно: достойни бо суть милости Твоя. Но на мене грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благодати и милосердию: и якоже хощещи, устрой о мне вещь.

Просвети очи мои, Христе Боже, да не когда усну в смерть, да не когда речет враг мой: укрепихся на него.

Слава: Заступник души моя буди, Боже, яко посреде хожду сетей многих; избави мя от них и спаси мя, Блаже, яко Человеколюбец.

И ныне: Преславную Божию Матерь, и святых Ангел Святейшую, немолчно воспоим сердцем и усты, Богородицу сию исповедающе, яко воистинну рождшую нам Бога воплощенна, и молящуюся непрестанно о душах наших.

Молитва Честному Кресту

Да воскреснет Бог, и расточатся врази Его, и да бежат от лица Его ненавидящие Его. Яко исчезает дым, да исчезнут; яко тает воск от лица огня, тако да погибнут беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшаго силу диаволу, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

Или кратко читай сию молитву

Огради мя, Господи, силою Честнаго и Животворящаго Твоего Креста, и сохрани мя от всякаго зла.

Молитва Господу

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Ненавидящих и обидящих нас прости, Господи Человеколюбче. Благодетельным благосотвори. Братиям и сродником нашим даруй яже ко спасению прощения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопших отец и братьев наших и упокой их, идеже присещает свет лица Твоего. Помяни, Господи, братьев наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прощения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

Исповедание грехов повседневное, читаемое коленопреклоненно в будние дни, кроме чтеца

Исповедаю Тебе Господу Богу моему и Творцу, во Святей Троице Единому, славимому и покланяемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и ночи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствы: зрением,

слухом, обонянием, вкусом, осязанием и прочими моими грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

Если совершаем Вечернее правило во дни Поста («аще есть Аллилуиа»), то здесь Старший читает молитву преподобного Ефрема Сирина:

Господи и Владыко живота моего, дух праздности, уныния, любоначала и празднословия не даждь ми. *(Земной поклон)*.

Дух же целомудрия, смиренномудрия, терпения и любви, даруй ми рабу Твоему. *(Земной поклон)*.

Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. Аминь. *(Земной поклон)*.

Затем все делают двенадцать поясных поклона, Старший вслух во время поклонов читает молитву: Боже, очисти мя грешнаго.

Затем Старший читает молитву полностью:

Господи и Владыко живота моего, дух праздности, уныния, любоначала и празднословия не даждь ми. Дух же целомудрия, смиренномудрия, терпения и любви, даруй ми рабу Твоему. Ей, Господи Царю, даруй ми зрети моя согрешения, и не осуждати брата моего, яко благословен еси во веки веков. *(Земной поклон)*.

Х: Аминь.

Если совершается Вечернее правило в обычные дни, то сразу поется следующее:

Х: Слава, и ныне. Господи, помилуй (трижды). Господи, благослови.

С. говорит отпуст лицом к народу: Господи Иисусе Христе, Сыне Божий, молитв ради Пречистыя Твоея Матере, преподобных и богоносных Отец наших и всех святых, помилуй и спаси нас, яко Благ и Человеколюбец⁶⁰.

Х: Аминь. Господи, помилуй (трижды)

Каждый, когда готовится ко сну, читает молитву сию и налагает на себя крестное знамение:

В руце Твои, Господи Иисусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.

Отпусты на разных службах для мирян

Отпуст малый

⁶⁰ По традиции некоторых общин, здесь малый отпуст можно заменить дневным или праздничным.

Господи, Иисусе Христе, Сыне Божий, молитв ради Пречистыя Твоя Матере и всех святых, помилуй и спаси нас, яко Благ и Человеколюбец.

Отпуст дневной вечером в воскресенье и утром в понедельник

Господи, Иисусе Христе, Сыне Божий, молитв ради Пречистыя Твоя Матере, Предстательства Честных Небесных Сил Бесплотных, святых славных и всехвальных апостол, святого **(имя святого храма, часовни)**, святых **(имена святых дня)**⁶¹, ихже и память ныне совершаем, святых и праведных Богоотец Иоакима и Анны и всех святых, помилуй и спаси нас, яко Благ и Человеколюбец.

Отпуст дневной вечером в понедельник и утром во вторник

Господи, Иисусе Христе, Сыне Божий, молитв ради Пречистыя Твоя Матере, святых славных и всехвальных апостол, Честнаго славнаго пророка, Предтечи и Крестителя Господня Иоанна, святого **(имя святого храма, часовни)** ...

Отпуст дневной вечером во вторник и утром в среду

Господи, Иисусе Христе, Сыне Божий, молитв ради Пречистыя Твоя Матере, Силою Честнаго и Животворящего Креста, святых славных и всехвальных апостол, святого **(имя святого храма, часовни)** ...

Отпуст дневной вечером в среду и утром в четверг

Господи, Иисусе Христе, Сыне Божий, молитв ради Пречистыя Твоя Матере, святых славных и всехвальных апостол, иже во святых отца нашего Николая, архиепископа Мир Ликийских, чудотворца, святого **(имя святого храма, часовни)** ...

Отпуст дневной в четверг вечером и в пятницу утром

См. отпуст дневной вечером во вторник и утром в среду

Отпуст дневной в пятницу вечером и в субботу утром

Господи, Иисусе Христе, Сыне Божий, молитв ради Пречистыя Твоя Матере, святых славных и всехвальных апостол, святых славных и добропобедных мучеников, преподобных и богоносных отец, святого **(имя святого храма, часовни)** ...

Отпуст в субботу вечером на Великой вечерне⁶² и в воскресенье утром

Воскресый из мертвых, Господи, Иисусе Христе, Сыне Божий, молитв ради Пречистыя Твоя Матере, святых славных и всехвальных апостол, святого **(имя святого храма, часовни)** ...

В праздник Рождества Христова

Иже в вертепе родивыйся, и в яслех возлегий, нашего ради Спасения, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

⁶¹ Здесь возможно говорить отпуст и так: «...И святых (называем всех святых дня) и святого (имя святого, которого сугубо чтим в этот день), егоже память ныне совершаем, святых и праведных...»

⁶² На малой вечерне произносится малый отпуст.

В праздник Обрезания Господня

Иже во осмый день плотию обрезатися изволивый, нашего ради Спасения, Господи, Иисусе Христе, Сыне Божий, молитвами Пречистыя Твоя Матере, иже во святых отца нашего Василия Великаго, архиепископа Кесарии Каппадокийския, егоже и память ныне совершаем, и всех святых, помилуй и спаси нас, яко Благ и Человеколюбец.

В праздник Святого Богоявления

Иже во Иордане от Иоанна креститися изволивый нашего ради спасения, Господи Иисусе Христе, Сыне Божий, молитв ради Пречистыя Твоя Матере, святых и праведных Богоотец Иоакима и Анны и всех святых, помилуй и спаси нас, яко Благ и Человеколюбец.

В праздник Сретения Господня

Иже во объятиих праведнаго Симеона носитися изволивый, нашего ради Спасения, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В праздник Входа Господня во Иерусалим

Иже на жребяти осли сести изволивый, нашего ради Спасения, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

Вечером в день праздника Входа Господня во Иерусалим, в Великий Понедельник, Вторник и Среду

Грядый на вольную страсть, нашего ради Спасения, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В Великий Четверток

Иже за превосходящую Благодать Путь добрейший смирения показавый, внегда умыти ноги учеников, даже и до креста и погребения Снизшедый нам, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В Великий Пяток по чтении Евангелий Страстей

Иже оплевания, и биения, и заушения, и крест, и смерть претерпевый за Спасение мира, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В Великий Пяток и в Великую Субботу

Иже нас ради человеков и нашего ради Спасения страшныя страсти и Животворящий крест, и вольное погребение плотию изволивый, Господи Иисусе

Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В праздник Светлого Христова Воскресения

Воскресый из мертвых, смертию смерть поправ и сущим во гробех живот даровав, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

От Недели Фоминой и до Отдания праздника Пасхи

Воскресый из мертвых, Господи Иисусе Христе, Сыне Божий, молитв ради Пречистыя Твоя Матере, святых славных и всехвальных апостол и святых (святой храма, часовни или молельной комнаты, святые, память которых совершается), ихже (егоже или еяже) память ныне совершаем, преподобных и богоносных Отец наших и всех святых, помилуй и спаси нас, яко Благ и Человеколюбец.

В праздник Вознесения Господня

Иже во Славе Вознесыйся от нас на Небо, и одесную седый Бога и Отца, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В праздник Пятидесятницы (День Святой Троицы)

Иже в видении огненных язык с Небесе низпославый Пресвятаго Духа, на святых своя ученики и апостолы, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

На Великой вечерне, совершаемой вечером в день праздника Пятидесятницы

Иже от Отчих и Божественных Недр истощивый Себе, и с Небесе на землю сошедый, и наше все восприемый естество, и обоживый е, по сих же на Небеса паки возшедый, и одесную седый Бога и Отца, Божественнаго же и Святаго, и Единосущнаго, и Единосильнаго, и Единославнаго, и Соприсносущнаго Духа низпославый на святых своя ученики и апостолы, и Сим просветивый убо их, и теми же всю вселенную, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

В праздник Преображения Господня

Иже на горе Фаворстей Преобразивыйся во Славе, пред святыми своими ученики и апостолы, Господи Иисусе Христе, Сыне Божий, молитв ради Пречистыя Твоя Матере, преподобных и богоносных Отец наших и всех святых, помилуй и спаси нас, яко Благ и Человеколюбец.

На панихиде и заупокойной литие

Живыми и мертвыми обладай, воскресый из мертвых, Господи, Иисусе Христе, Сыне Божий, молитв ради Пречистыя Твоя Матере, святых славных и всехвальных апостол, преподобных и богоносных Отец наших и всех святых, души от нас

преставльшихся (или душу от нас преставльшагося, или душу от нас преставльшейся) раб Твоих (или раба Твоего, или рабы Твоея) (имя) в селениях праведных учини, в недрах Авраама упокой и с праведными сопричти, а нас помилуй, яко Благ и Человеколюбец.

Молитвословия за трапезой⁶³

Молитва перед и после всякой пищи

Молитва перед завтраком

Ч (и народ): Очи всех, Господи, на тя уповают, и даеши ты им пищу во благовремени, отверзаеши Ты щедрую руку Твою и исполняеши всяко животно благоволение

Или читается молитва Господня («Отче наш»)

Слава, и ныне. Господи, помилуй (трижды). Господи, благослови.

С: Молитвами святых Отец наших, Господи Иисусе Христе, Сыне Боже наш, помилуй нас. **Или:** Молитвами святых Отец наших, Христе Боже, благослови ястие и питие рабом Твоим, яко свят еси всегда, ныне и присно, и во веки веков. **(и трехперстием благословляет пищу)**

Ч (и народ): Аминь.

По окончании завтрака

Ч (или хор и народ), глас 8: Благодарим Тя, Христе Боже наш, / яко насытил еси нас земных Твоих благ, / не лиши нас и Небеснаго Твоего Царствия. / Но яко посреде учеников Твоих пришел еси, Спасе, мир дай им: // прииди к нам и спаси нас.

Слава, и ныне. Господи, помилуй (трижды). Господи, благослови.

С: Молитвами святых Отец наших... **Или:** С нами Бог, Своею Благодатию и Человеколюбием, всегда, ныне и присно, и во веки веков.

Ч (и народ): Аминь.

Молитвы обеда

Перед обедом

Ч (народ и хор, если поют): Отче наш...

Слава, и ныне. Господи, помилуй (трижды). Господи, благослови.

⁶³ Молитвы трапезы печатаются по версии сщисп. Афанасия (Сахарова), епископа Ковровского, представленные в следующих исследованиях:

Часослов для мирян: с параллельным переводом на русский язык. – М.: Общество Синхрония, 2015. С.215-239.

Афанасий (Сахаров), еп. Молитвословия за трапезой. – М.: Храм свв. Космы и Дамиана на Маросейке, 1999. – 32 с.

С: Молитвами святых отец наших, Христе Боже, благослови ястие и питие рабом Твоим, яко Свят еси, всегда, ныне и присно, и во веки веков. **(и трехперстием благословляет пищу).**

Ч (народ или хор): Аминь.

После обеда

С: Молитвами святых отец наших, Господи Иисусе Христе, Боже наш, помилуй нас.

Ч (народ или хор поют на глас восьмой): Аминь.

Благословен Бог, милуяй и питаяй нас от юности нашея, / даяй пищу всякой плоти, / исполни радости и веселия сердца наша, / да всегда всякое довольство имущее, / преизобилуем во всякое дело благое, во Христе Иисусе, Господе нашем: / с Ним же Тебе слава подобает, / держава, честь и поклонение, / со Святым Духом // во веки. Аминь.

Слава Тебе, Господи, / слава Тебе, Святой, / слава Тебе, Царю, / яко дал еси нам брашна в веселие: / исполни нас и Духа Святаго, / да обрящемся пред Тобою благоудни и непостыдни, // егда воздаси комуждо по делом его.

Благодарим Тя, Христе Боже наш, / яко насытил еси нас земных Твоих благ, / не лиши нас и Небеснаго Твоего Царствия, / но яко посреде учеников Твоих пришел еси, Спасе, мир даяй им, // прииди к нам и спаси нас.

Далее, согласно сщисп. Афанасию, епископу Ковровскому, должны петься или читаться тропарь праздника или святого, после чего рекомендует чтение или пение следующих молитвословий:

Тропарь всем святым, в земле Русской просиявшим, глас 8:

Якоже плод красный Твоего спасительнаго сеяния, / земля Русская приносит Ти, Господи, всех святых, в той просиявших. / Тех молитвами в мире глубоце // Церковь и страну нашу Богородицею соблюди, Многомилостиве.

Здесь возможно пение или чтение тропарей русским святым, которые празднуются в тот день.

Слава: тропарь пророку Илии, глас 4:

Во плоти ангел, / пророков основание, / второй предтеча пришествия Христова, / Илия славный, / от ангела пищу приемый / и вдовицу во время глада препитавый, / и нам, почитающим тя, // благодатный питатель буди.

И ныне: Богородичен, глас тот же:

К Заступнице страны нашей Приснодеве Богородице притецем, / и к первописанной иконе Ея ныне припадем, / с верою зовуще из глубины души: / о Мати Божия, / спаси землю Русскую, / исцели сокрушение ея, // и верных людей утеши.

Слава, и ныне. Господи, помилуй (трижды). Господи, благослови.

С: С нами Бог Своею благодатию... **Или:** Молитвами святых отец наших...

Ч (народ или хор): Аминь.

Сщисп. Афанасий указывает, что если присутствуют на трапезе благодетели и те, кто ее устроили, то можно присовокупить следующие до «Славы»:

С: Милостиве Господи, помилуй рабов Твоих, нас милующих.

Ч (народ или хор): Милостиве Господи, помилуй рабов Твоих, нас милующих.

С: Слава Отцу и Сыну и Святому Духу.

Ч (народ или хор): И ныне и присно, и во веки веков. Аминь.

Далее поем на глас шестой: Избави от бед и скорбей рабов Твоих, / питающих нас, Милостиве, / яко мы усердно к Тебе прибегаем, / к Милостивому Питателю нашему / и всем милостивым // помилование обещавшему.

С: Помилуй, Господи, всех любящих, милующих и питающих нас, благодеющих и служащих нам, заповедавших и о них же заповедано нам молиться, и всех сродников их, о еже воздати им за любовь к нам, помянути их веру в силу молитвы братии и священников Твоих, и по вере их исполнити вся прошения их, излити на них блага духовная и телесная, благословити успехом труды и начинания их, и сохранить их от всяких скорбей – наипаче же да не будет им скорби за сие дело любви, нам совершаемое, - молимся Тебе, Милосерде Господи, услыши нас, грешных, молящихся Тебе, и помилуй.

Ч (народ или хор): Аминь. А затем обычные «Слава, и ныне», «Господи, помилуй» (трижды), «Господи, благослови» и возглас.

Молитвы перед или после ужина:

Перед ужином

Ч (и народ): Ядят убозии, и насытятся, и восхвалят Господа взыскающии Его, жива будут сердца их в век века.

Слава, и ныне. Господи, помилуй (трижды). Господи, благослови.

С: Молитвами святых Отец наших... **Или:** Молитвами святых Отец наших, Христе Боже, благослови ястие... **(и трехперстием благословляет пищу).**

Ч (и народ): Аминь.

После ужина

Ч (народ или хор): Бысть чрево Твое святая трапеза, имущая Небеснаго Хлеба, Христа Бога нашего, от Негоже всяк ядый не умирает, якоже рече всех, Богородительнице, Питатель.

Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Возвесилил ны еси, Господи, в творениях Твоих, и в делах руку Твоею возрадуемся.

Знаменася на нас свет лица Твоего, Господи, дал еси веселие в сердце моем, от плода пшеницы, вина и елеа своего умножишася. В мире вкупе усну и почию, яко Ты, Господи, единого на уповании вселил мя еси.

Слава, и ныне. Господи, помилуй (трижды). Господи, благослови.

С: Молитвами святых Отец наших... **Или:** С нами Бог, Своей Благодатию...

Ч (и народ): Аминь.

Молитвословия перед и после неуставными трапезами

Перед неуставной трапезой

Все делают три поклоны, с молитвой: Боже, очисти мя грешнаго (*поклон*); Создавый мя, Господи, помилуй мя (*поклон*); Без числа согреших, Господи, помилуй и прости мя, грешнаго (*поклон*).

Ч: Пресвятая Троице, помилуй нас: Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Слава, и ныне. Господи, помилуй (трижды). Господи, благослови.

С: Молитвами святых отец наших, Христе Боже, благослови ястие и питие рабом Твоим, яко Свят еси, всегда, ныне и присно, и во веки веков.

Ч: Аминь.

После неуставной трапезы

Ч: Достойно есть, яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую херувим и славнейшую без сравнения серафим, без истления Бога Слова рождшую, сущую Богородицу Тя величаем.

Слава, и ныне. Господи, помилуй (трижды). Господи, благослови.

С: С нами Бог Своею благодатию... **Или:** Молитвами святых отец наших...

Ч: Аминь.

Поминальная трапеза

С: Молитвами святых Отец наших...

Ч: Аминь. Трисвятое. Пресвятая Троице. Отче наш.

С: Молитвами святых Отец наших...

Х: Аминь.

Тропари, глас 4

Со духи праведных скончавшихся, / души раб Твоих (**или раба Твоего, или рабы Твоя**), Спасе, упокой, // сохраняя их (**или его, или ее**) во блаженной жизни, яже у Тебе, Человеколюбче.

В покоищи Твоем, Господи, / идеже вси святии Твои упокоеваются, // упокой и души раб Твоих **(или раба Твоего, или рабы Твоея)**, яко Един еси Человеколюбец.

Слава: Ты еси Бог, сошедый во ад и узы окованных разрешивый, // Сам и души раб Твоих **(или раба Твоего, или рабы Твоея)** упокой.

И ныне: Едина Чистая и Непорочная Дево, Бога без семене рождшая, // моли спастися душам их **(или души его, или души ея)**.

Припев: Господи Иисусе Христе, Сыне Божий, помилуй нас, грешных.

С: Читается молитва об упокоении

Помяни, Господи, души усопших раб Твоих **(или раба Твоего, или рабы Твоея) (имя)**. Елика в житии сем, яко человек **(или яко человецы)**, согреши **(или согрешили)**, Ты же, яко Человеколюбец Бог, помилуй и вечныя муки избави, и Небеснаго Царствия причастниками **(или причастником, или причастницей)** учини, и душам нашим полезное сотвори.

Х: Аминь. Отче наш. Слава, и ныне. Господи, помилуй (трижды). Господи, благослови.

С: Молитвами святых Отец наших...

Х: Аминь.

По окончании поминальной трапезы совершаем следующие молитвословия

Сия стихира поется (или читается) в сам день погребения, на девятый, двадцатый, сороковой дни по преставлении и в первую годовщину

Х (или чтец, если нет хора; может петься стихира всем народом на глас шестой): Зряще мя безгласна / и бездыханна предлежаща, / восплачите о мне, братие и друзи, / сродницы и знаемии: / вчерашний бо день беседовах с вами / и внезапно найде на мя страшный час смертный. / Но приидите вси, любящи мя / и целуйте мя последним целованием. / Не ктому бо с вами похожду / или беседу прочее, / к Судии бо отхожду, / идеже несть лицеприятия: / раб бо и владыка вкупе предстоят, / царь и воин, богатый и убогий / в равнем достоинстве; / кийждо бо от своих дел / или прославится, или постыдится. / Но прошу всех и молю, / непрестанно о мне молитесь Христу Богу, / да не низведен **(или: низведена; или: низведены будем)** буду по грехом моим на место мучения, // но да вчинит мя, идеже свет животный.

Сия стихира поется (или читается) в иных случаях, кроме вышеперечисленных:

Х (или чтец, если нет хора; может петься всем народом): Плачу и рыдаю, / егда помышляю смерть, / и вижду во гробех лежащую / по образу Божию созданную нашу красоту, / безобразну, безславну, / не имущую вида. / О, чудесе! / Что сие еже о нас бысть таинство? / Како предахомся тлению? / Како сопрягохомся смерти? / Воистинну Бога повелением, / якоже писано есть, // подающаго преставльшемуся упокоение.

С: Во блаженном успении вечный покой подаждь, Господи, усопшим рабом Твоим (или усопшему рабу Твоему, или усопшей рабе Твоей) (имя), и сотворим им (или ему, или ей) вечную память.

Х (и народ): Вечная память (трижды).

Благодарим Тя, Христе Боже наш, яко насытил еси нас... Слава, и ныне. Господи, помилуй (трижды). Господи, благослови.

С: Молитвами святых Отец наших... **Или:** С нами Бог, Своею Благодатию...

Х (и народ): Аминь.

Праздничная Пасхальная трапеза в первый день Светлого Христова Воскресения⁶⁴

Х (и народ), тропарь Пасхи, глас 8: Христос воскрес из мертвых, / смерть поправ / и сущим во гробех живот даровав (трижды). Господи Иисусе Христе, Сыне Божий, помилуй нас, грешных.

С. читает молитву: Господи Иисусе Христе Боже наш, по великой скорби Креста и страданий Твоих радости безмерной тридневным воскресением всех исполнивый! Благодарим Тя, яко сподобил еси ныне и нас, поприще поста совершивших, достигнути святых сих дней и радости светлаго Твоего воскресения причастниками быти. Благодарим Тя, яко по милосердию Твоему и неизреченному снисхождению к немощем нашим утешаеши нас и трапезою праздничною в подкрепление и услаждение немощной плоти. Темже молим Тя, благослови сей пасхальный хлеб, млеко огустевшее, яйца и прочия пасхальные снеди, наипаче сии, от нихже, повинующеся Уставу Церкви, в мимошедшие дни поста воздерживались рабы Твои, да будут они вкушающим их со благодарением во здравие, в подкрепление сил телесных, в веселие, и радость, да всякое довольство имуще, изобилovati будем и в дела благая, и от полноты благодарнаго сердца славити Тя, Воскресшаго, питающаго и утешающаго нас, купно же с Тобою и Безначальнаго Твоего Отца и Святаго Духа во веки веков⁶⁵.

Х (и народ): Аминь.

[Старший может прочитать и другую молитву при скудной пасхальной трапезе:

Господи Иисусе Христе, Боже наш, по великой скорби Креста и страданий Твоих, радости безмерной тридневным воскресением вся исполнивый! Благодарим Тя, яко сподобил еси и нас, поприще поста совершивших, достигнути святых сих дней и радости светлаго Твоего воскресения причастниками быти. Молим Тя: благослови и освяти хлебы сии, ихже рабы Твои по скудости своей вместо пасхальных снедей

⁶⁴ Печатается с некоторой редакцией по следующей книге: Молитвы трапезы // Часослов для мирян: с параллельным переводом на русский язык. – М.: Общество Синхрония, 2015. С.229-234

⁶⁵ «Творение святителя Афанасия (Сахарова), исповедника, епископа Ковровского. Молитва сия может быть прочитана иереем или старейшим из присутствующих на первой праздничной трапезе вместо обычной формулы благословения» (См. Молитва на благословение пасхальных снедей // Службы Светлой седмицы. – 2-е изд. – М.: Изд-во Сретенского монастыря, 2017. С.319.).

уготоваша и пред Твое Святое Лице принесоша. Да будут они вкушающим их верным в сладость и утешение, и скудость трапезы да не омрачит праздничной радости людей Твоих. Светом воскресения да разсеяны будут все скорби и печали, да все и богатые и убогие, и изобилующие, и в скудости сущие славят Тя, Воскресшаго, и в скорбях отраду нам Подающего, купно же с Тобою и Безначальнаго Твоего Отца и Святаго Дуза, во веки веков.

Х (и народ): Аминь.]

И далее хор и народ: Слава, и ныне. Господи, помилуй (трижды). Господи, благослови.

С: Молитвами святых отец наших, Христе Боже, благослови ястие и питие рабом Твоим, яко свят еси всегда, ныне и присно, и во веки веков.

Х (и народ): Аминь.

И после этого Старший восклицает: «Христос воскресе!», **а люди отвечают:** «Воистину Воскресе!»

По окончании трапезы:

Х (и народ), кондак Пасхи, глас 8: Аще и во гроб снизшел еси, Безмертне, / но адову разрушил еси силу / и воскресл еси, яко Победитель, Христе Боже, / женам мироносицам вещавый: радуйтесь! / И Твоим апостолом мир даруй, // падшим подай воскресение.

Слава, и ныне. Господи, помилуй (трижды). Господи, благослови.

С: Благословен Бог, милуй и питай нас от своих богатых даров, Своею благодатию и человеколюбием, всегда, ныне и присно, и во веки веков.

Х (и народ): Аминь.

И после этого Старший восклицает: «Христос воскресе!», **а люди отвечают:** «Воистину Воскресе!»

Праздничная Рождественская трапеза в первый день Рождества Господа Бога и Спаса нашего Иисуса Христа⁶⁶

Х (и народ), тропарь Рождества Христова, глас 4: Рождество Твое, Христе Боже наш, / возсия миру свет разума: / в нем бо звездам служащий, / звездою учахуся, / Тебе кланялися, Солнцу правды, / и Тебе ведети с высоты Востока: // Господи, Слава Тебе.

Господи Иисусе Христе, Сыне Божий, помилуй нас грешных.

С. читает молитву: Господи Иисусе Христе, Боже наш, изволивый спасения нашего ради на земли во плоти явиться и от Безневестных и Пречистой Девы Марии неизреченно родиться! Благодарим Тя, яко сподобил еси нас, подвигом поста предочистившихся, достигнути великаго праздника Твоего Рождества и в радости

⁶⁶ Печатается по следующему изданию: Молитвы трапезы // Часослов для мирян: с параллельным переводом на русский язык. – М.: Общество Синхрония, 2015. С.235-239.

духовной со агелами воспевати Тя, с пастырями славословити, с волхвами поклонятися. Благодарим Тя, яко по великому милосердию Твоему и безмерному снисхождению к немощем нашим утешаеши нас ныне не точию изобильною пищею духовною, но и трапезою праздничной. Темже молим Тя, отверзающаго щедрую руку Твою, исполняющаго все живущее благ Твоих, дающаго всем пищу, соответствующую времени и правилам церковным, благослови праздничныя снеди, верным людем Твоим уготованныя, наипаче сия, от нихже Уставу Церкви Твоей, в мимошедшии дни поста воздерживались рабы Твои, да будут оне вкушающим их со благодарением во здравие, в подкрепление сил телесных, в веселие и радость. Да вси мы, всякое довольство имуще, изобилувати будем и в дела благая, и от полноты благодарнаго сердца славити Тя, питающаго и утешающаго нас, купно же и Безначальнаго Твоего Отца и Пресвятаго Духа во веки веков.

Х (и народ): Аминь. Слава, и ныне. Господи, помилуй (трижды). Господи, благослови.

С: Молитвами святых отец наших, Христе Боже, благослови ястие и питие рабом Твоим, яко свят еси всегда, ныне и присно, и во веки веков.

Х (и народ): Аминь.

По окончании трапезы

Х (и народ), кондак Рождества Христова, глас 3: Дева днесь Пресущественнаго раждает, / и земля вертеп Неприступному приносит: / ангели с пастырьми славословят, / волсви же со звездою путешествуют: / нас бо ради родися // Отроча младо, Превечный Бог.

Слава, и ныне. Господи, помилуй (трижды). Господи, благослови.

С.: Молитвами святых Отец наших...

Х (и народ): Аминь.

Праздничная трапеза в день памяти апостолов Петра и Павла

Перед трапезой

Тропарь апостолов Петра и Павла, глас 4 (поется или читается):

Апостолов первопрестольницы/ и вселенныя учителяе, / Владыку всех молите/ мир вселенней даровати// и душам нашим велию милость.

Господи Иисусе Христе, Сыне Божий, помилуй нас грешных.

С: Господи Иисусе Христе, Боже наш! Благодарим Тя, яко даровал еси нам, поприще поста святых апостолов прешедшим, достигнути праздника славных Первоверховников Петра и Павла. Молим Тя, отверзающаго щедрую руку Твою, исполняющаго все живущее благ Твоих, дающаго всем пищу, соответствующую времени и правилам церковным, благослови праздничныя снеди, верным людем Твоим уготованныя, наипаче сия, от нихже повинующеся Уставу Церкви Твоея, в мимошедшии дни поста воздерживались рабы Твои, да будут оне вкушающим их со благодарением во здравие, в подкрепление сил телесных, в веселие и радость. Да вси

мы всякое довольство имуще, изобилуют будем и в дела благая, и от полноты бездарнаго сердца славить Тя, питающаго и утешающаго нас, купно же и Безначальнаго Твоего Отца и Пресвятаго Духа во веки веков.

Ч (народ или хор): Аминь. Слава, и ныне. Господи, помилуй. Господи, благослови.

С: Молитвами святых отец наших, Христе Боже, благослови ястие и питие рабом Твоим, яко Свят еси, всегда, ныне и присно, и во веки веков.

Ч (хор или народ): Аминь.

После трапезы

Читается или поется кондак апостолов, глас 2:

Твердые и боговещанные проповедатели, / верх апостолов Твоих, Господи, / приял еси в наслаждение благих Твоих и покой: / болезни бо оных и смерть приял еси паче всякаго всеплодия, // Едине, сведый сердечная.

Слава, и ныне. Господи, помилуй (трижды). Господи, благослови.

С: С нами Бог Своею благодатию... Или: Молитвами святых отец наших...

Ч (народ или хор): Аминь.

Если праздник святых первоверховных апостолов Петра и Павла выпадет на среду или пятницу, но вышеуказанная молитва перед трапезой читается на следующий день. В сам день праздника поем только тропарь апостолов.

Праздничная трапеза в день Успения Пресвятой Богородицы

Перед трапезой

Тропарь Успения Пресвятой Богородицы (читается или поется), глас 1:

В рождестве девство сохранила еси, / во успении мира не оставила еси, Богородице: / преставилася еси к животу, Мати сущи Живота, / и молитвами Твоими избавляеши от смерти души наша.

Пресвятая Богородице, спаси нас!

С: О, Пресвятая Госпоже наша, Дево Богородице, и по отшествии Твоем от земли людей православных не оставляющая, но присно милостями Своими посещающая, радости наши усугубляющая, скорби утешающая! Благодарим Тя, яко и ныне даровала еси нам радость достигнути праздника честнаго Твоего Успения, утешитися торжеством церковным, усладитися пищею духовною – похвалами, во славу Твою воспетыми. Веруем, Владычице, яко Твоего ради ходатайства даровано нам и утешение телесное – трапеза праздничная. Моли убо, Пречистая, Твоего Сына и Бога нашего, всех благ Дателя, да благословит Он праздничные снеди, наипаче сия, от нихже повинующеся Уставу Святой Церкви, православные люди воздерживались в мимошедшие дни поста, да будут оне вкушающим их со благодарением во здравие, в подкрепление сил телесных, в веселие и радость, да вси мы, всякое довольство телесное имуще, изобилуют будем и в дела благая, и от полноты благодарнаго сердца славить

питающего и не по грехом нашим милующаго нас Твоего Божественнаго Сына Христа Бога нашего, купно со Безначальным Его Отцем и Святым Духом, и Тебе, нашей Матери Благодатной, Предстательнице, Помощнице и Утешительнице, вкупе со святыми апостолами молебнo и благодарственнo взывати: Пресвятая Богородице, помогай нам всегда ныне и присно, и во веки веков.

Ч (хор или народ): Аминь. Слава, и ныне. Господи, помилуй (трижды). Господи, благослови.

С: Молитвами святых отец наших, Христе Боже, благослови ястие и питие рабом Твоим, яко Свят еси, всегда, ныне и присно, и во веки веков.

Ч (хор или народ): Аминь.

После трапезы

Читается или поется кондак праздника, глас 2

В молитвах Неусыпающую Богородицу, / и в предстательствах непреложное Упование / гроб и умерщвление не удержаста: / якоже бо Живота Матерь / к животу престави // во утробу Вселивыйся приснодевственную.

Слава, и ныне. Господи, помилуй (трижды). Господи, благослови.

С: С нами Бог Своею благодатию... Или: Молитвами святых отец наших...

Ч (хор или народ): Аминь.

Если праздник Успения Пресвятой Богородицы выпадет на среду или пятницу, но вышеуказанная молитва перед трапезой читается на следующий день. В сам день праздника поем только тропарь Успения.

Библиографический список

1. Афанасий (Сахаров), еп. Молитвословия за трапезой. – М.: Храм свв. Космы и Дамиана на Маросейке, 1999. – 32 с.
2. Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. – 544 с.
3. Иноческое келейное правило. – М.: Покровский женский монастырь, 2008. – 495 с.
4. Каледа Глеб, прот. Домашняя Церковь. Издание третье. – М.: Издательство Зачатьевского монастыря, 2001. – 279 с.
5. Службы Светлой седмицы. – 2-е изд. – М.: Изд-во Сретенского монастыря, 2017. – 336 с.
6. Часослов для мирян: с параллельным переводом на русский язык. – М.: Общество Синхрония, 2015. – 256 с.